

中國歷代卜人傳

右任



982.29
8734:2
V-6:2

中國歷代卜人傳卷一

潤德堂叢書之八

江蘇省一

江蘇省、在我國東南部、爲沿海各省之一。春秋時、分屬吳楚二國。秦置會稽、鄣諸郡。漢、晉、俱爲揚、徐二州。唐分屬江南、及淮南道。宋分屬江南東路、及浙江、淮西等路。元分屬河南、江浙等處、行中書省。明初直隸京師、後爲南京轄地。清初改置江南省。康熙六年、始析置江蘇省。以江寧、蘇州二府之首字得名。總督及江南布政使駐江寧。巡撫及江蘇布政使駐蘇州。民國仍之。其地東濱黃海、及東海。東南界浙江。西鄰安徽。西北連河南。北接山東。共轄六十一縣。省會曰鎮江。

江寧縣

晉分秣陵立臨江縣。漢秣陵縣地。史名江甯。故城在今江蘇江甯縣西南六十里。隋移於治城。卽今首都。唐移治白下。尋又還治冶城。宋以後因之。清與上元縣同爲江蘇省治。江南府亦治此。光緒二十三年、於城北下關、開作商埠。爲滬甯鐵路之終點。三國吳、東晉、劉宋、齊、梁、陳、皆都於此。謂之六朝。南唐李氏、明太祖、又先後建都其地。民國臨時政府、亦先設於此。遂併上元縣入江甯縣。仍爲江蘇



鎮江袁阜樹珊編次



晉東

省治十九年改稱首都市，定震國都，首都市直隸行政院，江南縣仍屬江蘇省，十七年移江蘇省政府治鎮江縣。

願謙精易卦，嘗在建康筮一卦，百錢日限錢五百，以三百供母，二百飲酒并施貧乏，五百足一卦千錢不爲也。桓溫妾產，桓立時，至艱謙筮曰：公第六開馬埭。

音可

力，壞竟便產，常是男兒，聲氣雄烈，震動四海。溫贈錢三十萬，夫人亦贈錢三十

萬，謙辭無容錢。處溫不聽，後仍筮卦養母，錢日以醉客不問識與不識。一日母亡，

謙辭酒家許氏云：因緣盡矣，安葬而去，不知所之。數日許氏家人於落星路邊見

謙臥地，始謂其醉，捉手引牽，惟空衣無尸云。

修仙者死，謂之尸解，言將登仙，假託爲尸以解化也。集仙錄云：形如生人者，尸解也，足不青，皮不皺。

者，尸解也，目光不落，無異生人者，尸解也，有死而更生者，有未檢而失尸者，有髮脫而形飛者，皆尸解也。白日解者爲上，夜半解者爲下。

謙居金陵攝山寺碑云：北望荒

邨，願謙卜筮之宅是也。

同治江南縣志方按：○圖書集成卜筮部紀事，引海西公本紀云：初桓溫有不臣之志，欲先立功河朔，以收時望，及枋頭之敗，威名頓挫，遂潛謀廢帝奔，而立簡文

帝，以長威權，然憚帝守道，恐招時議，以宮闈重閣，牀第易源，乃言帝爲闕，遂行廢帝，初帝平生每以爲慮，嘗召術人願謙筮之，卦成答曰：晉室有磐石之固，陛下有出宮之象，竟如其言。○孝武文李太后傳云：后諱陵容，本自

微賤，始簡文帝爲會稽王，有三子，俱夭，自道生廢帝，獻王早世，其後諸帝絕孕，將十年，帝令卜者願謙筮之，後房中有一女，當育二貴男，其一終廢帝，時徐貴人生新安公主，以德美見寵，帝常翼之，有娠而彌年無子，嘗有遺

士許邁者，朝以時望多稱其得道，帝從容問焉，答曰：邁是好山水人，本無道術，斯事豈所能利，但殿下德厚慶深，宜隆葬世之禮，當從願謙之言，以存廣道之道，帝然之，更加採納，又數年無子，乃令善相者，召謙愛衰示之，皆云

非其人。又悉以諸婢授示焉。時后爲宮人在織紡中，形藏而色黑，宮人皆謂之嵬奇。既至，相者驚云：此其人也。帝以大計召之侍寢，后數夢兩龍枕膝，日月入懷，意以爲吉祥，向贊類說之。帝聞而異焉。遂生孝武帝，及會稽文孝王，鄞陽長公主，第、晉澤、林贊也。

梁

陶弘景，字通明，秣陵人。幼得葛洪神仙傳，晝夜研究，便有養生之志。讀書萬餘

卷，善琴棋，工草隸。建元壬戌

年二

齊高帝引爲諸王侍讀。雖在朱門，閉影不交外

物。惟以披閱爲務。永明壬申

年三

脫朝服，挂神武門上表辭祿，隱居句容。句曲山

自號華陽隱居。晚號華陽眞逸。又曰華陽眞人。性好著述，尙奇異，願惜光景。老而

彌篤。尤明陰陽五行、風角、星算、山川地理、方物圖產、醫術本草。又常造渾天象。梁

武帝蚤與之游，及卽位，徵之不出。每有吉凶征討大事，無不諮請。時人謂之山中

宰相。大同癸丑

年八

無病而卒。或傳其仙去。諡貞白先生。著有卜筮要略、三命鈔

略、相經、夢記、眞誥等書，傳於世。

南史隱逸傳書經籍志○弘景相經序云：相者蓋性命之著乎形骨，吉

凶之表乎氣貌，亦猶事先謀而後動，心先動而後應，表裏相感，莫知

所以然，且富貴壽夭，各值其數。董賢甫在弱冠，便位過三公，實半於國，而裁出三十，身推家破，馮唐袴穿郎署，

揚雄壁立高閣，而兼至白首，或垂老玉食，而官不過尉史，或現懸石神，僅至副畿，或不附枝葉，更保黃耆，此又明

宋

劉虛白，金陵人。善相。陳執中爲某州通判，使者將劾之。虛白曰：「無患，公當作宰相。使者果被召，半道而去。」王益知韶州，日幾大拜，還金陵，召虛白問狀。虛白曰：「當得一都官止耳，大不懼。」

懼，音零。隨讀，悅也。

以他事訟繫之，已而益果終都官郎中。

同治上元江甯縣志

拔方

元

蔡槐，字月湖，德興人。僑居建康。工相術，莫知所師。授與人言，率肆意。陳無所諱，避人信而畏之。至元丙戌，與學士傅立等偕召，詔問朕壽幾何。對曰：「仁者壽，陛下壽及八旬，時春宮未建，嘗賜見便殿，俾定儲君於諸王孫中。對曰：『某太孫龍鳳之姿，天日之表。他日必爲太平天子。』後七年登極，卽成宗也。久之，大臣有爲姦利者，請問休咎，槐拒不往。他日見於朝，辭色甚怒。槐曰：『相公能憂國愛民，自可享期頤之福。』何問爲然？亦懼其讒，授集賢學士，辭不拜，乞歸田里。從之。已時，相果敗。元貞改元，復召不赴，隱居鍾山。

同治上元江甯縣志方技光緒江西通志方術

明

李義人，名尙志，一字何事，負經濟才。兵農典禮以及奇門遁甲之祕，無不深究。意不可一世，然韜光不露，冷然沉雄，奇士也。尤究心老易，孝廉王亦臨嘗集多士。

開社中林堂。延義人坐舉比。講經義。四方來聽者。履相錯也。

圖書集成術數部名流列傳

明

崔自均、江寧人。老學究。焦太史先生之親也。善起觀梅數。多奇中。焦鏡川大尹當歲考時。問以名次。崔占之曰。某日出案。則第二人。如出某日。則第一矣。已而果第一。詢之。則某日前原是第二。是日後。方置諸首也。先大夫庚午秋闈後。往扣之。甫入門。值崔送客出。已入。向先大夫曰。得毋爲科第事來乎。不必占。吾已得公數矣。必中無疑。第名次在榜後耳。先大夫中一百三十名。不知崔所挾何術也。

客席談話

清

秦承業。字補之。號易堂。江寧人。天資超卓。所讀經史。闇誦不遺一字。乾隆庚寅舉於鄉。辛丑成進士。廷試二甲第一。散館授編修。官至侍講學士。乞病歸。生平性嚴冷。言真率。有睥睨一世之概。年四十。妻徐卒。遂終身不娶。亦不置妾媵。晚好形家。言日徘徊山水間。年八十四卒。謚文愨。著有瑞芝軒文集等。

穆荃孫續碑傳集錄

2 上元縣

漢秣陵縣地。三國吳改建業。晉改建康。隋改江南。唐置上元。清與江甯縣同爲江蘇省治。民國廢入江甯縣。

明 陳遇。上元人。字中行。元末爲溫州教授。尋棄官。隱居樂道。工畫山水。尤精象數。

太祖下金陵。遣使聘至。留幕中。參密議。優禮備至。既成帝業。累遷翰林學士。禮部侍郎。皆不受。帝終始敬信。稱爲先生而不名。學者稱靜誠先生。洪武甲子卒。賜葬。

鍾山

明史
列傳

明

李槐。善風鑑。居金陵。朱蘭嵎太史爲諸生時。槐決其必售。及試禮部。復遇槐。曰。精采殊常。鼻端已正。奪魁無疑。脚指甲如有楞。功名有萬里之行。榜發果驗。後奉

旨册封高麗如其言。

圖書集成藝術典輯術部
同治上江兩縣志方技

明

賀確。字存誠。居金陵。少事博士業。一不利。卽棄去。肆力經史百家。天文地理。醫卜之書。論古今事。如倒囊出物。聞者聳聽。曾薦修宋遼金三史。辭不就。暇則縱尋山水間。優游以老。年九十三。所著友菊詩集一卷。

乾隆江南通志隱逸
光緒浙江通志寓賢

清

陳茂桐。字暉陽。

嶧音亦
山名

上元監生。世居觀音門。性慷慨。重義氣。於堪輿一道。最

究。心嘗慨然曰。形家詐人。率以一家利害立說。而陷人於停棺不葬之罪。何其僕也。僕與事同
狂也癸丑之難。桐戚友之樞。無爲賊焚者。皆其素所規勸利導也。所居在燕

子磯側出江爲黃天蕩風濤洶湧。

洶，免去聲。濤，又音洶。冬。湏，義同。洶湧，水之聲勢也。

舟楫多不測。桐澗同志

稟官捐貲設局置紅船救生購義塚備施材取生順死安之義額其堂曰順安周

家山設局置船至今不廢桐有力焉以孫海仁官贈奉直大夫

贈，晉移，移也。凡本人應得封誥，移與他

人曰施封地贈。

子熙亦能繼父志。

同治上江兩縣志流寓。

清 夏叟和元賣卜洞神宮所言多奇中所藏石不下數十種皆米顛袖中物也。

上江兩縣志擲佚。

同治

清 溫葆深深，一作環。字明叔上元人官侍郎精星命學著有春樹齋叢說一卷光緒丙

子刊本載在清史稿術數類其言曰漢書藝文志歷譜家曰又以探知日月五星之會凶阨之患吉隆之喜其術皆出焉此聖人知命之術也此實星命之學明見於正史者而史記有五星廟博物志言東方朔爲歲星其說皆在隋唐以前皆可爲星命學之證然若以近傳之果老正宗旋機抉微乾元祕旨等書參考之然日月五星三語不符合也惟國朝康熙間粵人傳云西士穆尼閣氏著天步真原數

種隱然與漢志說合。其一曰性情部。則日月七政與在天經星性情咸備。其二曰世界部。謂七政之會衝方。可以知寒暑晴雨也。其三爲人命部。選擇部。則此星命術之妙用。近與舒繼英于蘭林不同。遠亦與蔣大鴻氏有逕庭矣。原書薛北海風祚爲敍刻之。葆深又曰。真原之學。不論官魁。不取炁孛。只論七政之性情燥溼寒熱。蒙嘗見萬曆間武進徐常吉諸家要旨。其引西域回回天文云。日所照物燥熱。月所照物滋潤。土所照寒微燥。木溫熱多潤。少火極燥熱。金亦溫和熱。少潤多水性。不定遇寒則寒。遇熱則熱。又曰。水屬氣生。風共五十三字。蓋先尼閣而著之。簡編者而尼閣術實同。此然則此書實本回曆。故其選擇部原本仍題曰回回曆。選擇也。因考回曆。昉於元時。明袁了凡新書嘗以其立成通之大統葆深謹閱盛京通志載文殊所說善惡宿曜經曰。第五尾四足箕四足斗一足在寅。歲星位焉。其神如弓。故曰人馬。言歲星言人馬證之。則確乎西域星術所本。蓋惟西術以寅爲人馬宮也。則是真原之術。其來伊久。殆卽隋唐經籍志所謂聿斯經歟。葆深又曰。

造命以造葬二事爲重。然如世俗忌葬致忌數十年。欽天監奉刊修造吉方立成一書。計每年只三煞坐山。值向須忌避之。而太歲歲破尤須謹避。三合前方三合後方宜修之。而奏書博士亦利興修。謹細圖之。一年利東西。一年利南北。如天造地設。誠以其例仿刊傳之。海濼山陬咸知趨避矣。春樹齋叢說○葬鄉文廷式純常子枝語云癸未十二月十四日左宗棠代選溫葆深遺稿。頗爲詳盡。交部議處。注云宗棠疏。惟言應否加恩予諡。出自聖裁。未嘗登請諡也。蓋政府惡而傾之。○又云溫明叔侍郎。乃寶文靖之師。嘗爲文靖推平生休咎。無一字不驗。然此事要關風憲。侍郎之門人。有梅姓甘姓者。傳之。皆不甚驗。

清 湯榮字沐之上元人。少孤失學。性耽青鳥之術。徧求名師。從之游覽。竟窺其奧。覓得善地以安先靈。昔人云。獲福仗佳城。安葬須吉日。又旁搜擇日諸書。著擇日便覽。光緒辛卯刊版行世。便覽自序

3 丹徒縣

春秋吳末方邑。後屬楚爲晉屬。漢置丹徒縣。吳改武虛。晉復曰丹徒。南徐州記云。秦時以其地有天子氣。使諸衣徒三千人。擊京師南境。以敗其勢。故名爲丹徒。故城在今江蘇丹徒縣東南十八里。即今丹徒鎮。宋齊梁陳因之。隋大業三年。廢潤州爲延陵縣。唐時復置。即今治。明清皆爲江蘇鎮江府治。民國初。廢府。存丹徒縣。十七年國民政府改爲鎮江縣。移江蘇省政府治之。城西雲臺山下。清咸豐八年。開作通商港。天津條約。訂開三口之一也。城當運河長江之交。滬甯鐵路經之。舊時商業甚盛。上海外以此爲最。自滬甯鐵路通。行後。商業漸衰。

晉 徐廣字野民。邈弟也。學尤精純。百家術數無不研覽。謝立爲兗州辟從事。歷文學祭酒。義熙初。詔撰車服儀注。封樂成侯。尙書奏請廣撰國史。從之。累遷官。領史如故。勒成晉紀四十六卷。上之初。桓立篡位。逼帝出宮。廣陪列。悲動左右。及劉裕受禪。恭帝遜位。廣獨哀感。涕泗交流。謝晦見之。謂曰。徐公將無小過也。廣收淚而言曰。君爲宋朝佐命。吾乃晉室遺老。憂喜之事。固不同時。乃更獻歎。因辭衰老。乞歸桑梓。性好讀書。老猶不倦。年七十四卒於家。著有答禮問行於世。晉書本傳

宋劉

孔恭。妙善占蓍。宋武帝劉裕。皇考。蓍在丹徒之侯山。其地秦史所謂曲阿。丹徒間有天子氣者也。帝常與孔恭經蓍。欺之曰。此蓍何如。恭曰。非常地也。南史宋武帝紀

唐

王居士。丹徒人。善卜。垂簾都城。倦游歸里。許渾贈以詩云。筇杖倚柴關。都城賣卜還。雨中耕白水。雲外劓青山。有藥身長健。無機心自閒。卽應生羽翼。華表在人

間。唐許渾丁卯集

宋

蘇頌字子容。泉州南安人。父紳。葬潤州丹陽。因徙居之。第進士。累遷集賢校理。

英宗時遷度支判官。元佑中拜右僕射。後因賈易除知蘇州。頌諫爲不可爭論。未決。頌遂上章辭位。以中太一宮使居京口。紹聖四年丁丑。拜太子少師。致仕。建中靖國元年辛巳夏。至自草遺表。明日卒。年八十二。頌器局闊遠。不與人校短長。以禮法自持。雖貴奉養如寒士。自書契以來經史九流百家之說。至於圖緯律呂星官算法山經本草。無所不通。尤明典故。喜爲人言。齷齪不絕。齷。音尾。齷。音強。勉也。朝廷有所制作。必就而正焉。宋史本傳。光緒丹徒縣志名賢。

明

馮淵。字濟川。儀徵人。避地京口。精於占筮。洪武初。浙省賞白金解京。

齊。音調。同。齊。音調。持。

以與人

也。經郡境爲盜劫。明太祖震怒。捕甚急。府衛官巾服待罪。詣淵請卜。淵示所得

易繇曰。犬吠。月滿地。血二十八人。扶棺來。便是此時。節使捕者伏京峴山松林中

以俟。夜半月色滿江。村犬皆吠。俄聞山巔有哭聲。時盛暑。林暍乘夜涼。

暍。音明。田民也。染

絳色帛。聞哭。意爲竊葬人也。急趨入戶。避凶煞。偶觸染器覆地。赤水橫流如血。邏

卒往視。

邏。羅去聲。邏也。邏。察之長。曰邏卒。

其昇棺者果二十八人。

昇。音余。又去聲。義同。共。舉也。今謂扛抬曰昇。

遂悉就擒。斧

其棺白金見所著有海底眼索隱顧少聖有詩贈云賣卜生涯薄輕身遠市朝欲歸盤谷隱不受小山招

圖書集成藝術典卜筮部名流列傳續工府志嘉寧丹徒縣志方技

明

陳允昌字應期晚號充舞京口人少聰穎有奇志讀書求大意雅不喜章句學

弱冠補博士弟子家貧爲里塾師及壯躋於時因喟然曰余豈爲一第厄哉乃盡斥其少時業一意爲古人詩歌未幾秦隴間盜起廷論悉泄泄莫以爲亟允昌聞之輒奮袂扼腕旣而曰大丈夫立功業此其時哉因去而更日揣摩經濟有用之學凡天文地志韜鈴兵食邊籌治亂以及風角占驗六壬奇門諸書莫不攷微究變迨中原鼎沸江之左患之允昌曰余夜占乾象天意有在殆不可違以近地論斗牛間多稷氣當在淮揚分然揚爲甚其不免乎先是有輔臣負重望荷推轂者皆以爲必殄寇先生曰無庸也行且寇必滋熾已而悉驗又嘗策郡之鄂不任兵西一山高而隘攻則敵必得志於斯偷城之而犄角可百世利也闔而上之兵守者守不之善後卒如所慮及兵逼江之北民惶懼其進而卜允昌門者蓋踵相接

也。允昌曰：幸無慮，非謂其不來，第無傷耳。迄亦驗。時自監司郡守以下，莫不隆禮賓師之。然從未聞一干以私先後尚書管公紹寧、都御史張公國維、張公伯鯨，聘薦皆不應。吁！允昌雖不用，而其所論議謀謨，隱憂先識，皆一時之所不能及。使當日秉國成，膺寄命者皆能如允昌憂時料事預爲之防，亟爲之慮，則明之天下綢繆消殄，豈復有甲申之事哉！允昌著書甚富，悉燬於火。自是遂無志問世云。時已卒年八十三。一子冷士帽，字又湄，嘗受業允昌門。諸所述皆嘗所目擊，而承于允昌者，故具道之。

丹徒冷士帽江冷閣文集陳允昌傳○原按：乾隆江南通志文苑，載明陳應昌，字克彝，與江冷閣文集所載陳允昌，晚號允彝微別，疑爲傳寫之誤。光緒丹徒縣志書目，載陳應昌著

有天文圖次，歲時占驗，天文地理圖說。

蕭鳴美，字虞颺，天啓辛酉舉人。知淳安縣，擢御史。卒於官。鳴美精易學，發明象數與漳浦黃道周善。道周著易象正、三易洞璣等書。鳴美著周易說義行世。

光緒丹徒

縣志名賢

清印天吉、京口人。康熙戊寅、毛西河年七十八。天吉爲其推演命造。其八字爲癸亥、壬戌、壬戌、庚戌。蓋生於明之天啓癸亥。十月初五日戌時也。天吉謂八十五不死。當享壽至九十一。

早按：清史稿載毛奇齡、康熙癸巳卒於家。年九十。

然西河竟以是年卒。西河之姬人年三

十二。爲康熙丙午。正月十六日子時生。其八字爲丙午、庚寅、丁酉、庚子。蓋卽曼殊也。亦令天吉推命。而殷殷以子息爲問。天吉謂今年不育。則終無子矣。

清釋類
鈔方披

清

張譽星、字階平。丹徒人。郡增廣生。祖玉裁。字禮存。丁未榜眼。父宏載。字壯輿。歲

進士。候選司訓。譽星生有至性。肆力於學。素敏捷。彊記。經史百家。暨有明先正制藝。靡不朗貫。凡禮樂河渠。兵農錢穀。以及陰陽醫卜。九章釋典。稗志之說。睨視而不忘於心。然自抑損。甚人接之。若無有者。至事關利義。輒鯁守。忍捐不毫髮。私急人窘難。又務拯翼之。乃快。以故聲望溢隆。康熙己未卒。得年七十。

京江張氏家乘宜
興備光豐撰傳

清

楊龐、字仁常。自號六鶴居士。幼聰慧。目甚異。能相人吉凶。值明亡。棄舉業。遊浙東。遇一異人。謂龐曰。子母效江湖術士。從吾遊。可識川嶽鍾靈之秀。遂從遊。足跡

遍天下。相人術益工。善以氣色定人窮通。以骨格定人夭壽。以聲音定人貴賤。以舉止定人生死。萬無一失。嘗曰：相人別有神會。不在五官六府間也。其言如此。

民國

丹徒縣志方技

清 駱士鵬。康熙戊午舉人。精堪輿。從雲間蔣大鴻遊。得其傳。

蔣氏地理辨正自序
民國丹徒縣志方技

清 嚴元燮。字理乾。號南岑。乾隆壬申進士。年六十始登第。秉鐸池陽。在任十年。絕資緣。日以課生爲本。郡守寶公出辦公務。知其謹慎。託代理府事。士民均受其澤。化治六邑。七十致仕。以淡泊終其身。年八十三卒。著有讀易卮言。下學寤言等書。又善形家。言嘗論郡城山水脈絡。甚允。邑志錄之。

光緒丹徒縣志宣績

清 劉夢升。字與公。諸生。品端學博。內介外和。以不欺爲主。窮極性命之理。旁通象數。不屑屑於章句。獎掖後進。如不及。非禮不苟。同人以是嚴憚而樂親之。門下士成就甚多。編修張玉裁其一也。歿後。門人私謚端文先生。

民國丹徒縣志儒林

清 劉夢震。字長公。諸生。天資穎悟。幼承家學。品行端粹。博綜羣書。下筆成章。足跡

徧天下。名公鉅卿。爭相禮敬。海內英雋之士。多及其門。平生著述甚富。有太極通變圖學相字心易詩文集等。同上

清

莊忠楫。字中白。深思篤學。博覽窮經。世業鹽筴。鹺綱改。家中落。經粵寇。生產盡廢。貧甚。橐筆走四方。讀書不倦。少治易。通張惠言焦循之學。好讀緯。以爲微言大義。非緯不能通經。亂平。曾文正公延致書局。與劉壽曾袁昶諸人爲道義交。學益進。邑人柳興恩稱其竭力著書窮而不愁。更出虞卿之上。又曉星度陰陽之占候。居江淮間久。習於河漕鹽三政興廢利弊之故。言之娓娓可聽。可以覘其學識矣。著有周易通義蒿庵詩文集等書。民國丹徒縣志舊林誤作莊楫。茲從縣志補錄。作莊忠楫。

清

顧鎮生。字蘇人。吳縣處士。父塋官丹徒學教諭。鎮生產於任所。遂流寓焉。性端介。講求禮學。嚴義利之辨。絕意進取。寢饋諸大家。文有根柢。並精醫及形家。言邑人柳興恩周伯義皆心折之。民國丹徒縣志文苑

清

呂之樸。字抱經。世居焦東呂家圩。少繼祖業。讀吏治書。精心案牘。咸豐三年癸

丑。粵寇犯境。當事知其能。召佐戎幕。旋入焦山營。委造軍火。兼帶兵船。竭力攻賊。江南底定。因功選授雲南通海縣知縣。又署白鹽井提舉司事。下車卽撫卹災民。堆儲倉穀。嚴定章程。剔除積弊。便耕弭訟。實心從公。學校橋梁。亦次第就理。至今士民仰頌之。樸生平篤志嗜古。博覽詩書。兼通堪輿算學。工詩詞。善書畫。子四。熙。慕超。熹。承哲。光緒丹徒縣志

清 丁時滯。字澍臣。博學能文。試輒高等。建春江草堂。延集名流講學其中。爲一沙

之望。

滯時住開沙。

晚尤肆力於詩。兼精醫卜。輿算之學。卒年八十。

民國丹徒縣志文苑

清 哇秉衡。字履平。好讀書。試輒不得當。遂就買。頗饒於資。喜交遊。多四方名士。以

豪俠輕財。日益困。善弈。於國手不及二。兼通太乙六壬奇門之術。尤精研楊筠

松相墓法。與涇邑包世臣。考論其法甚愜。包至京口。輒主其家。卒爲卜兆表其墓。

吳國丹徒縣志方技

清 馮孺。字石卿。太學生。年十四喪父。善事孀母。精易。攻奇門。其卜多奇中。赤手與

家業凡所經營皆先卜定。著有卜筮要旨四卷。

光緒丹徒縣志方技

清

毛志道字正儒號鐵甕子祖一駒字子千父肅字際生叔父鯤並以術名世居

丹徒千秋橋畔志道爲人樸實少文性嗜學凡陰陽卜筮諸書無不通曉尤精六壬數有奇驗有武弁問數毛云半載中位二品逾數月驟陞總兵官弁奇之雍正乙巳著有六壬經緯六卷曰演法曰神煞曰格局曰斷占曰類相曰定式條分縷晰皆其祖父所傳學六壬者奉爲指南

高慶丹徒縣志方技
六壬經緯馮詠序

清

馮文耀字漢章性直心敏初業儒與錢佳楠王夢樓相友善年十八喪父又值

伯父喪又承重大母服三喪並舉時三弟皆幼孀母在堂家事日繁未卒學業文耀孝友兼至年三十遊京師爲胡公印渚記室又爲程公沅幕賓居心公正與人無欺最惜字紙每出必攜一囊積七十年不倦爲先人卜葬地尋師友讀地書數十年始獲吉壤故青島一術至精然不以此爲業非至契不爲營度有貧者無葬地恆買吉地送之同邑延之定窀穸

窀穸音屯。窀音夕。窀音火。也。長埋謂之窀。長夜謂之窀。

子孫多昌熾如張錫

庚之祖楊槩之父。皆所卜葬。錫庚父韻雲爲之撰傳。著有地理摘要四卷。藏於家。
光緒丹徒縣志秀技

清

張崧

崧，晉吟。高大貌。

字寶巖。號夕庵。又號且翁。自少穎異。好讀書。雖勿劇中未嘗去手。

於詩書畫外兼善堪輿術。嘉慶時日記屢言爲人相地。有楊柳枝體。下元吉宅等

語。

日記：二月初九日晴。定守二弟約至騎舞山爲謝尉廷看地。謝尉同去。地數行可用。又十六日晴。定之弟適同仇君坐車詣豐城看地。龍身粗瘦。楊柳枝體。入首不甚精神。結穴亦不甚的確。又十七日。乘車過姚

姓等地。壤不可當。令深兒於是日。按深字叔淵。爲先生長子。嘉慶庚午解元。選授山東博平知縣。將大門堂牌門前廳走路。俱改走下首。本宅保坤宅。下元吉宅也。良氣宜向之。走下首所以迎良氣。又十八日。坐車詣白水耳。雞列亦佳。夕庵年譜附錄。

清

李宗匯。字星聚。號上真。諸生。精河洛六書之學。考取天文生。凡卜事必奇。中名

噪。遐邇都統額勒精額。延致戎幕。贊襄軍務。額公擢升江寧將軍。宗匯以年老辭

職。瀕行眷注甚殷。躬率僚屬。贈以扁額。家藏堪輿書極富。著述數種。識者信爲可

傳。

清

趙風子。大港鎮人。神於望氣。占宅多奇驗。人以其出語近狂。稱爲風子。道光間。

來城內、或寓城外、造屋營墓之家、爭延致之、嘗主袁氏雜貨肆、樓居匝月、忽移往他所、語人曰、屏鳳街前、火將作矣、不數日、果大火、焚袁肆、及鄰屋多家、又嘗閒步縣學前、登清風橋、忽悼歎曰、下河上河、橋東橋西、煞好居宇、惜皆爲白地、聞之者引爲笑談、願未十年、而粵匪踞城、縣學及民屋、全燬、果應其言、

以上丹徒縣志方按

清

丁立中、字禮民、性孝友、同治甲子舉人、歷任靖江、江都、江甯、教諭、好讀書、於易通鄭氏、爻辰互變之義、於書精禹貢、嘗攷訂胡黜明、禹貢錐指之誤、而算學尤精、步天占驗卜筮星命諸書、亦無不博覽、著怡雲山館詩文稿等書、年七十八卒、

清

許長齡、字潤之、號松樵、諸生、性仁孝、好讀宋儒書、尤折衷程朱、手抄二子書、十數卷、暇輒作文、不喜留稿、精堪輿、識天文、善觀星斗、能預測風雨、水旱甚驗、晚年著有天文入門二卷、年四十九卒、子孫蕃衍、今多特達者、

以上丹徒縣志孝友

清

李慎傳、字子薪、丹徒人、翰林院侍講學士、承霖之長子、同治庚午科舉人、官江甯縣訓導、讀書稽古、凡經史疑義、必搜討務求其是、以餘力習子平術、亦精著植

庵詩文鈔八卷。其卷一載有子平五行說。謂爲春命。屬金。得氣極薄。四柱無金。土以助之。行運又無金。土以救之。卽謂之身弱可也。爲貧爲夭。爲不肖。胥決於此。其餘四行。可以類推。故富貴貧賤。賢不肖。命之寄於五行。非五行之寄於命也。不但此也。尋山擇地。誠就土中言矣。得五行之秀者。子孫必盛。其或葬風地水地。火地石地。禍敗立見。風卽木也。石卽金也。地中五行之氣。人事因之以先天爲主。後天禍福。其應如響。奚獨於子平疑之。

續修民國國丹
德縣志文苑

濟

王恆鈺

鈺。晉玉。寶也。聚金也。

字天池。精卜筮術。名噪遐邇。弟恆錡

錡。音奇。釜之有足者。又兵器架也。字寶來。

僑邗上。習天文地理。律曆。旁及太乙六壬奇門諸書。與鈺稱二難。而志尤高尚。不輕卜。蓋弗屑以占數名者。錡子壽山。字喬松。世其學。藉卜養親。凡所卜。無不奇驗。士大夫爭延致之。有李姓占貂褂。壽山囑向西方。質庫偵查。便知某竊。但勿究。往果得物。其外包爲某件。失主如壽山囑。善遣去。某竟懷慚自殉。壽山聞之。喟然曰。以人命博名利。仁者不爲。遂矢於神前。凡占失物。不復爲卜。其存心仁厚如此。

長江流域。鮮有不知壽山名者。壽山弟道純。善琴工繪。亦長於卜。時人謂家學淵

源云。

光緒丹徒縣志方技

清

趙采董。字芝仙。丹徒大港人。有至性。見市人剖瓜。美求分。購半歸奉。母父老。咸別眼視之。家貧。習韓康業。常夜燃燈帳中苦讀。不倦。得異人傳。演遁甲精兵學。月太乙奇門六壬。堪輿。悉通曉。粵亂時。馮軍門子材。具書幣。敦請隨軍。以終養。高年老。母辭。隱江洲。年八十。猶好學。如少年。子二。誠恆。玉森。均名諸生。亦勵品節者。

丹徒縣志 妙齡孝友

清

趙翰。原名彥昇。字又宜。又號柘山。丹徒縣附監生。

彥昇。初入庠爲附生。後更名翰。捐監生。故稱附監生。

賙贈

奉政大夫。家世簪纓。彥昇獨視名利太淡。好醫學。及堪輿術。究兩家羣集。大有心得。著三因簡妙方。及青烏法數卷。每遇冬日。輒隨衆勸山相地。不厭其勞。有言酬金者。卽反首顧。或以禮物相贈。亦謝絕。惟一二日居鄉村時。必飲食起居精美而已。人極和羈。若干以非禮。則怒目相加。年未三十。婦姚病去。子女各一。後先均去。

以兄有子承先人後。終身不再娶。人又以義夫多之。年五十七無疾而卒。

光緒丹志
縣志方技

鮑心增說
齋瑣語

清

李桐，字子琴，又字拙齋，丹徒人。以縣丞選用。前明御史李一陽後。平居一時以

綢爲事。暇輒與茅恆、北山、蔡根、守愚數人詩酒往還。精命理言之多。中不謂八字。恆、河、沙、數、須、與、相、參、觀、方、得、準、驗。又善相地。每到冬日山居時多不厭其苦。其自葬鳳皇山。卽其在日所覓者。謂墳地不求富貴與奇險。只求無風與蟻及水葬者。能安便得識者以是多之。

鮑心增說
齋瑣語

清

趙書禾，號穉農，丹徒人。福建臬司霖子。咸豐戊午科。順天榜副舉人。歷官甘泉

縣。興化縣訓導。陞高郵州學正。工書法。能文章。此本書生事。無足輕重。尤精命理。爲人所稱。奇凡友朋戚族長官同僚咸以得其一推算爲重。晚年京師某某王邸。

晉底。屬國舍也。俗稱
王侯府第爲邸。

不時南北郵筒往還。又以其工書法莫不欲其親筆推算。珍若拱

璧名重一時。稱爲校官。命年七十卒於高郵官舍。

同上

清 陳克修，字楔蘭。後易名克銓，又字鑑堂。丹徒人。軍功授承德郎，議敘六品。克修於公事之暇，好研究五行陰陽生剋之理，言多奇中。里中胡君樹棠，葺竈屋，克修爲之佈置，曰：是竈可必日日薦腥，或非笑之。蓋胡猶婁人也。後果然。故當時婚喪家，多有就正之者。克修從不以富貴之說動人，希冀之心。惟曰：能得生生之氣，斯可矣。

陳時若存
素軒文選

清 趙順康，字炳南。原籍蒙古。清乾隆間，由南京遷潤。遂占籍爲丹徒人。幼孤，奉母及妹以居。家貧，不能從師。父有遺書數卷，日夕攻讀。居然通曉，有志於醫。卜星相諸道術，爲袁公昌齡先生所心許，乃明以爲友。暗奉爲師。不數年，遂精外科。明命理，就肆設硯，戶限爲穿。其外甥蘇澗寬，每稱道之不絕於口云。

清 呂雲峯，原籍山西。洪楊以後，避地京口。垂簾賣卜，五六十載。談言微中，頗爲士大夫所信仰。且操守謹嚴，宅心仁厚。雖囊橐不豐，凡有道路之饑寒者，莫不盡力相助。是以名播四方。壽逾八秩，而子孫亦非常繁衍云。

以上考
藥雜識

清 眞傳元，字煥文。丹徒人。西山先生十八世孫。先生後裔，有名信齋者。宋元之際，

由浦城之江西而至鎮江居焉。至傳元以精研子平術名噪徒邑。晚年築屋於東鄉丹徒鎮，藉避塵囂，仍有不遠數十里而來就教者，子六人。其四子正培，字子佳，號伯揚，好讀書，性爽直，得乃翁之傳。於星命之學尤有獨到。粵亂後，家中落，遂賣卜市廛，雖爲治生，實亦醒世。故人多稱之。丹徒眞氏族譜

嚴熙，字維新。丹徒人。徒邑夢溪嚴，多至人。嘉慶己卯解元。由己丑庶常，官山東

棲霞知縣。善書畫，工詞曲，名噪都下。保庸者，又光緒朝，以秀才倡辦義賑，歷有奉冀魯晉皖汴湘蜀陝桂十餘省，約三十年，名達九重，號稱善士作霖者。均其族祖。熙曾幕游廣東儋州、潮州等處，暇輒致力於李虛中命理，造幽人微，獨得直解。爲人推算多奇驗，迫其推算者，恆踵相接。辛亥後五年，年未五十一，病不起。時寓揚州。談者都謂未罄其所學，惜之。丹徒少溪嚴氏宗譜

張光斡，沂，音欣，光盛號原名廷燮，字小樵。邑庠生。通易理，善卜筮，推算每多奇中。然不

國民

國民

輕爲人言。居恆惟敦。品力學課。徒養親。晚年樂善。不憚煩勞。或任公益。或肩義舉。若清心醫院。若路政消防等。莫不手爲擘劃。俾垂久遠。故人以端士稱之。子六人。躬自教誨。俱蜚聲商埠。孫曾振振。亦方興未艾云。張氏宗譜

4 句容縣

漢置武帝封長沙定王子黨爲侯邑章懷太子曰縣近句曲山山有所寄故名清屬江蘇江寧府

漢後

李南字少山句容人少篤學明於風角永元中太守馬稜坐盜賊事被徵當詣廷尉吏民不寧南特通謁賀稜意恨之謂曰太守不德今當卽罪而君反相賀邪南曰且有善風明日中時應有吉問故來稱慶耳且日稜延望景晏以爲妄至晡乃有驛使齎詔原停稜事南問其遲留之狀使者曰向度宛陵浦里旒。宛陵縣屬丹陽郡旒音杭以市馬跪足。跪音宛足屈也是以不得速稜乃服焉後舉有道辟公府病不行終於家

後漢書方術光緒江寧府志按藝

晉

葛洪字稚川句容人博聞深洽江左絕倫師事南海太守上黨鮑玄玄有內學。內學謂圖讖之書也其事祕密故稱內逆占將來見洪深重之以女妻洪咸和初爲散騎常侍領大著作

固辭不就。聞交趾出丹砂。求爲句漏令。攜子姪過廣州。刺史鄧嶽留之。不聽。乃止。羅浮山煉丹。丹成尸解。時年八十一。著有抱朴子。周易雜占。遁甲圖。方技雜事。金匱藥方。肘後要急方等書。晉書本傳。唐書經籍志。○抱朴子軍衛志云。大將軍當明案九宮。觀年所在宮。之位爲死也。又云。有急則入生地而止。無忌也。天下有生地。一郡有生地。一縣有生地。一鄉有生地。一里有生地。一宅有生地。一房有生地。或曰。一房有生地。不亦逼乎。抱朴子曰。經云。大急之極。隱於車轍。如此。一車之中。亦有生地。亦有死地。況一房乎。

明馮鶴鹿。句容人。早歲不識一丁。壯遇異人。遂精相術。且通義理。有陳某求其相。判云。宴罷瓊林志氣豪。洛陽新柳映宮袍。文章事業俱堪羨。不使霜飛上鬢毛。其人竟發而不壽。又相輿化一人。戒其元正勿出戶。恐有大災。其人從之。至初五日。爲妻所逼。出拜婦翁。行至橋上。值有弄獅戲者。爲觀者所排。殞於橋下。頌音尤。輪韻音運。義

同。際也。落也。

生平語多奇驗。如此。隨李文定公門下。三十餘年。數月之前。自言死日。果

清。周子謙。幼好學。博極羣書。初受毛詩。時讀至公劉篇。相其陰陽。觀其流泉。句輒

三。復不置。因悟古昔聖賢於山川之形陰陽之理。留心如此。於是日取河圖洛書。洪範五行。討論而貫通之。而堪輿之學。遂精絕一時。又周履現。字南溪。性聰穎。精於青烏卜筮之術。箸有輿地指南。

清 唐兆麟。諸生。深通易理。善卜筮。有問輒相應。如響。錢塘袁枚。耳其名。屏驕從造門。高談三日。贈以詩。并隨園全集而去。方公維甸。亦就問未來事。言無不中。

清

俞之儆

儆音仍。蒸韻。玉器。

字之彛。邑增生。習堪輿之術。自云得楊公之祕。著有地理裁

僞。一書。力闢俗師之說。

以上圖考集成術數部名流傳。光緒自客應志方技。

清

陳厚寬。字培一。性孝友。咸豐六年丙辰。粵逆陷句容。厚寬奉母及妻張氏。弟厚

定。避亂蘇州。庚申。蘇省陷。倉卒走避。遂失母。並家屬所在。厚寬欲以身殉。友人孫

益三。謂徒死無益。不如留此身。緩緩踪跡之。遂與其友逃之雒。阜。賣卜爲生。有自

賊中來者。徧訪母之音耗。並誓行善事。以求母還。同治甲子。省城克復。偕友回金

陵。興辦善後。凡放生惜字。掩埋施材。卹發賑粥。諸善舉。靡不實心籌畫。乙丑秋。厚

定從賊中逸出。庚午，忽有送其母至句者。母子重逢，相持大慟。人以爲孝行所感。

云。

光緒句容縣志方技

清

孫守勳，字銘常。諸生。於書無所不讀。尤留心本邑掌故。遇忠孝節烈，可泣可歌事，隨筆記之。久之成帙。詩工近體。然不輕作。堪輿、醫學皆精。四方以書幣相迎者，無虛日。意所不樂，雖千金不一顧。建北極閣於盧君觀，以振東陽文風。時人謂之語曰：地理真。東陽孫，其聲望可想矣。著有映雪堂集。金陵待徵錄多採之。

光緒句容縣志文學

清

王周南，字詩正，別號修竹。由太學生捐職同知。生有異稟，好讀書。所居之宅，饒水竹。乃築室西偏，榜曰修竹樓。積書三萬餘卷。晨夕披玩，手錄書等身。旁及青鳥日者家言，無不洞悉。原委。王詩有安鈍吟稿。中年喪偶，卽獨居。治家有法。子弟雖燕見，無惰容。吟誦外，雅好賓客。暇時與邑之老儒宿學談道德、論文章，考究古今得失。後進之士，仰如山斗。然處鄉黨間，謙和恭順，了不異人。好善樂施，慷慨不吝。王氏舊有宗祠，歲久頽圯。周南出資數千金，爲改建。煥然一新。又加置市房，以永

祭費不下數百金。族人至今賴之。

光緒句容縣志義行

清 駱潤玉，字蔗田，諸生，精堪輿術。文廟左，舊有奎文閣，嗣爲踵修者，以私見易神

座，西向而南。潤玉謂不利科名，偕族弟壽山，首倡捐修，仍復舊制。自是捷南闈，登

甲榜者有人。論者謂有功一邑。

同上

清 吳相乾，精堪輿星命之學，所得資旋分潤宗黨，或饗飧不給，晏如也。

同上

清 孔繼廉，字簡卿，性寬厚，寡言，精六壬算數。由國學生，逢臨雍大典，以聖裔恩賞

州吏目，援例爲縣丞，分發湖北，歷署公安、監利等縣。縣丞，調江寧武穴主簿，咸豐

三年癸丑，武昌戒嚴，襄理軍需，籌措有方，保升知縣，署通山縣知縣。以兵後，請緩

征，免茶貢，均允行。因疾乞歸，卒年七十有二。

光緒句容縣志仕績

5 溧水縣

漢溧陽縣地，隋改置溧水縣，清屬江蘇江寧府。

明 章星文，字人龍，邑廩生，通星緯奇門之術，每試輒中，奇不勝書，富膂力，能直行壁上數步，嘗遊浙省，賊登其舟，星文徒手奪械，擊賊於頂，旋轉數周，擲岸上，羣賊

驚潰。年七十八。忽一日別親友曰。某日吾逝矣。如期而卒。

明 朱良知。號繩溪。崇禎辛巳。以方正授浙江仁和鹽場大使。性伉爽。有氣節。喜讀

異書。尤精於地理。箸堪輿掌鏡十二卷。

以上光緒溧水縣志方校

清 濮文暹。字青士。晚號瘦梅子。初名守照。溧水人。咸豐己未舉人。同治乙丑進士。

得主事。籤分刑部。官至河南南陽府知府。宣統己酉卒。壽八十。文暹以時方多事。宜務有用之學。舉凡天文。算數。地理。壬遁。諸術。以及刀稍。擊刺。靡不通曉。晚年研精內典。雅擅辨才。議論風生。聽者忘勸。著見在龜詩文集。石話雜記。碑傳集補守令

歷代卜人傳卷一終

晉書術藝傳。藝術之興。由來尚矣。先王以是決猶豫。定吉凶。審存亡。省禍福。曰神與智。藏往知來。幽贊冥符。弼成人事。既興利而除害。亦威重而立權。所謂神道設教。率由於此。

隋書藝術傳。夫卜筮所以決嫌疑。定猶豫者也。相術所以辨貴賤。明分理者也。此皆聖人無心。因民設教。自三五哲王。其所由來久矣。然昔之敘卜筮。則史蘇、嚴君平、司馬季主。論相術。則內史叔服、姑布子卿、唐舉、許負。凡此諸君者。仰觀俯察。探蹟索隱。咸詣幽微。思侔造化。或弘道以濟時。或隱身以利物。深不可測。固無法而稱焉。

舊唐書方技傳。夫術數占相之法。出於陰陽家流。自劉向演洪範之言。京序傳焦贛之法。莫不望氣視祲。縣知災異之來。運策揲蓍。預卜吉凶之會。固已詳之魯史。載彼周官。

中國歷代卜人傳卷二

潤德堂叢書之八

鎮江袁阜樹珊編次

江蘇省二

高淳縣 漢溧陽縣地。隋溧水縣地。宋置高淳鎮。明分溧水直高淳縣。清屬浙江江甯府。

明 吳宋德字恩塘。幼孤。能自立。性耿介。不逢時用。晚年閉戶。精研曆數。諸書人咸

資之。孫會暉。舉於鄉。

民國高淳縣志施行

清 錢裕號永錫。國學生。幼習詩書。專攻地理。遠近延請。名聞金陵。年九十四歲卒。

子三。俱入庠。

民國高淳縣志藝術

清 吳古懷字弗如。邑庠生。美鬚髯。善談論。年二十二始讀書。師事邢昉。篤學無晷。夜自五經。歷史及天文地理。占候兵法。無不精通。一時名流如倪元璐、周鏞、沈壽民輩。皆造訪訂交焉。歲乙酉。沈壽民被逮。門生故人畏禍星散。古懷獨潛舟迎其

家。周鑣逮至京。羈蕭寺。惟古懷在焉。鑣曰。平生交友。乃得君於今日。泣數行下。尋聞阮大鍼。羅織將及。走閩粵。後歸卒。著有邊險圖說等書。

清

吳越彥。字季舒。古懷子。少肆力於古。而不與制舉試。間或垂釣負鋤。意緒蕭然。母卒。廬于塚舍三載。康熙初。舉。逸學行之士。當軸以其名。應。越彥固辨。乃寢。丁丑。徐用錫約北上。旅寓鮮所。晉接。惟賣卜蕭寺。作浮梗孕玉諸賦。一時名流。咸枉駕。過訪焉。生平著有巢軒集。耕餘錄等書行世。以上民國高淳縣志隱逸

清

王長和。少貧寒。以勤儉起家。攻苦好學。知醫兼通地理。性慈善。頗能濟人。高淳縣志藝術夏愛棠。號樹屏。幼清貧。性孝友。且耕且讀。有古人風。課徒精勤。補增生。後爲親擇葬。習堪輿。頗多心得。

清

施偉。字卓齋。邑文生。父珍。兄仁。均歲貢。偉性樸實。不慕世俗榮利。素好學。兼通星算醫卜奇門六壬等書。言多奇中。事親孝謹。與人交。和厚中有介節。鄉鄰爭曲直。多赴愬。而待解紛焉。以上高淳縣志篤行

清 張韶字竹坡自幼穎異七八歲有神童之號咸指將來騰達竟以明經老生平

研究天文算學尤善占天象一日見星北流告人曰來歲某處當有水災明歲有

逃難者至詢之果其處其神異多類此

高淳縣志文學

7 六合縣 春秋楚棠邑後屬吳漢置棠邑縣晉改棠邑爲尉氏縣隋改尉氏曰六合清屬江蘇江寧府

陳 吳明徹字通昭秦郡人 秦郡南朝宋置並置縣故治在今江蘇六合縣北幼孤性至孝微涉書史經傳就汝南

周弘正學天文孤虛遁甲略通其妙頗以英雄自許高祖深奇之以軍功累遷安

南將軍宣帝議北征明徹決策請行詔加侍中總衆軍進克仁州擒王琳等進攻

彭城又破齊軍位司空都督南兗州刺史卒年六十七至德元年詔贈開國侯

陳書

傳本

清 姚承口字月潭六合諸生居浦城精六壬所卜無不驗云有祕授

光緒六合縣志方技

8 丹陽縣 戰國楚雲陽邑秦曰曲阿漢置曲阿縣三國吳復曰雲陽晉仍改曲阿梁改蘭陵隋復名曲阿唐改曰丹陽清屬江蘇鎮江府地濱運河漕運鐵路經之

明 張田工相術一日與客語鄰舍兒有還其所負者田反其金而速之去客怪之

田曰：是兒當命盡此時。因逆計曰：不過太尉廟。兒至太尉廟，果蹶死。偶晨起視鏡，曰：吾家居當及禍。遂之九里廟避之。見神像，即走出，曰：神禍甚於我。未三日而廟焚。田子故業賈，將渡江興販。田飲之酒，婦怪其珍美異平時。田曰：兒去當墮水死。父子恩，寤不訣別耶。婦曰：盍止之。田曰：數也可逃乎。婦不聽而止之。未幾，失足水中溺死。其神異多此類。田相術得之清道人，約勿他授。其術不傳。圖書集成藝術典相術部名流列傳

清

朱圻，圻，音祈，界也。

少從外祖張鼎學易，盡窺祕奧。補邑庠。占事多奇中。一日占雨，遇

觀之否。曰：日午有風自東南來，雨未久，即止。日向午，天晴無雲，衆訝之。圻曰：坤地也。地上加巽，巽風也。巽屬東南，非東南風而何。由四而變四，山也。山有材，而土培其根。乾上坤下，是爲物各得所。非雨而何。巽變爲乾，居地之上。聲斂而光照，非即止而何。其言果驗。所解易多此類。著易理存參皇極解。大六壬心法。

清

丁廷傑，字復陽，精青烏術，得嚴陵張九儀祕授。每謂地猶舟也，德猶水也。無水則舟不行。識者歎爲知言。以上光緒丹陽縣志方技

清 吉夢熊，字渭厓，丹陽人。乾隆壬申進士。由翰林，仕至通政使。事蹟載入道光大清一統志。夢熊博涉於陰陽術數。六壬、耶律之書，手錄甚夥。著有丹陽聞見錄。研經堂詩文集。

清 吉世琛，字澹松。乾隆年間，收採天下書籍。父夢熊奉命總閱四庫全書。世琛考取校錄。在四庫處行走。辨譌訂舛。千有餘條。四庫全書告成。世琛議敘高等。以布政使經歷分發雲南。任琅鹽井提舉。景東直隸廳同知。興學惠民。咸歌召父。世琛公餘精研醫卜。手批臨證指南及繪圖外科醫學。又輯大六壬彙纂三十本。六壬蒼要五本。子鍾穎題其遺容。有句云：四庫彙纂行走。漢南惠政留。又云：壬課編勤校醫書。註廣搜。蓋紀實也。

清 吉鍾穎，字秋丞，號薊畦。世琛子也。乾隆甲寅舉人。嘉慶乙丑進士。歷官湖北南漳知縣。四川會理州知州。咸豐壬子卒。年八十有六。葬於丹陽朝陽門外金家村西山窪之新阡。鍾穎少時嘗習六壬奇門遁甲星命之學。兼通堪輿家言。相宅占。

墓談休咎多奇中葬地乃自擇也所著三才一貫廿四卷畢生精力悉萃於斯又

著含薰室文集五卷詩集二卷

以上含薰室文集○吉誦撰壽藏銘云。舉與家言。余聞之熟矣。昔齊

東北三十里而遙。有名西山窪者。山環水繞。形勢頗佳。余相度鳩工。預營壽藏。爰集焦廷壽易林語以爲之銘。時

辛丑仲秋月也。銘曰。懸輿致仕。歸隱玉泉。註。玉乳泉。出門直北。高山之巖。註。經山爲呂之勝境。形家以爲最

香國。余寔地履宿寺中。所求必得。湧泉涓涓。註。經山之東五里。褒頭山。山頂有方池。積水四時不涸。余於方池

之下。買地一畝。形如華蓋。龍脈極真。此發結穴也。並立石穴心。以詠來茲。草木嘉茂。水過我前。盤紆九回。註。

騎龍山下諸水。俱匯於九曲河。無地不涉。註。余尋騎龍山砂水。偏歷前後左右。和氣所居。志快意慳。騎龍乘風。

註。西山窪。所買山地。八畝有奇。此騎龍格也。山下五里朝陽庵。水得安康。依山倚地。相輔爲強。三奇六福。隨

時轉行。深潛處匿。幽人利貞。東山西山。左輔右弼。註。左高峯在乙。右峯帶在辛。恰與穴心爲輔弼。可以存身。

可以安吉。法入即地。甲乙戊庚。北門有福。舉首望城。註。城東寶塔。登穴望之。寶塔在坤。最合元運。宜利止居。

山林麓藪。朝陽梧桐。註。出朝陽門三十里而近。至朝陽庵。數里外皆老見壽藏。雖久無咎。一高一下。推車上山。

三里往復。且往暮還。註。張巷距騎龍三里。余攜子正常。宿張氏宗祠。日往監工。戴山崔嵬。註。褒頭山之後。有

大山。金星發脈。坤厚地德。與福相逢。註。易盤三百八十四爻。余用以格龍乘氣。癸山丁向。兼子午分金。內方圖。

外圓圖。皆山谷向恆。定穴分金。安在益之二爻。變爲中孚六二。以合九運元運。既禱擇靈善。恰遇鳴陰在鶴。其子

和之。我有好爵。吾與爾糜之。以是卜之。殆有數存乎其間。子孫蕃息。○又撰史顯生明府生顯記云。史顯生明

府。乃宮保大司寇之長君也。顯生延余三渡揚子江。至甘泉嗣家莊。爲宮保相度佳城。九平地築。以及建造廬

墓。一切事宜。皆余爲之謀期。以大興工。歲事。已亥十一月壬申日。宮保贊一品夫人。合葬禮成。見顯生相視之

勞。經營之費。屢歷寒暑。事必躬親。其孝思真摯。誠無異於廬墓三年矣。嘗於談論間。飯期身後。依先轡此孝子不

能自己之情。但正穴論內。論外。地雖極寬。別無可附穴處。其志將有不伸。余周視其地。正穴論外東方。尙有餘

氣可乘。伸坐生墳。周禮墓大夫掌邦之地域。令國民族葬。而掌其禁令。正其位。掌其度數。鄭康成註云。位爲昭

禮。茲地限於形勢。不得以昭穆論。勢使之也。生顯既定。不可無以詠將來。况官游在滬耶。顯生戊戌成進士。以

知縣兼署皖江。服闕後。發文章爲經濟。移孝作忠。從茲居官日多。居家日少。宜預爲如法築墳。並刻石以垂久

遊。考生廬起於後漢。趙岐年九十餘。先自爲壽藏。唐盧照鄰隱其茨山。預爲墓區。仰臥其中。司空圖葬生廬。每逢春秋佳日。邀賓友游。誦其上。然未嘗刻石也。唐書姚勗自作壽藏於萬安山。署光曰寂居。穴墳曰復真堂。劉士爲牀。曰化臺。而刻石告後世。此生廬刻石所由助乎。顧生夫人早卒。浮屠於甘泉山麓。今生廬既有定所。余爲之擇日移葬於生廬之石。龜占制也。按禮弓云。周公蓋棺。則合葬之制。起於周公。魯人之制也。魯人之制也。合之。而孔子獨善葬。謂同時合葬耳。朱子語類云。某當時葬亡室。祇存東畔一位。吳柳云。地道以石爲尊。則男當於右。今觀地勢左勝於右。則生廬從人道以左爲上。可也。生廬與葬區中間。宜稍有所隔。不必如魯人同穴也。亦勢理所必然。余相定生廬。宜作乾山巽向。兼亥巳分金。歲在庚子秋八月。營壽藏成。顧生曰。敢請筆之爲記。爰敘述地概。俾其子孫有所考焉。○又阮芸臺相國。屬余至雷塘。相度先塋形勢。並相國生廬。江都周石濤明府。延余至其署。相度廳事。有詩云。雷塘開勝境。邗上匯羣流。相國垂青眼。歸田感白頭。瓊花誰復護。玉樹不聞謳。更就江都約。誰揚憶舊游。蔣譽侯少司成元溥來書云。海內星學之精。無有如我夫子者。夫子與先嚴交契數十年。某又忝列門下。故敢以葬期請。有句云。謙期敢設精星學。福地行看鶴又來。

清 姜可正善卜。嘗聞卜於關聖帝前。筮擲入案下。筮。音條。筮。音帝也。尋之得異書一册。遂徒業焉。問以吉凶。無不響應。

清 汪可爵。字君錫。精易數。箸有易學驪珠。道行京口。時號半仙。以上光緒丹陽縣志方校。

清 張仲馨。精相地。雲間蔣大鴻著地理辨正。世所稱蔣盤者也。其自序曰。丹陽張

孝廉仲馨。昔以文行相師。因得略聞梗概。其推重如此。民國丹陽縣志補遺方校。

9 金壇縣。秦曲阿縣之金山鄉。隋析曲阿地。置金山府。後因爲縣。唐改曰金壇。取邑有句曲山。金壇之陵爲號。清屬江蘇鎮江府。

明 王肯堂字宇泰舉萬曆己丑進士選庶吉士授檢討京察降調家居久之吏部侍郎楊時喬薦補南京行人司副終福建參政年六十七肯堂好讀書通星命六壬堪輿尤精於醫著六科準繩鬱岡齋筆塵尚書要旨等書該博精粹世競傳之

明史附王世傳
鬱岡齋筆塵

明 武鼎升原名際飛字九翼明崇禎庚午舉於鄉官新昌知縣思緯靜深通天文術數之祕解職後隱姓名賣卜於郡城入咸異之張明弼爲作鐵樵子傳乾隆金壇縣志方技

明 于菑菑音千去聲草盛說鮮明說字季鑾金壇諸生工山水性好綜覽膺歲薦不赴惟教授生徒兼通六壬地理精選術善行楷晚年通禪學儵然揮手而去續晉書疾說畫史彙傳

清 許北文金壇人二歲而孤發奮讀書爲名諸生著地理纂要書金壇史震林華陽散稿

10 溧陽縣秦置以在溧水之陽爲名故城在今江蘇溧陽縣西北四十五里隋唐廢徙今治清屬江蘇鎮江府

宋 周碧眼常州人以善相游公卿間劉侍郎致仕寓居溧陽周嘗往從之談至薄暮忽曰侍郎明日有隕墜敗面之厄劉曰當來共食以驗不然當罰爾曰定矣旦

未及食。隣家失火。劉倉卒奔避。礙於戶限。仆地面傷焉。其他大率類此。

元 陳梅湖善皇極數。受知於元世祖。凡遇推卜。多以易數諷諫。朝臣咸敬之。官至江西宣慰司副使。或問何不爲諸子計。曰。吾數非其所當傳。且命貧賤。令其粗知農事足矣。

清 胡泌水談星命多奇中。陳名夏試南宮時。訪泌水於家。一見以第一人許之。甲戌丁丑連黜。胡竊歎其術謬不驗。癸未名夏至都。泌水喜迎曰。子今不爲第一人。當下廉輟講耳。是科果舉南宮第一。成進士第三。入翰林。都人士益稱泌水胡先生云。

清 蔡翁德清人。精子平之學。一日史胄司夔過訪。蔡翁告以南中生一孫。推其命頗富厚。若遲一時則大貴。史叩其目時。大驚曰。予今歲得子。正其月日時也。蔡曰。此兒必入閣。卽文靖公貽直也。京師相傳以爲佳話。

以上光緒溧陽縣志藝術

清 史夔字胄司。溧陽人。康熙進士。官至詹事。工詩。素精子平學。康熙辛酉。攜眷入

都舟泊水驛。生相國文靖公。胄司取其造推算之。謂當大貴。時阻風。舟不得行。乃登岸縱步。見一冶王家。適生子。問時日正同。心識之。後二十餘年。文靖已官清禁。胄司告歸。復經其地。欲驗舊事。自訪之。則門宇如故。一白皙少年。持斤操作甚勤。問其家。卽辛酉某日生者也。竟夕不寐。忽悟曰。四柱中惟火太盛。惜少水以制之。生於舟者。得水之氣。可補不足。若生於鎔鑄之所。則以火濟火。全無調劑之妙矣。其貧賤固宜。

茶餘客話清
碑類鈔方技

11 上海縣

本華亭縣地。宋紹興中。置市舶提舉司。曰上海鎮。以地居海之上。洋故名。元割華亭地置縣。清屬江蘇松江府。縣東北有水。曰漚濟。黃浦江一名春申江。清道光二十二年。中英江寧議定條約。訂

開商埠。設江海關。爲我國第一通商港也。舊有縣城。已拆及。改建廣道。設環城電車。京滬、滬杭兩。漚濟三鐵路。交點於租界之北。江海商船。均以此爲起點。交通發達。工商業極盛。

明

俞寬字允寧。樸愿沈靜。喜讀書。工詞賦。凡醫藥卜筮。無所不通。然不求人知。終

歲不入城府。故人亦少知之者。

同活上海
縣志感術

清

馬嚴字敬六。國初人。居南邑之鹿溪鎮。警慧絕倫。弱冠登賢書。研心六壬之學。頗著奇驗。嘗與其師唐柴溪先生。同應禮部試。將行。命之筮。卦成。曰。皆中也。且師

必元。及榜發，報捷者至敬六門，遍閱題名錄，不見柴溪名，衆咸讓之，則毅然曰：中矣。且元矣。豈有不驗之理。衆不信。及明日，報果至，則竟以續榜成第一人進士。一日偶過友人，齋友知其術，以瑗覆一物試之，敬六樓指曰：此竹器也。長不及寸，腹空而頭紅。友笑曰：子之術，可謂神矣。予所藏實筆帽，然頭紅之說，則恐未也。及啓瑗帽，上果硃痕燦然。蓋爲學生所戲染。友亦未之知也。其神妙類如此。清黃臨頓編經書合零

清

沈大至，字伯雍，號于三，邑庠生。聞濬洛之旨，而尤精于易。講學五十餘年，著易經原繫辭、津等書。又博通天文地理醫藥諸書，爲人端方正直，人稱大儒。自號一

三居士。康熙乙巳，舉鄉飲賓，歿日，門人私謚爲敬修先生。乾隆上海縣志遺事

清

張夢松，字仲熹，號芝堂，博學能文。中乾隆己亥副榜，游京師，先達咸器重之。後居家，問字者屢常滿，兼精術數，爲人相地，多獲吉。同治上海縣志人物

清

朱孔陽，字寅谷，號邠裳。邠，音賓，古國名。庠生，諸翟人。授讀吳中某氏富藏書，得遍覽，務爲考據之學。通地理六壬數術，著歷朝陵寢備考。同上

清

馬斯才字翰臣。荷巷橋人。博覽星卜地理諸書。葬家延之。取酬不苟。恆語人曰。人死入土爲安。禍福能預決。耶人咸服其知言。著蔣氏古鏡歌句解及地理辨正。

淺釋均未竟卒。

同治上海續志藝術

清

吳華山精麻衣柳莊相術。決人禍福奇驗。求相者踵相接。酬以金則却之。曰我無福相。非爾金所能致富。有茶癖。或贈佳茗則喜形於色云。同上

清

馬進之泗涇人。泗涇在松江縣東入上海縣界。精火珠林易理。占驗每出人意料。龍華港之百步

橋爲湖水擊圮。

圮音否。左從戊己之巳。毀也。

斷石橫江。水陸交阻。屢欲倡議重建。皆以經費浩繁

而止。里人劉學廷遂以橋事往問。筮得歸妹之九二。其爻曰。眇能視。跛能履。利幽

人之貞。馬曰。眇能視。跛能履。不終廢也。利幽人之貞。夷軌易遵也。卦直歸妹。功其

首以婦人乎。九二之爻。臣道也。亦妻道也。而位居中。正殆婦人而可專制者乎。時

問者以王鉅憍憍而占。

憍。難去聲。憂懼也。

若不經意。遂笑置之。乃未幾。而邑侯范廷杰忽

乘輕舸來勘形勢。始知邑有周羅氏者。承其亡夫國楨志。出資三千金。牒縣倡捐。

隱·音蝶·官
文書之一種

遂依吳郡萬年橋式。中築石梭礮二。兩岸甃石。甃·酒去聲·有
罨·井甃也大木互中。鱗

次鋪甃於面。旁翼欄檻。始於乾隆四十五年春。越三載乃竣。於是功首婦人。竟符前筮。蓋亦奇矣。

善歌類
徵初編

清

丁詩。字韻堂。少孤貧。母竭十指入教之。讀窮治經史。於陰陽圖緯。壬遁風角之

術。無不窺。爲人卜。多奇中。每日盡卜。賫沽酒市脯。母子垂簾向酌。頽然皆醉。以是

爲歡。母卒。拊棺嘔血。遂病狂。書其母奇節苦行。拉雜千言。授所知。遂走百步橋沈

水死。同治上海
縣志藝術

清

陳思魯。山東人。嘗寓洋涇市。精六壬數。占有奇驗。子繼魯。傳其業。同治上海
縣志游寓

清

盛鈞。字邦直。蓬星命之學。尤精堪輿。爲人擇地葬親。救貧。決科。多奇中。同時張

采文。凌吉人。葉彭年。戴鴻。均以術稱。

清

張文彪。字景岳。號鶴青。三十保人。諸生。精堪輿術。遠近輒以舟車來迎。兼明五

星命理。筮星學。祕要七卷。

清 胡聿田、字鋤非。以周易決六壬數，奇中精堪輿。尤耽吟詠，箸正己居詩稿四卷。

同治間，充法華鄉約生，妙語解頤，聽者不倦。

以上民國上海縣志藝術

清 賈振元，字新堂，號香江。邑諸生，性耽吟詠，尤喜考據。家貧不能購書，每見善本、

必手自校錄之。課徒之暇，旁涉堪輿，取酬不苟。有延之者，輒曰：佳地須有德福，非我所能助。但求入土爲安耳。鄉人有賂之者，屏弗納。遇有惑於禍福者，以理折之。

人皆感服。

同志上海縣志藝術

清 楊志遜，上海人，貌清癯，終身不娶。博覽星卜地理諸書，尤精六壬數，多奇中。晚

好丹經，年八十無疾卒。

嘉慶松江府志同治上海縣志藝術

清 沈衡章，上海人，工拆字之術。乾嘉時賣卜於邑廟，問休咎者趾相接，有犯越獄

宵遁，捕役往問，拈一鸚字。沈曰：鸚鵡能言之禽也，舌慧而身不自藏，卒爲人所繫。

鸚鵡，音執，鸚也。且鳥而嬰羽毛，未豐其能，遠逸乎去，此當近速捕，可得。問往何方，沈瞥見

雀跨後簷，曰：可往後面坑廁中覓之。如其言，果獲。邑侯神其技，給機測如神扁額。

懸廟園清芬堂之西。偏俗呼爲董事廳者。蓋沈所安硯處也。咸豐庚申。西兵駐園。其額始毀。少後又有陸學海者。五六歲時。父抱懷中。卽能握管。拆字長遂。以此爲業。老而益精。有以求財問者。拈一也字。陸曰。無望也。地無土。難栽棲鳳竹。池無水。難養化龍魚。矢口如此。而十中八九。沈軀頗偉。陸貌清癯。皆意致閒雅。無江湖習氣。陸亦設硯於眞君殿。惟素自矜貴。日不逾百字耳。著猷類
微初編

清

賈履上。字季超。號雲階。上海人。歲貢生。就職訓導。家貧力學。好宋儒家言。於陰陽堪輿之學。尤有獨得。課徒三十年。造就多樸學士。著地理水龍經注。性理輯要。

同治上海
縣志藝術

清

莫樹培。字在田。號雲壇。道光甲午歲貢。家貧善事老母。從陳蓮塘昇游。兼得陰陽宅鏡之傳。人競延之。性疏散。善恢諧。嘉慶間。與修邑志。同治上海
縣志藝術

清

王廷瑚。字僅光。號探微子。足跡半天下。有蘇松太山川考。精地理。子陞良。繼其業。同上

清侯敞號梅衫。侯家角人。增廣生。淡泊不求聞達。於天文地理醫卜之術。無所不窺。而詩書畫尤稱三絕。晚號淞南居士。卒年七十有九。子寶一。號子衫。工畫山水。

精堪輿術。

同治上海縣志人物

12 華亭縣

漢婁。由秦。海鹽三縣地。唐置華亭縣。清又析置婁縣。並爲江蘇松江府治。民國初。廢府。并廢婁縣入華亭。旋改華亭爲松江縣。遷杭州甯鐵路經之。縣境產四鱧。晉張翰因秋風起。思吳中菰菜蓴

羹鱸魚膾。隋時吳郡獻松鱧。謂之金齋玉膾。素以名產稱。魚狀似土附。長僅五六寸。冬至前後最肥美。蓋鱧魚之別一種也。

宋

儲泳字文卿。又號華谷。華亭人。有詩名。精陰陽五行。著祛疑說纂。有易占說。箴

易以著。古法也。近世以錢擲爻。欲其簡便。要不能盡卜筮之道。自昔以錢之有字

者爲陰。無字者爲陽。故兩背爲拆。二畫也。兩字爲單。一畫也。朱文公以錢之有字

者爲面。無字者爲背。凡物面皆屬陽。背皆屬陰。反舊法而用之。故建安諸學者。悉

主其說。或謂古者鑄金爲貝。曰刀曰泉。其陰或紀國號。如鏡陰之有款識也。一以

爲陰。一以爲陽。未知孰是。大抵筮必以著。求爲簡便。必盡其法。余嘗以木爲三彈

丸。丸各六面。三面各刻三畫。三面刻二畫。呵而擲之。以盡老少陰陽之變。三丸各

六面十有八變之義也。三面爲三、乾之九也。三面爲二、坤之六也。此用九用六之義也。三者乾之一畫、亟三也。二者坤之一畫、分二也。此三天兩地之說也。三丸擲之皆三則成九。老陽數也。三丸皆二則成六。老陰數也。兩二一三則成七。少陽數也。兩三一二則成八。少陰數也。所用者乾坤之畫、以成八卦。是乾坤生六子之象也。丸象太極之一也。三三爲乾。二二爲坤。象兩也。三丸者、象天地人之三才也。每丸得數十五。洛書皇極數也。合三丸之數、而爲四十有五。河圖九宮數也。上二則下三。上三則下二。動靜皆五。故五藏於用。參以四十五數。大衍之數五十也。三丸成九於上、則三丸伏六於下。此老陽變陰之體也。三丸成六於上、則三丸伏九於下。此老陰變陽之體也。二三相對、每丸各具三五。此三五以變、錯綜其數之旨也。體圓而轉、變動不居也。六位相乘、周流六虛也。三丸六擲而成卦、六十有八變之義也。既無錢背錢面陰陽之疑。又合陰陽老少之變。嘗於舟中以語同志。朱子美大以爲然。因著其法。與好事者同之。又有辯針說陰陽家之說、尙矣。其間得失是

否。未易輕議。要亦驗諸事。折諸理而已。地理之學。莫先於辯方。二十四山於焉取正。以百二十位分金言之。吉凶禍福。豈不大相遠哉。此而不明。他亦奚取。曩者先君卜地。日者一以丙午中針爲是。一以子午正針爲是。各自執其師傳之學。世無先覺。何所取正。而兩者之說。亦各有理。主丙午中針者。曰狐首古書專明此事。所謂自子至丙。東南司陽。自午至壬。西北司陰。壬子丙午。天地之中。繼之曰針。雖指南。本實戀北。其說蓋有所本矣。又曰。十二支辰。以子爲正。厥後以六十四卦配爲二十四位。丙實配午。是午一位。而丙共之。丙午之中。卽十二支單午之中也。其說又有理矣。主子午正針者。曰自伏羲以八卦定八方。坎離正南北之位。丙丁輔離。壬癸輔坎。以八方析爲二十四位。南方得丙午。丁北方得壬子。癸子午實居其中。其說有理。亦不容廢。又曰。日之躔度。次丙位。則爲丙時。次午則爲午時。今丙時前二定之位。良亦勞止。因著其說。與好事者共之。但用丙午中針。亦多有驗。適占本位耳。又陰陽家拘忌說。太史公言陰陽家多拘忌。信哉斯言。則彼可此否。不勝其

牽制將盡棄之。則禍福顯然。有不可誣者。然則何爲而可。余曰。大而緊者。避之。小而緩者。略之。合於理者。從之。背於理者。去之。如太歲一星。出元經。非歲建也。九梁會煞之類。

此大而緊者。所當避忌。如蠶室。太陰。狼藉。流財之類。此小而緩者。可以略去。不必盡求合也。如歲位。吉凶。九宮。飛白。六壬之四殺。沒於四維。六神制於六道。遁甲之取三避。逼迫刑格。旨意玄微。立法深妙。皆萬世不可刊者。所當遵用。夫復何說。如四衝所通忌。活曜則取以爲吉。三方實死法。五符謂百無所忌。不通於理。烏可準憑。論陰陽者。既知去取。又當以胸中活法參之。如金神。惡殺也。其權司秋。其位居兌。正秋作之。復值巳酉丑地。決不免禍。如作於夏。或值丙離。權去勢衰。未爲深害。卽此而論。則活法可類推矣。鍾華谷祛疑說。纂扶疑說跋。

元 吳鍾山。不詳其名。家鍾賈山。遂以自號。善太乙九宮算術。自言其學得之祖父竹所。竹所傳之其父一峯。祕不語人。楊維禎訪之。鍾山曰。先生棄官十年。數盈十必變。未有往而不復者。截自四十九而往。爲下箸曰。某年起某官。某年移某所。某

年當調內。某年當致仕。後一如其言。維禎作數說稱述之。

乾隆江南通志藝術
嘉慶松江府志藝術

元 周之翰，字申甫，華亭人。幼穎悟，博究羣書。尤通象數之學。有乾坤闔闢、天地生

成、陰陽變化、山川流峙、四圖並贊，以發明其奧。講授於鄉以終。

清統志江蘇省
松江府志人物

明 錢博，字原博，華亭人。正統進士，授南京刑部主事，擢四川按察。卒，博在刑曹多

所全活。工古文辭，善楷書行草。旁通醫卜陰陽諸書，好急人患難。人樂與交焉。

松江

府志
藝術

明 徐階，字子升，華亭人。嘉靖癸未進士第三人。歷禮部尚書、東閣大學士。萬曆甲

戌卒，年八十一。贈大師，諡文貞。其拆詠嘉靖二字云：士本朝堂一丈夫，口稱萬壽

與三呼。一橫直亘乾坤，大兩豎斜飛社稷。扶加官，加祿，加爵，位立綱，立紀，立皇圖。

主人幸有千秋歲，明月當天照五湖。

明史本傳清韻
人德堅氣四集

明 范從烈，字豫所，博文強記。凡天文地理歷數之學，無不洞貫。箸二五祕旨、山隄

雜錄所見、水城記諸書。弟從勳，字少峯，性穎異。舅氏陳大參應元，官江右。從勳在

幕中、江右士大夫善地理家言見從勳輒傾服從勳亦虛心咨訪益括巒頭天星水法之妙以是藝益精名曰盛方伯杜梅梁母穴急宜遷從勳奔告梅梁時爲諸生歲試居三等松俗延師視學使者案梅梁方失館以窘對從勳以二十金畀之

界晉比賜也與也

卜日遷決其父子丙辛年當發甲己而果應又爲桐廬邵士斗改陽宅

毀離位之山亭數年雙替復明吳興史存仁先生無子爲鑿半月池於祖塋生方三年舉子二其他不能彈述年七十九卒

嘉慶松江府志藝術

清

宋懋澄字幼清松江名孝廉副都御史徵與直方父也精數學徵與生時預書一紙緘付夫人曰是子中進士後乃啓視之至順治四年丁亥捷南宮開前緘有一行字云此兒三十年後當事新朝官至三品壽止五十後果於康熙丙午以宗人府丞遷副都御史至三品明年丁未卒官年正五十也又嘗與淮南白孝廉同年友善白亦精數學一日晨起謂夫人曰今年九月某日白兄當死渠無子我當渡江取別爲治後事遂買舟渡江比至白已候門迎笑曰我固知兄今日必來相

送。遂閉門相對，痛飲數日。至期白無病而逝。懋澄爲治後事畢，乃歸。歸謂夫人曰：白兄事已完，吾明年三月亦當逝矣。如期而卒。清王士禛池北偶談

清

蔣平階，字大鴻，江南華亭人。少孤，其祖命習形家之學。十年始得其傳，徧證之。

大江南北，古今名墓，又十年始得其旨，又十年始窮其變。自謂視天下山川土壤，

雖大荒內地如一也。遂箸地理辨正，取當世相傳之書，訂其紕繆，析其是非，惟尊

唐楊筠松一人。曾文迪迪，丑廷切，晉縣先朝，綬少也。僅因筠松以傳，其於廖瑀、賴文俊、何溥以下，

視之蔑如。以世所惑溺者，莫甚於平砂、玉尺一書，斥其僞，尤力。自言事貴心授，非

可言罄。古書充棟，半屬僞造。其昌言救世，惟在地理辨正一書。後復自抒所得，作

天元五歌，謂此皆糟粕，其精微亦不在此。他無祕本。從之學者，丹陽張仲馨、丹徒

駱士鵬、山陰呂相烈、會稽姜堯、武陵胡泰徵、淄州畢世持。淄，音枝，水名。他無所傳授。姜

堯注青囊奧語及平砂、玉尺辨僞，總括歌，卽附地理辨正中。平階於明末兼以詩

鳴。清初諸老多與唱和。地學爲一代大宗。所造羅經後人多用之，稱爲蔣盤云。清史

清 相枚字善園華亭人設卜肆寒暑垂簾端坐客請撲著撲，音舌，數善也。謂持而數之也。易經撲之以四，以象四時。

必整衣冠而進識欽善於少年勉以讀書卒成名士間爲小詩以自娛門人黃會

昌哀其詩屬姜皋序之會昌字繪園亦設卜肆以孝稱光緒松江府志藝術

清 杜登春字九高別號讓水華亭人康熙間由選拔貢生仕至浙江處州府同知

曾遇異人授以相術能一見知其人吉凶邪正著尺五樓文集錢儀吉碑傳集康熙朝守令中之中

清 張受祺號式之華亭人精青烏家言爲洞庭山嚴氏擇葬地奇驗著地理正義

六卷地理知新錄四卷易象略一卷行世

清 陳澤泰字茹征號雲村有經世才爲諸生時所交多知名士屢以詩賦受知學

使卒不售遂習堪輿與同郡盛邦直齊名在吳中名噪甚箸春柳草堂詩文集四

卷別箸陰陽宅鏡六卷以上嘉慶松江府志藝術

清 徐以仁世居華亭北門採花涇後徐家角隱於農兼善君平之術一日有姻某

無嗣卜妾。徐視課謂曰：不佳。不如不娶。問其故，曰：以卦推之，女有隱疾，不生育也。不特此，面部亦有疵。某素信徐，聽之，心亦灰。居間樂於成事，極力聳恿，心動。竟娶之。始見，面有癍痕，小疵也。亦置之。去傅粉，始覺黃瘦，體亦孱弱。未幾竟以腹痛偃臥。詢乃宿疾，始悔之。不追其值，而還於母家。又壬子，屬大比之年，其友向其卜中否。徐步卦謂曰：君不能中。此中某爻發動，君有同舟屬蛇者，當入殼也。友人亦不甚信。既而黃孝廉仁報捷，蓋卽同舟者。叩其年，生於癸巳，發解僅二十一歲。徐之卦，可謂神矣。以上清錢學編語新

清

高鼎玉，字味卿，雲間人。攻歧黃，善風鑿。道光癸卯，輯神相彙編四卷。其自序有云：相術之所以不可廢者，以之鑑己，能趨吉避凶；以之鑑人，可親賢遠佞。況明乎修心補相之說，則束身圭璧而天者可壽，賤者可貴，危者可安。自古及今，具有明證。相雖小道，豈非勉人為善之一端乎。神相彙編序

清

顧鍾秀，字筠庭，華亭人。善卜筮，精堪輿。光緒丙子，輯有選擇正宗八卷。子翰，壬

午順天舉人戶部雲南司主事。張文虎撰顧公墓誌選擇正宗序

清 徐洪高亦號安素老人華亭人住洞涇橋其叔徐公良爲夔州太守時嘗一抵任所初見立而與語公詢在家何業洪高叉手拱而對曰阿叔知姪不材惟恃其魯樸測字談星度活不敢謫詐取人間一文錢也語未畢徐公以指作圈不已連聲曰好好吾作一任知府日夜擔憂不似汝無拘束少顧慮亦免父母羞真快樂也方命坐留居署中察之果不詭夔州故兼關樞因命佐理關務經年不私一錢歸里囊橐如洗依然賣卜爲活

清 徐良鈺字式如松江人孝廉精青烏家言尤長於推算之學顧多作隱語不欲明以示人其里人潘兆芙方以明經應秋試踵門求推命造式如不語惟書和字示之人皆不解所謂後潘落第始恍然曰此所謂名利兩不成也自此遂屏棄帖括壹意爲善以終其身。清碑類鈔方技

13

婁縣漢舊縣唐入華亭清析華亭縣地置婁縣與華亭縣並爲松江府治民國初廢入華亭旋改華亭爲松江

明 陳鯤字悟泉。一字雨化。性強記。會倭亂。習數學。尤精六壬。決策奇中。徐文貞階。既謝政。值張博構獄。鯤占之。得六儀。曰。其兆太陽當位。羣陰乃伏。有兩貴人佐之。某日夜半。必獲美信。及期果報高拱被逐。夜漏二十刻也。張宮諭以誠。未遇時。鯤決數謂當大魁天下。徐文定光啓。姚布政永濟。皆於窮困中識之。後悉驗。子三省。孫杰。能世其學。同治婁縣志藝術卷
同治上海縣志藝術

明 王仙佚其名。業卜筮術。奇驗。人以仙目之。西林寺圓應瑤。舊在殿前。有江右異僧遇松。相度形勢。謂瑤宜在殿後。立志募移。郡人無知者。有無賴子與王有郟。與郟同。諷其術。往問卜。曰。我有一物。欲移置他所。何日而可。王曰。即日可。無賴子笑曰。我所卜者瑤也。君願謂爲可移耶。王取卦覆閱。不易初辭。後數日。僧果呈請當事。消吉移建矣。

明 祝慤字雙塘。世居古浦塘。後遷上洋。以相術遨遊齊魯燕趙間。多奇中。公卿皆折節下交。錢相國龍錫未遇得。慤預決其科第。及仕宦陞調歲月。上海顧斗英有

詩贈之。以上同治婁縣志藝術

清 姚廷鑾字瞻祈。自號餐霞道人。婁縣人。諸生。精堪輿術。明太僕卿林景暘舊宅。

子孫居之不安。廷鑾相之曰。宅中有古帝王寶氣。今已洩。宜撤去。以水鍼測其處。掘之。得古錢一甕。古劍一口。凡測地中物。無不奇中。乾隆甲子 箸陰宅集要。陽宅集

成二書行世。嘉慶松江府志藝術

14 南匯縣。本上海縣地。清析置南匯縣。屬江蘇松江府。

清 陸宗贊。宰南匯。順治乙未夏。南匯震雷起西北。摧東門城牆一角。宗贊卜之。則云。邑當有大魁天下者。命修葺時。鑿龍門二字以識。及己亥會試。朱天襄錦。果以

第一人捷南宮。清神類鈔方技

清 陸大鼎。字元文。文旺九世孫。占華亭籍入學。食貧嗜古。尤好象緯堪輿。輯天經

緯考十卷。乾隆南匯縣志藝術

清 朱景星。字棗汀。南匯縣明經也。才兼八斗。學富五車。士林中俱服其博。因居新

場。遂呼爲新場才子。又精星學。然不以技名。求問者。苟非親友。則不之應也。一夕。與家人燈下閒話。述及命運等事。朱乃搯指推算。忽淒然曰。已矣。余不出此月矣。遂得病。逾三日而死。聞者皆奇其有前知云。陳麟此中人語

清

賈步緯。字心九。南匯人。幼好書算。及長。盡通其奧。同治中。馮觀察竹儒。總辦製造局務。延請繙譯航海通書。輯算學十種。公餘之暇。與其子文浩。蒐討羣籍。又編便用通書。行世。歲出一帙。所載每日宜用諸事。悉折衷於欽頒時憲書。其忌用者。補所未備。遇日月交食。依書中時刻。測候。歷驗不爽。官民便之。又著辨正釋竅。論

關明三元地理祕要。

釋數論詞
賦詳序

清

張文虎。字孟彪。又字嘯山。自號天目山人。南匯人。諸生。於書無所不覽。過目輒記。所著舒藝室隨筆。詳考六壬源流。廣證旁引。絲絲入扣。又長於校勘。館金山錢熙祚家三十年。所校守山閣叢書。指海珠叢別錄。熙輔續輯。甄海珠塵。小萬卷樓叢書。無慮數百種。時稱善本。光緒乙酉卒。年七十有八。

續碑傳集備學○舒藝隨筆云。龜策列傳。衛平乃授式而起。仰天而視月。

之光。觀斗所指。定日處。規矩爲輔。副以權衡。四維已定。八卦相望。視其吉凶。介蟲先見。乃對元王曰。今昔壬子。宿在牽牛。河水大會。鬼神相謀。漢王南北。江河固期。南風新至。江使先來。白雲塞漢。萬物盡留。斗柄指日。使者當囚。玄服而乘輜車。其名爲龜。案。按式而起。謂地盤也。仰天而視月之光者。定時也。觀斗所指者。正月令也。定日處。舞者。正日舞也。規矩權衡。四維八卦者。左規右矩。前衡右權。義見淮南天文調。及漢書律曆志。謂天盤所加十二辰之位也。介蟲先見者。謂初傳玄武發用也。令昔壬子者。日辰也。宿在牽牛者。日宿在丑也。河水大會者。仲冬水王。又日時干支皆水也。漢正南北者。夜半時。箕斗在子。天漢正當南北。南風新至者。冬至一陽生也。斗柄指日者。月建在壬位也。使者當囚者。白虎乘子加壬。又玄武乘功曹寅也。今列式如左。錢氏養心錄以爲奇門之式。未然。

丑將

武陰后

虎 子壬

陳龍空 虎

寅卯辰

常 丑子

酉戌亥子

子時

武 寅丑

午巳辰卯

15

青浦縣

明嘉靖間。析置上海華亭二縣地。治青龍鎮。尋廢。萬曆初。復置。治唐行鎮。即今治。清屬江蘇松江府。

明張誼。字履道。青浦人。好譚易。善占氣候。倭寇入境。適至袁氏山莊。出望雲氣。拉

主人疾。走亡何。賊突入。見空廬。乃去。時有友留啖檳榔。力辭曰。誓逆不敢泊也。解

維不十里。友果被創。乾隆江南通志藝術

明 張希鸞字伯尊。青浦人。性穎悟。習青烏家言。萬曆末。自錢塘至珠家里。曰天下

兵起。卜地莫如此。問遂家焉。子孫世其業。

嘉慶松江府志藝術

清 葉鎬字貴京。青浦人。諸生。精易。貧而兀傲。終身不娶。晚年境益困。嘗爲人決休

咎於曲水園。暇輒吟詩。多佳句。蓋隱於卜云。

光緒松江府志藝術

清 徐杰字元傑。監生。六壬卜筮多驗。卒年八十有二。

光緒青浦縣志藝術

清 查書翰字訪平。諸生。精星術。嘗賣卜於曲水園。占人休咎多驗。人謂有葉鎬遺

風云。

民國青浦縣志藝術

清 熊其光字縉之。號蘇林。青浦人。道光丙午舉於鄉。明年成進士。改戶部主事。後

用防勦上海會匪功。加員外銜。咸豐乙卯。積勞病卒。年三十有九。其光爲學好博

辨。凡天文曆算輿地河渠星卜壬遁之屬。靡至無不通曉。所爲詩出入蘇黃間。有

雜著一卷藏於家。

閱爾昌碑傳集補曹司

清 熊其昌字九如。其光族弟。少通敏。喜參玄學。其光旁通青烏禽遁之術。嘗謂雲

國民

間。蔣大鴻辨正文字得華嚴之妙。其昌習其傳術甚精。顧不輕爲人相。度閔學。字闇如。行止端謹。習形家言。有聲於時。皆諸生。居小西門外。民國青浦縣志藝術

吳霜，字人麟。後更字靈園。青浦朱家角人。家貧。幼失怙恃。九歲就外傳。聰俊冠其曹。後就讀省立松江中學。家益落。不能資辦嚴。貸於族人。始得行。霜以是益發憤自勵。歲終師審其貧。許免費。霜赧然勿欲。翌歲爲中華民國甲寅。試上海商務印書館附設之商業學校。及卒業。錄任館職。館有涵芬樓藏書數萬卷。霜暇輒假讀。學大進。是時始治小說家言。文筆簡古。涉想新奇。大爲讀者稱賞。遂斐然有聲於文壇。壬戌膺時報館聘。任編輯。日必取一二社會瑣事。挈其指。大書列篇首。曰。事雖瑣。亦有繫乎時政。書此。將以爲執政者之鑑焉。其於編校排比。不爲定式。其後各報遂爭效之。丙寅春。鳩資設商店於杭州。試爲買遷。規模爲全市最。自此大贏。霜爲人強毅。多智計。操斷舉措。通乎細大。潔廉儉守。形於造次。役人千萬。悉與同苦樂。故衆樂爲之盡力。霜常引計然之說。曰。財幣欲其行如流水。故於戚友寒

峻多所施與。人多服其度。霜好談術數。頗究星命之學。判事往往有奇驗。細至人事之札。瘥休咎。大至世運之升沉。理亂因不當。機立斷。及患腫瘍。霜自推其造。不利。沒後。家人檢遺籍。則某物藏某處。某事了。某事未了。臚舉凡十餘條。井然不紊。末署某年月日。蓋沒前之一月也。癸未年卒。壽僅四十有六。子五。俱敦品力學。繼

志述事。

上海鄧純
懋撰行狀

歷代卜人傳卷二終

丹徒姜燿中校

易經圖說。右易之圖九。有天地自然之易。有伏羲之易。有文王周公之易。有孔子之易。自伏羲以上。皆无文字。只有圖畫。最宜深玩。可見作易本原。精微之意。文王以下。方有文字。即今之周易。然讀者亦宜各就本文消息。不可便以孔子之說。爲文王之說也。

中國歷代卜人傳卷三

潤德堂叢書之八

鎮江袁阜樹珊編次

江蘇省三

16 奉賢縣

本華亭縣地。清析置。以縣東南有奉賢溪。故名。屬江蘇松江府。故治在今縣東二十里。民國移治南橋鎮。

清

宋一士、蕭家厓人。

庫音

諸生精易理。占斷如神。又擅堪輿。不輕擇地。曰：凶人得

吉地。吉可爲凶。吉人遇凶地。凶可爲吉。子臥雲。克承父業。張惠泉。子書田。新塘人。

布衣。精堪輿。決休咎。悉驗。陳大林。字豫庵。世居青村港。精卜易。有奇驗。卒年七十。

清

徐元音。字松史。阮巷人。諸生。善卜。屢中。一宗朱子本義。門人黃炎松。亦有名。周

南。字二詩。青村港人。父象乾。精堪輿。南能世其業。同里金文照。字勵齋。精地理。星

命。嘗獨力營葬戚某。撫立遺孤。人稱其義。

以上光緒奉賢縣志人物。

17 金山縣

本故小官鎮。南瀕海。西連乍浦。東接青村。明建金山衛。清改置金山縣。治衛城。後移置朱涇鎮。屬江蘇松江府。

清 葉癡，不傳其名。衛城人。善風鑑。決人富貴壽夭。多奇中。得酒，其術愈神。曾相王

侍御廣心。決其鄉舉登第筮仕年月。一一不爽。

民國金山志藝術

清 何恆信，號遜廬。張堰人。習青鳥家言。箸周易彙萃理氣發凡水法備考等書。

緒光

金山縣志藝術

18 太倉州

今崑山縣東，地名太倉，元至元十九年，宣慰朱清張瑄等，建議海漕，設海運倉於此，是時海外諸番，交通市易，謂之六國碼頭，明初置太倉衛，弘治間，始割崑山常熟嘉定三縣地，置太倉州，清雍正二年，直隸州屬江蘇省，民國改縣。

清

陳瑚，字言夏，號確庵。太倉人。年十六，受學於趙尊匏先生。二十一補府學生。館

同志陸桴亭。世儀家。兩人憂天下多故，乃講求天文地理兵農禮樂之書。旁及奇

門六壬之術。將以爲用世具也。明崇禎壬午，舉於鄉。癸未會試，策中規切時政。遇

黃陶庵京邸，感憤時事不可爲，撫膺長號。陶庵曰：試若不售，受國恩淺，猶是草野

一介耳。則竄伏於荒江，寂寞之濱，著書傳道，以畢餘生，亦中道也。既而陶庵捷，瑚

下第聞京師陷，痛哭焚衣冠。順治乙酉，大兵渡江，奉父遷徙無常。丙戌移居任陽。

秋遷蔚林。在崑城東北三十里。水道紆折。有潭七十二。陳碩潭其宅址也。有田數畝。躬自荷鍤。父亦安之。丁亥復與諸子講學。以孝弟力田行善爲蔚村三約。己丑饑。創周急法。虞山毛子晉聘爲子弟師。乃奉父移居隱湖。庚寅自隱湖歸。築村堤。乙未詔徵隱逸。辭以疾。康熙壬寅秋。父卒。辛亥移家海濱。朱氏壬子哭桴亭於其家。乙卯十月二十日卒於蔚村。年六十三。門人私謚安道先生。著天文書辨疑。菊窗隨筆俱亡。所傳講義六篇。感人尤痛切云。

碑傳集
理學上

清

吳偉業。字駿公。一字梅村。太倉人。崇禎辛未進士。順康間。累官國子祭酒。康熙

辛亥卒。偉業學問博瞻。尤長於詩。著有梅村集等書。晚年精星命學。連舉十三女。而子暉始生。時唐東江孫華爲名諸生。年已強仕。赴湯餅會。居上座。梅村戲云。是子當與君爲同年。唐意怫然。及康熙戊辰。暉舉禮部。東江果與同榜。或贈梅村五十生子詩云。九子將雛。未白頭。明珠老蚌正相求。蘭閨自唱河中曲。十六生兒字阿候。蓋少妾所出也。暉後官兵部科給事中。梅村出山。陳素庵相國實爲推轂。蓋

將虛左以待。比至京師。素庵事已決裂。盡室遷。謫塞外梅村。拙政園山歌。感慨惋
惜。蓋有不能明言之情也。清史稿文苑苑
苑生茶餘客話

清 毛在鵬。字萬程。父煒。工詩。文明形家。言在鵬以病棄舉子業。復得滑鱗。指授益
精。其術。晚年攷律呂。究聲韻。工翰墨。卒年七十有七。著有地理舉一。

清 俞堅。字心一。父琳。字林仲。精堪輿術。堅兼通壬奇之學。品行方正。少學於隱士
金汝鉉。常起危疾。每慮藥性多偏。小不謹。輒致害人。著學慎術。以發明其旨。以上嘉
慶太倉

州志
藝術

清 王子雲。太倉人。於成童時。買得六壬課書一册。朝夕推究。竟通神妙。應童子試
第一。補庠生。後盜犯越獄。州牧夜叩其門。問能弋獲否。子雲曰。其人己出南門。離
城十里外。在草中潛伏。右手持鐵器。左手執一活物。路旁有大樹。明日午刻必獲。
果如言而得。蓋一手握薙髮刀。一手竊一雞耳。寄編
殘贊

19 嘉定縣

漢安縣地。隋唐爲崑山縣。嵯城鄉。宋析置嘉定縣。元升嘉定州。明復爲
縣。清雍正二年。改屬江蘇太倉州。民國十三年。江浙戰爭劇戰於此。

元 譚友文，字士元，精陰陽家術。仕至朝散大夫，判太史局。居官廉謹，雖見知權要，未嘗以干請自溷。光緒嘉定縣志藝術光緒太倉州志

明 翟祥，字君瑞，嘉定人。避諱以字行。少通易學，爲明高祖占候，皆驗。賜以勅命，爲訓術所著希微子簡易錄。宋濂有傳，嘗彙邑人所爲詩，并記其人之性行名位，刻之爲練音。圖書集成卜筮部名流列傳

明 馬軾，字敬瞻，嘉定人。精於占驗。正統間，以天文生從征粵中。時賊勢猖獗，督師董興猶豫，欲請益兵。軾見大星夜隕，言賊平，不過四旬之內。宜速戰。卒如其言。乾隆

江南通志藝術

清 陸坦，字履常，嘉定人。崇禎庚午舉人。明末嘗著鄉兵議，條畫甚悉。會逢甲申之

變，與父嘉穎偕隱，賣卜金閭。乾隆江南通志隱逸

清 王渭熊，字汝師，居虬江濱。虬音求，龍子有角者。善六壬吉凶立驗。自比嚴君平，日得百錢，給薪水。卽閉肆不見客。遊京師，諸公貴人神其術，欲引進之，辭歸。自刻死日，無疾。

而逝。

光緒嘉定縣志藝術

清

侯泓字研德。晚更名涵。自號掌亭。嘉定人。明諸生。入清後。以事被擄。後得釋。博覽強記。凡經史百家。天文地理。醫藥卜筮之書。無所不通。著有掌亭集。玉臺金鏡。

文。

碑傳集逸民

清

錢玉炯字青文。嘉定人。少穎敏。好讀書。年三十三。始補學官弟子。家貧。以教授自給。於百家書。無不研究。兼通卜筮。祿命諸術。輒有奇驗。晚歲邑令舉爲鄉飲賓。因問何以致壽。答曰。某生平不知導引服餌。但文字外。別無嗜好。未嘗輕易喜怒。中年以後。從不露處耳。卒年九十有二。著有字學海珠。星命瑣言。宜興吳德旋初月樓讀聞見錄

清

錢大昕。玉炯孫。字曉微。號辛楣。又號竹汀居士。嘉定人。乾隆甲戌進士。累官少詹事。督學廣東。丁艱歸。不復出。大昕幼慧。善讀書。精研羣籍。兼通中西曆算。著述極多。卒年七十有七。其十駕齋養新錄一書。論陰陽五行。太乙壬遁。星命卜筮等法。尤多發明。有一僕服役多年。體魁梧而勤幹。大昕恆倚重之。爲推生造。謂必以。

軍功保舉官至三品武職。久之不驗，疑之，因以其造錄寄欽天監，屬爲之推算，覆曰：「某命果佳，如君言，然必生長北方，若生於南方，僅能近貴而已。」此所以給事君邸也。

清史稿儒林叢新錄
清稗類鈔方技

清

錢塘大昕族子，字學淵，一字禹美，號漑亭。乾隆庚午進士，改教職，選江寧府學教授。塘少大昕七歲，相與共學，又與大昕弟大昭及弟玷相切磋，爲實事求是之學。於聲音文字律呂推步陰陽五行壬奇祿命尤有神解，著律呂古義六卷，於律歷天官家言皆究其原本，而以他書疏通證明之。又著淮南天文訓補注三卷，卒年五十六。

清史稿儒林
附大昕傳

清

時銘，字佩西，號香雪，嘉定人。乾隆己酉中省試，嘉慶乙丑成進士，歷官山東齊東縣知縣。道光辛巳，以催科劾罷，實不名一錢，訟繫之，不得歸。丁亥三月卒於濟南寓邸。年六十有一，身後以官逋盡沒其田廬。所著有六壬錄要十卷，詩文稿若干卷，藏於家。

錢塘諸可寶
鳴人傳三編

20 寶山縣

本嘉定縣地。明置寶山千戶所。清雍正二年。析置寶山縣。屬江蘇太倉州。民國十六年。國民政府劃縣屬吳淞。高橋。閔行。江灣。引翔。閘北。真如等區。入上海市。地當江海之交。爲沿海要地。惟

城小屋卑。繁盛。遠不如吳淞。

清 王貞爵字士修。居真如。能詩。工書。精六壬術。多奇中。子渭熊。字汝師。飛筠。字翼

師。俱克紹家學。

嘉慶寶山縣志藝術

清 張元治。字其遠。居大場。喜作韻語。植盆樹百本。蒼松古檜。自具畫意。後以葬親。

營兆。精堪輿。註釋九家。纂述四十二篇。又以玉尺經。譌舛多所訂正。壬奇星平。皆

有心得。善別物性。雖昆蟲小草。不經見者。能辨形色。知臭味。

光緒寶山縣志藝術補

清 陳艮。字耕山。好究心象數。夜常仰察星曜。步行原野。值沙水相遭處。必以經緯

儀。徘徊測望。人有延其相墓者。則自謝不能。或預言兵凶水旱事。往往有驗。有賣

卜者。名曰海癡。不知其所自來。艮與之傾談。或相視狂笑。人莫能測。而終身不以

術自炫。

民國寶山縣志藝術

富生。字香吏。諸生。浙江海鹽人。天資穎異。過目不忘。經史以外。各種叢書。靡不

瀏覽精究地理。及六壬奇門之學。占驗往往奇中。道光初至鎮。里中紳富延請擇穴者甚衆。時來時去。約二十年。咸豐初。徧游公卿間。蘇撫徐有壬尤爲賞識。留之署中。咸豐辛酉復至鎮。同治乙丑去。時年已七旬。遂不復來。其人面貌古怪。冬夏常赤脚。故人稱爲赤脚地仙。

清

張旭字西江。自號張癡人。競稱張怪。嘉定外岡人。精青烏術。每相陰陽。二宅多奇驗。故又呼爲張仙。與之說易理。玄妙無窮。且自首至尾。連註背誦。無一字差誤。蓋其專心於易者有年矣。人卽以重幣聘。未必往。願往則不招。自往卽往矣。主人再四留之不得。或數閱月不言去。月浦多故交。常宿於張氏家。以上寶山縣月浦里志游寓

21 崇明縣

在長江入海之口。爲江口淤沙所積而成沙洲。爲唐時所湧出。分東西二沙。後積漸高。實。漁樵者依之。遂成田廬。宋時又湧一沙。三沙鼎立海中。五代楊吳置崇明鎮於西沙。元置州於姚劉沙。嗣

因水患而遷東沙。明改爲縣。始屬蘇州。後屬太倉州。清因之。治所因水患屢遷。今治在島之西南端。轄城分內沙外沙。內沙卽崇明本島。外沙爲清乾嘉間所湧現。初本十餘沙。今已聯成一片。東西一百八十餘里。南北約五十里。面積大於內沙。北與海門毗連。南與崇明本島隔江相望。外沙人民屢請設縣。與內沙分治。內沙人民又反對之久而不決。今由內外沙代表議決。設行政分署於外沙之匯龍鎮西一里。於民國十年實行。本島處江海間。有魚鹽之利。農產物以棉稻豆麥爲主。棉質尤良。所產棉布頗著名。內外沙均有織布廠。工役達數千人。

元 宋尹文，字文璧，崇明人。元明威將軍海漕千戶佑子也。少從許衡學，薦爲翰林院典籍承事郎。嘗學琴於秋山徐氏，指法精妙。大德間，魯國公主聞其名，召至奏筊十八拍，公主嘉歎，賜金。至元初，歸老於家，益精六壬遁甲諸術，推測休咎亦多。

奇中。

乾峰江南通志藝術光緒太倉州志民國崇明縣志藝術

明 施文會，字志學，崇明人。少爲諸生，尋以病廢學。旁通潛虛術，善聆人聲音，以定

吉凶。歷歷不爽。

乾峰江南通志藝術

清 劉四公，明遺老也。相傳仕於魯王，鼎革後寓崇，窮巷一廛，僅蔽風雨。清吟妙繪，

時時間作，但不著名。又精六壬奇門風角之術，言無不驗。與邑人張隆純善。隆純

周之終身，及歿葬之祖塋側。

光緒崇明縣志寓賢

清 黃仍緒，字繼武，崇明人。康熙丁未進士，居鄉時嘗親冒矢石以禦海寇，而不自

言其功。平居自奉甚約，而性好施予，讀書自經史百家，以及六壬遁甲之術，無所

不通。仕至內閣中書舍人。

乾峰江南通志文苑

清 施彥士，字楚珍。道光舉人。沈毅有膽識。歷任萬全、南皮、正定。皆有治績。晚年手不釋卷。於星命之學尤有心得。著有星命書。求己堂詩文集。崇明縣志文苑

清 李鳳苞，字海客。號丹崖。崇明縣學生。幼慧異常兒。讀詩至維參與昴及定之方中。卽究心天象。取甘石星經及丹元子步天歌諸書讀之。稍長。讀數理精蘊。博考疇人家言。研究泰西新法。遂通天算之學。乃益泛覽諸史。凡地理兵法。下至風角壬遁醫藥卜筮。靡不通曉。光緒丁丑。以候選道。率員弁赴各國學習文藝戰陣之法。旋署出使法國大臣。丁亥年卒。壽五十四。著有四裔年表、泰西日記、海防新義、自怡軒算書等。德清俞樾春在堂文集李君墓誌銘

22 吳

縣

周初太伯邑。春秋吳國都。秦置吳縣。爲會稽郡治。後漢於縣置吳郡。陳爲吳州治。隋開皇初。爲蘇州治。大業初。復爲吳郡治。唐仍爲蘇州治。宋爲平江府治。元爲平江路治。明爲蘇州府治。清

與長洲、元和、同爲江蘇省治。民國廢長洲、元和。入吳縣。太湖、靖湖兩湖。亦并入焉。城周四十五重。有六門。閶門內外。商業最繁盛。滬寧鐵路經之。盤門外之香腸隄。清光緒二十一年。中日馬關條約。訂定開放

周 公孫聖、善六壬。吳王夫差興兵與齊戰。道出胥門。假寐姑胥之臺。夢入章明宮。

見兩鑪蒸而不炊。

鑪與鑪同。鼎屬。

兩黑犬，嗥以南，嗥以北。

嗥音豪，野獸聲也。

兩鑊殖宮牆。

鑊音兩。

勿音也。

流水湯湯，越其宮堂。後房鼓震篋篋，有鍛工。前園橫生梧桐，命太宰嚭占之。

嚭曰：

嚭音否，紙韻大也。

美哉王之伐齊也。章者，德鏘鏘也。明者，破聲聞，昭明也。兩鑪蒸而

不炊者，聖德氣有餘也。兩黑犬，嗥以南，嗥以北者，四夸服，朝諸侯也。兩鑊殖宮牆

者，農夫就成，田夫耕也。流水湯湯，越宮堂者，鄰國貢獻財有餘也。後房鼓震篋篋，

有鍛工者，宮女悅樂，琴瑟和也。前園橫生梧桐者，樂府鼓聲也。吳王大悅，而心不

已。復召王孫駱問之。駱曰：臣圖淺，不能占。東掖門，帝長公孫聖，多見博觀，願王問

之。王乃召公孫聖，聖伏地而泣。其妻謂曰：子何性鄙。王急召，乃泣涕乎。聖曰：悲哉。

子焉知。今日壬午，時加南方，命屬上天，不得逃亡，非但自哀，誠傷吳王。吾受道十

年，隱身避害，欲紹壽命，不意急召，中世自棄，故悲與子相離耳。遂詣姑胥臺。吳王

告其夢，聖曰：臣不言身命全，言之必死於王前。臣聞章者戰不勝，敗走倖倖也。明

者去昭昭，就冥冥也。入門見鑪蒸而不炊者，不得火食也。兩黑犬，嗥以南，嗥以北，

黑陰也。北者匿也。兩鍬殖宮牆者，越軍入吳，伐宗廟，掘社稷也。流水湯湯，越宮堂者，宮室墟也。後房鼓震，篋篋者，坐太息也。前園橫生梧桐者，梧桐心空，不爲用器，但爲育僮，與死人俱葬也。願大王按兵修德，遣下吏肉袒徒跣，稽首謝於勾踐，國可安存，身可不死。吳王怒，顧力士石番，以鐵槌擊殺之。

盛絕書圖書集成藝術與術數類名流列傳蘇州府志

漢

吳秦，吳郡人，能箴。會稽盧氏，失博山香爐，使箴之。秦曰：「此物質雖爲金，其象寶山有樹非林，有孔非泉，閭闔風至，遂發青煙，此香爐也。」語其主處，求即得。

民國吳縣志藝術

吳

陸績，字公紀，吳人也。父康，漢末爲廬江太守。績年六歲，於九江見袁術，術出橘，績懷三枚去，拜辭墮地。術謂曰：「陸郎作賓客，而懷橘乎？」績跪答曰：「欲歸遺母。」術大

奇之。孫策在吳，張昭、張紘、秦松爲上賓。

結音空，綱也，安也。

共論四海，未泰，須當用武治而

平之。績年少，未坐，遙大聲言曰：「昔管夷吾相齊，桓公九合諸侯，一匡天下，不用兵車。孔子曰：『遠人不服，則修文德以來之。』今論者不務道德，懷柔之術，而惟尙武，績雖童蒙，竊所未安也。」昭等異焉。績容貌雄壯，博學多識，星曆算數，無不該覽。虞翻

舊齒名盛。龐統荊州令士。年亦差長。皆與績友善。孫權統事。辟爲奏曹掾。以直道見憚。出爲鬱林太守。加偏將軍。給兵二千人。績既有瘖疾。又意在儒雅。非其志也。雖有軍事。著述不廢。作渾天圖。注易。釋玄。皆傳於世。預自知亡日。乃爲辭曰。有漢志士。吳郡陸績。幼敦詩書。長玩禮易。受命南征。遘疾遇厄。遭命不幸。嗚呼悲隔。又曰。從今已去。六十年之外。車同軌。書同文。恨不及見也。年三十二卒。

三國志吳書本傳
清統志江蘇省松

江府志
人物

吳

陸凱存敬風。吳人。丞相遜族子。黃武初。爲永興諸暨長。所在有治迹。拜建武都

尉領兵。雖統軍衆。手不釋書。好太玄論。演其意。以箴輒驗。累官征北將軍。封嘉興

候。左丞相。卒年七十二。

三國志吳書本傳

梁

朱景瓌。算術精妙。設肆盤門驛。貞明中。廣陵王錢元璠鎮吳。景瓌上書云。到任

當三十年安寧。元璠命燭焚之。謂其說尙遠。未之敬也。至天福庚子辛丑間。忽記

其事。召景瓌問之。曰。算數定矣。及期薨。

圖書集成術數部名流列傳

梁後

顏規。本玉工。錢元璩嘗召朱景瓌問算術。遁甲事。規適解玉。便廳熟聞其說。他日質於景瓌。遂精其術。忠獻王嘗欲享廟。規上書言翌日利五鼓之前。如寅時則杜門在南。不可出入。不聽。果寅時車出南門。鏢以鎗壞。久不能啓。遂破鏢而出。王信其神驗。遂以爲軍師。藝衡典引蘇州府志

陳

顧野王。吳郡人。字希馮。七歲讀五經。略知大旨。九歲能屬文。長而遍觀經史。精記默。識天文地理。箴龜占候。蟲篆奇字。無所不通。又善丹青。與王褒同爲梁宣城王賓客。梁亡入陳。天嘉元年庚辰。補撰史學士。仕終黃門侍郎光祿卿。著有玉篇、輿地志、符瑞圖、分野樞要、玄象表文集。陳書列傳

宋

許洞。吳縣人。咸平庚子進士。解褐。雄武軍推官。以狂狷不遜。忤知州馬知節。會輒用公錢。奏除名歸。越數年。當景德乙巳。洞應識韜略。運籌決策科。獻所著虎鈴經於朝。是時眞宗皇帝方厭兵。思休養天下。歲不惜三十萬幣。輸契丹。定和議。洞以是報罷。除均州參軍。終烏江主簿。卒年四十二。有集一百卷。其虎鈴經自序云。

上探孫子李筮之要。明演其術。下撮天時人事之變。備舉其占。又云。六壬遁甲。星辰日月。風雲氣候。風角鳥情。雖遠於人事。亦不敢遺漏焉。至於醫藥之用。人馬之相。得有補於軍中者。莫不具載。其書二百一十篇。分爲二十卷。相人一篇。尤爲簡切。洞曰。凡欲擢用。先須辦人形神肌骨之貴賤。且人神隱於中。形藏於身。氣發於外。先觀其形。夫山有美玉。草木滋茂。人有貴相。氣色豐潤。人雖處下。品顏色形神。器度動止。與衆殊也。相有七等。一曰看骨。二曰看神。三曰看肉。四曰看色。五曰看文。理黑子赤子。六曰看毛髮。七曰看星文。人相有十成。一曰神氣清。二曰五岳齊。三曰笑語美媚。四曰聲色深沉。五曰鬚髮無間。六曰詞語穩重。七曰接對無僞。八曰不欺信行。九曰爲事正直。十曰風骨合度。此爲十成之相。經曰。七成八成。臣子尊貴。位極人臣也。

宋史附黃夷簡傳虎鈞經

宋 胡彛申。紹興間。自績溪徙於吳。通風土陰陽之術。世所傳江西地理新法。出於彛申。嘗以術行四郭而相之。以爲蛇門不當塞。作吳門忠告一篇。

圖書集成堪輿部堪輿名流列傳

宋 范疇字復初。本金華人。嘗爲洞霄宮道士。得江西張九午。著易之占。神妙莫測。杭有無籍子胡婆壽。負罪而逃。官督捕甚嚴。捕者卽疇。求箴爻成。疇曰。可於北方樹中得之。如言跡至臨平。果獲於空楊樹中。遂繫獄。後會赦出。欲報疇。持刀晨叩疇門。給以卜。欲殺之。疇決以占。知其將不利於己。隔門謂之曰。欲問卜。可擲下手中刀。胡聞之。駭服。猶以刀畫其門而去。疇由是來。蘇避之。寓乘魚橋。設肆。有疑來問者。莫不神驗。年八十三卒。乾隆蘇州府志藝術

元

陸森字茂林。平江路人。

今江蘇吳縣治

官陰陽教諭。撰玉靈聚義五卷。天歷二年刊。所

述皆龜卜之法。其曰玉靈者。按史記龜筮傳。祝龜之詞。有玉靈夫子語。司馬貞索隱。謂尊神龜而玉之。其名當取此義也。四庫子部術數類存目二

明

徐有貞字元玉。初名理。吳人。宣德進士。選庶吉士。授編修。爲人短小精悍。多智

數。喜功名。凡天官地理兵法水利陰陽方術之書。無不諳究。官至兵部尙書。華蓋殿大學士。以復辟勦封武功伯。致仕十數年。卒於家。明史本傳○明陸燾庚巳編云。武功伯徐公有貞。天才絕世。其學自天文地理。釋

老方技，無所不通。甲申春，茂陵嗣統，公推選造，當得二十四年，以成化改元，併嗣統之歲數之，正得二紀。辛卯歲，借太守林公入郡學，指大成殿鵝吻曰：此有青氣，上徹重霄，乃文明之祥也。來年吳士，其有魁天下者乎？明年吳文定公及第，長洲薛副使英，祖墓在夷亭，公舟過之，指爲人曰：此地當出一繫金帶人，時薛猶未達，後竟舉進士第。至今官金齒，衡學舊鮮成名者，公論居，相其地，謂植樹木其西以爲障，當有益，有司從之。科第由是盛，其他巧發奇中者，尙多，不能悉記。

明

金鬼谷家於郡城中醋庫巷，嘗有富商談命肆中，適一貧者負薪而來，告曰：我

四柱適與同，何彼富而我貧也。鬼谷曰：汝雖生於此，當於南方千里之外，亦與富

者相埒。

埒，音力，埒，謂等也。

貧者告其母，母曰：汝有姊在閩中，當往求之。他日詣姊家，姊亦

甚貧，不能容，姊知鄰舍有隙，所但一宿，必見鬼物，乃使暫宿之。貧者入夜，寢果見

鬼物入穴中，遂得黃金百鎰，上有金鼓，覆其上。貧者得金致富而歸，以金鼓報之。

鬼谷因署其門曰：吳中名術金鼓傳家。

圖書集成星命部名流列傳

明

唐寅，字子畏，吳縣人。中弘治戊午鄉試，第一，坐同舍舉子事，發爲吏，不就。築圃

桃花塢，游息其中。其學務研窮造化，尋究律歷，旁及風鳥壬遁，太乙出入，天人之

間。其於應世詩文，不甚措意。曰：後世知我不在此，奇趣時發，或寄於畫，下筆直追

唐宋名匠。雖遭放廢。坐客常滿。文章風采。照耀江表。寧藩以厚幣聘。甫至。卽佯狂以歸。乾隆江南通志文苑

清 劉龍光。字夢蕭。吳縣人。萬里尋親。人稱孝子。龍先好古學。精爾雅蟲魚之義。旁及方書卜筮風角地辰。截壬遁甲之說。皆能通之。康熙壬子正月朔日。筮得大過之蹇。歎曰。過涉滅頂。吾其不免乎。其年十一日果卒。清宜興吳德旋初月樓聞見錄

清 顧禮琥。出身進士。乾隆間。以舉業雄於吳中。從遊者常百人。善相士。嘗貽書京師故人。謂其所授業。二生爲吳門雙璧。後起之雋。後兩人先後通籍。均以第一人及第。蓋卽潘文恭公世恩及吳廷琛也。清傳類鈔方技郎潛紀聞

清 陸鈞。字文曾。幼失恃。依於舅氏徐玉昭。學卜筮。悟其精微。兼通子平斗首五星律數。玉昭明觀察徐道登之孫。邃於數學。後以星卜擅名吳中。非其志也。鈞盡得其祕。有產子者。就鈞卜男女。鈞曰。男也。且孿生。生今日晡時。己而果然。一婦以夫久出不歸。將祝髮爲尼。叩鈞決去就。鈞曰。而夫歸矣。若安得爲尼乎。忽見門外火。

光熒熒。有數人排闥而入。奔告其婦。曰：夫頃抵家矣。婦驚異而去。又趙某者。緣家累被誣。數千金方就。鈞占曰：朝廷宥汝。未幾恩詔至。竟免。鈞之卜多類此。郡守盧騰龍。顏其室曰：通儒卜隱。然未嘗矜其能。性謹厚。事親以孝。聞卒年七十。民國吳縣志藝術

清

俞歸璞。姑蘇人。嗜青囊學。與山陰吳子卿共事甬城。道同志合。遂將舊藏明鈔本。周景一所著山洋指迷。反覆參詳。逐篇增註。乾隆丁未刊行。姚雨方序其爲簡

明扼要。與他本不同。究心地。理者莫不家奉。南車。山洋指迷姚序

清

王維德。字洪緒。自號林屋山人。吳縣洞庭山人。從新安楊廣含游。通陰陽家言。遂於金闕衛前賣卜。據理直陳。門庭若市。決人休咎。應驗爲神。著有卜筮正宗。永寧通書行世。又傳其曾祖若谷醫學。著外科全生集。謂癰疽無死症。癰乃陽實。氣血熱而毒滯。疽乃陰虛。氣血寒而毒凝。皆以開湊理爲要。治者但當論陰陽虛實。初起色紅爲癰。色白爲疽。截然兩途。世人以癰疽連呼並治。誤矣。其論爲前人所未發。凡治新起。以消爲貴。以託爲畏。尤戒刀鍼毒藥。醫者宗之。清史稿藝術同治蘇州府志藝術

清 張春山、逸其名。洞庭西山人。通星命之術。兼讀相人書。決人生死無或爽。有某

素短視。知張能相人。就問之。張言其月內必盲一目。後果然。同治蘇州府志藝術

清 徐懋榮、字野雲。武功伯有貞四世孫。性聰穎。總角即能文。因相具五偏。人鄙其

貌。遂棄舉子業。發先世所遺青烏家書讀之。未甚省。有道士桑旣白。自江西至。一見如舊識。因出所讀書相與剖析疑義。遂精堪輿。年七十一卒。子大衍傳其術。更習天官星緯之學。崇禎時夜觀天象。謂北斗中權星暗小。知吳中必多故。命仲子永銘預入浙東括蒼山爲避世計。先是大衍嘗偕友楊某往江北訪一道人。至山峻處仰望柴扉已預。書今日有徐某楊某到此。因師事之。從受六壬祕要。年七十一。偶感微疾。語家人曰。頃占六壬課得從革。用神入墓。吾將逝矣。果卒。季子永鎮傳其業。著堪輿彙纂八卷。卒年亦七十一。同治蘇州府志藝術

清 邱振聲、洞庭東山人。神於卜筮。隣有失盜者。詢其賊可獲否。振聲曰。於三里外

大樹上。鵲巢中求之。如言往。原賊具在。後爲建陽巡檢。臺灣林爽文反。福康安督

兵征剽。聞振聲名。檄之隨軍。問以亂首何日就擒。斷以時日不爽。福大奇之。呼以邱神仙。欲薦之。固辭。厚贈遣歸。以巡檢終。寄編殘贊

清

盛凝之。蘇州人。少孤貧。而性甚慧。十四歲時。十三經已卒業。其季父命之學買於錢店中。一日其主使持金赴某所。道出隘巷。見一小家。數人聚哭甚哀。問其故。鄰人曰。是家某人死三日矣。遺兒女三四。貧不能斂。盛所持適有此數。悉以與之。遂不敢歸店。至素所熟識之僧寺宿焉。店主待久不至。乃與季父偵探三日。始遇之。僧詰之以告。徵之死者之家而信。季父痛毆之。盛既失業。遂留居寺中。仍讀書。越三年。補博士弟子員。始歸其家。至咸豐庚申歲。爲賊劫。至揚州。流寓儀徵。一破廟。賣卜自活。旋病死。廟僧謀藁葬之。野忽有洪君至廟。問知其姓氏。里居曰。此吾同鄉也。少頃。請其母偕來。母曰。昔年爲汝父營葬者。與此人姓名正同。未知果是否。乃以銀三十兩治其喪。屬僧善視之。及亂平。洪已官參將。親至蘇州訪盛氏。乃知恩人盛凝之。亂時爲賊劫去。今不知存亡。遂挈盛妻子至儀徵。以其柩歸葬。

且厚卹其家。

清俞樹右台
仙館筆記

清 施源、吳中孝廉也。文名籍甚。從游者甚衆。素善六壬。時有奇驗。自占命中無進

士。不赴禮闈。課徒以終。

寄編
殘發

國民

馮士澂，字含青，吳縣人。好讀書，能安貧。宦游歸來，遂賣卜於玄妙觀。凡有就教者，莫不據理直陳，引人入勝。晚年猶手不釋卷，索隱探微，張紳敬敷，嘗贊美之。卒

年六十餘。

吳門
瑣語

國民

戴姜福，字綏之，吳縣人。歷官州縣，而占課頗有奇驗。丁卯端午節前，常熟孫師鄭太史雄因事多拂逆，乞其占流年吉凶。綏之謂孟秋之月，白虎星動，恐有危險之事。宜先期戒慎。果於孟秋十日而元配楊恭人病逝。師鄭悼亡有句云：虎尾涉冰機，早肇鴛針穿葉老，猶工蓋紀實也。

鄭維
舊京
詩存

23

長洲縣 漢爲吳縣地，唐析吳縣爲長洲，明清皆爲江蘇蘇州府治，民國廢入吳縣。

明 葛乾孫，字可久，長洲人。父應雷，以醫名。時北方劉守真、張潔古之學未行於南。

有李姓者中州名醫官吳下與應雷談論大駭嘆因授以劉張書自是江南有二家學乾孫體貌魁碩好擊刺戰陣法後折節讀書折節言頓改其舊所爲屈已下人也兼通陰陽律歷星命之術屢試不偶乃傳父業然不肯爲人治疾或施之輒著奇效名與金華朱

丹溪埒

明史方技

明

沈晟

晟音成日光充足也

字景暘吳中卜者永樂末驛取至京命午門上布卦問英國公

征交南事占曰明日正午當得捷音至期果飛騎報捷生擒黎賊上大悅賜鈔幣

遺旋

圖書集成卜筮部名流列傳

明

邢量字用理長洲人隱居葑門以卜自給陋室三間讀書不輟尤工詩吳少宰

寬極重之郡守或請其詩量曰古有采詩無獻詩吾豈以爲羔鴈哉因削其稿

明

袁景休字孟逸吳人善爲歌詩芒屨竹笠徧游吳越山水歸而受一廬於吳市

以賣卜終老詩多不屬草林若撫口授其遺詩存二百餘首

以上乾隆江南通志隱逸

明 文林字宗儒徵明父長洲人成化進士歷太僕寺丞建言時政十四事告病歸

後復守溫州。卒於官。林文學該博。雖堪與卜筮。皆能通其說。尤精於易數。著有瑯

琊漫鈔、文溫州集。明史文苑文徵明傳

明 張鳳翼字伯起。長洲人。嘉靖甲子舉人。明史文苑傳。附見皇甫淳傳末。撰有夢

占類考十二卷。是編取六經子史及稗官野乘所言夢兆之事。排比成書。分爲三

十四類。大抵摭集原文。略採後人之論。及以己見附之。四庫提要子部術數類存目二

明 李魁春字元英。晚號筠叟。長洲人。明末諸生。國變後。高隱不仕。逍遙林壑間。喜

種竹。方曲屏障。悉畫竹。名其齋曰竹隱。生平纂述甚富。經史子集及陰陽卜筮之

書多鈎纂。註釋鼎革後。委諸燼。今存春秋三傳訂疑、痘科合璧。皆屬晚年刪定者。

錢儀吉碑傳集逸民上之下

明 戴冠字章甫。長洲人。生而穎異。篤學過人。其學自經史外。若諸子百家。山經地

志。陰陽歷律。與夫稗官小說。莫不貫總而搜。彌劄別。必求緣起而會之。以理爲文。

必以古人爲師。汪洋澄澹。奪迅麟轢。而議論高遠。務出人意。詩尤清麗。多寓諷刺。

尚書王恕雅重之。嘗訪以時務。大學士李東陽亦深愛其文。弘治初以選貢授紹興府訓導。罷歸。著禮記辨疑。氣候集解。濯纓亭筆記等書。卒年七十有一。

文徵明甫田集藏先

傳生

清

戴山人易字南枝。不詳其世系出處。語操越音。數稱述劉念臺先生。及酉戌間

事。蓋越之遺民云。來游吳門。年七十餘矣。蒼顏古貌。幅巾方袍。談論娓娓。喜吟咏

能作徑寸八分書。吳人傳客之。先師徐俟齋。徐枋字昭發號俟齋明崇禎舉人以父殉難隱居不出守約固窮有居易堂集俟齋集乃潘耒之

也師性行高峻。平居闔戶。不見一人。特與山人相得。稱老友。先師暮年喪子。欲自營

葬地。以告山人。山人曰。堪輿家言。人人殊。且君無力延致。吾粗明此術。當爲君求

之。先師言先文靖公葬陽山。吾不欲離其側。子勿求諸他所。山人乃芒鞋蓑笠。循

陽山左右求之。久乃得一地。屬諸大姓。購之不得。而先師沒。僅一嫠婦。一孤孫。饘

粥不繼。謀葬先師於祖塋。而族人不可。山人曰。吾已爲俟齋任此事。不得地。一日

不了。於是棄絕百事。買小舟。遍歷諸山村。舟所不至。徒步跋涉。高山荒谷。無不窮

探風餐水宿無間寒暑山人素不爲人相地人亦無以是煩山人者獨爲先師營度費皆自辦之經年乃得地於鄧尉之西真如塢以告耒曰地甚佳又在梅花深處與高士相宜地價須三十餘金無所出耒先以十金成券餘將徐圖之會未有黃廬之游山人募於人無應者乃矢願賣字以買地初求山人八分書者非其人多不應得者必厚酬至是榜於門書一幅止受銀一錢人樂購之贊稍稍集又相旁地當買者並買之凡四十餘金而地畢入耒遠游歸驚喜過望蓋吳下營葬惟卜地最難地師既鮮良者薄有名卽高自標置喪家具舟輿備飲饌同相視三四年或不能得一善地先師既慙遺孤孫慈魚張切。漢去聲。喪問。且也。發語詞。族黨無相關者耒又遠隔百餘里於何求之則葬費雖重猶易舉耒於是力任之義故間有助者又費七十餘金而先師竟葬矣既葬山人復爲之培土栽樹伐石立表又費三十餘金意猶未已山人酷貧寓無隔宿炊冬月常衣綌綌音襪。粗葛也。其求地也目之所營神之所馳無往不在是熬面繭足徬徨山谷中不知疲倦其賣字也銖積寸累悉歸之地不

妄費一錢。一蒼頭不能忍饑，輒辭去。寄食僧舍中。語及徐先生，必流涕。人多笑其迂。譏其愚，終不爲悔。至誠感人，事竟以集。嗚呼！先師簪纓世家，親族故舊甚衆。身後鮮過而問焉者。山人非有葭李之親，簞笠之雅。簞，音登，笠之有柄，可手執以行者，爲今之傘。徒以片言心許，不惜傾身命以踐之。無所爲而爲，豈非天下之高義哉！充是類也，豫讓之吞炭，嬰杵之藪孤，桃哀之併衣，保安之積絹，何所不可爲。山人不言其生平，然大略可知矣。山人作釣臺詩，至數百首。有家不歸，年八十，避賀壽者之釣臺，旬月乃返焉。

清吳江潘耒
遂初堂稿

清

屠西爽，以下箴名。吳中韓菼以內閣學士，予假歸。康熙乙亥，奉召入京，韓問之。

曰：公此行，官至尙書。然癸未卽當南歸，過此不能歸矣。韓入都，累遷禮部尙書。超拜大宗伯。至癸未，始嬰疾，乞假未允。甲申病增劇，卒於位。王大司空鴻緒時同被

召命。聞屠語，人曰：韓公此行不歸矣。果驗。屠亦以癸未年卒。

王士禛香
祖筆記

清

稽璜，字尙佐，長洲人。雍正己酉賜舉人。庚戌成進士，選庶吉士。乾隆間，歷南河

東河河道總督、擢兵部尙書。卒年八十四。謚文恭。璜善風鑑。百不失一。嘗主乾隆乙未會試。揭曉中式者。初見卽鑒別無爽。分兩日讌之。前一日皆丹毫簡用者。內有二人不符。由途卽選。次日所延。則盡歸班矣。嘗言乙未一榜無宰輔。惟許紫垣、孫寄圃、一內一外。祿位崇厚。後果然。又嘗言金蘭溪必爲臬司。後果由臬司。官大司寇。曹顧崖城病右手。屢大考不能作字。欲乞假。文恭曰。不出三年。當至二品。豈可去耶。曹後以學士督學山左。洊擢少宰。

治晉麗再也清史稿
曾筠傳清稗類鈔方按

清

張錫祚字永夫。長洲人。性好詩。無他嗜。始居橫山。從葉燮遊。移住葑門南園。再

徙木瀆下沙塘。顏其居曰啖蔗軒。課徒賣卜。食貧厲節。數日不舉火。或采杞菊以食。而吟聲出老屋。晏如也。性耿介。不事交遊。與沈歸愚同爲葉橫山高弟。何義門太史聞其名。同陸元公積亟訪之。有閔其困者。欲稍潤澤之。先在夷然不屑。形似野鶴。又如瞿曇。聲晉置雲布也不戴帽。好着屐。雖婦人女子見之。莫不知張先生而起敬焉。著有鉏茅集。高淡淳古。不減陶韋。其後益無聊賴。卒窮餓以死。年五十二。無子。

女。友人謀葬於靈巖山麓。陸稹舊作陳炳題其碣曰：詩人張永夫之墓。好事者每攜酒

酌之。酌，音類，以酒祭地也。○長洲縣志逸民

清 李自明，著有太乙統宗神數四十卷。乾隆乙卯刊。統宗序

清 何萬年，字永錫，長洲人。善推星命。決人休咎得失多奇中。韓莢爲作傳。乾隆江南通志藝術

清 蔣元益，字希元，一字漢卿，號時庵，長洲人。少有夙慧，於書無所不窺。自推祿命。

利東南木火之鄉。果於丙運乙年。乾隆中進士第一。官至兵部右侍郎。年八十一

卒。著有周易精義。志雅齋詩鈔。淡平錄

清 蔣中孚，長洲人。以拆字著名。一人問生理。拈字字。中孚曰：大佳。一人繼至，問詞

訟。亦拈字字。中孚曰：受尅太甚，不速避，將有性命之虞。人問其故。曰：前拈字字，適

一女子走過。子旁着女，乃好字也。後拈字字，一貓在屋上躍去。子屬鼠，遇貓必傷。

當卽逃避耳。後中孚於中夜，聞砉然一聲。砉，音類，陷韻，砉然，皮骨相離聲也。如重物墮庭中。起視一

五十兩元寶也。取以易錢。被捕快擒獲到案。乃富室被盜原贓。官詢得其故。自書

一字令拆之。盜果如言而得。卽以元寶賞之。中孚。自後不復設肆矣。寄嶺錄

清 宋思仁字藹若。號汝和。長洲人。爲山東糧道。居官廉惠。勇於興革。聽訟如家人。

反覆推求。必得其境。有古蹟。必訪求而表彰之。在粵西撰太平便覽。在山東撰泰山記。皆誌古今文獻。兼通星卜。堪輿。能決人窮。通休咎。有驗。引疾歸。十餘年。其疾也。做謝石測字之術。以自卜。座客或舉蘭字。曰。吾病殆不起。蘭字有十二月之象。中從東。十八日也。己而果然。卒年七十八。口口蘇州府志口口

清 彭遇時。蘇州人。垂簾賣卜。尤精於推命。自將命造細算。晚歲應享富厚之樂。而

生平止有一運最佳。逐年逐月細校。止有一時爲極佳。但在冬夜子時。自念莫非應得藏鏹乎。屆期明燭俟之。屋瓦砉然。一罪犯赭衣鐵鏈。髮長尺許。叩頭求救。遇時自思正在佳運。救之當亦無礙。代去其髮。取敝衣易之。復將銀數兩助其行。其人詳問姓名。叩謝而去。十餘年後。忽有人邀往官舫。遇時疑欲算命。隨之往。一貴官迎待甚恭。叩謝恩人不絕。彭茫然。乃自述當年相救事。脫逃後。更易姓名。投効

軍營。累積戰功。現授浙省總兵。贈銀萬兩而別。遇時由是安樂餘年。不復設肆矣。

寄錫
殘費

24 元和縣清雍正二年。析長洲置元和。吳興縣長洲。並爲江蘇蘇州府治。民國廢入吳縣。

清

惠棟。字定宇。號松崖。元和學生員。自幼篤志向學。於經史諸子。稗官野乘。及七

經。悉緯之學。無所不通。家貧。課徒自給。行義至高。乾隆庚午。召舉經明行修之士。所著書未及呈進。罷歸。戊寅五月卒。年六十二。棟四世傳經。恐日久失句讀。成九經古義二十二卷。於易尤精。著易漢學八卷。周易述二十三卷。凡康成之爻辰。虞翻之納甲。荀謂之升降。京房之世應。飛伏。暨六日七分。世軌之說。悉爲疏通證明。由李氏之集解。以及其餘。而漢代易學燦然。又撰易微言二卷。易例二卷。以闡明之。別有九曜齋筆記。松崖文鈔。竹南漫錄諸書。清史稿儒林附惠周揚傳碑傳業經學下之上。

清

袁鉞。字震業。號清谿。又號匏隱。元和人。諸生。性拗僻。不諧於俗。工書畫。通歧黃。

精命理。杜門教授。生徒甚衆。卒年八十有三。彭文燦畫史遺傳

歷代卜人傳卷三終

中國歷代卜人傳卷四

潤德堂叢書之八

鎮江袁阜樹珊編次

江蘇省四

25 常熟縣

晉海虞縣。南朝梁析置常熟縣。治南沙。城在今江蘇常熟縣西北。唐徙海虞城。在今縣東。宋徙今治。元升爲州。明仍降爲縣。清屬江蘇蘇州府。

元 趙元行精於星命取人之生年月日轉數至時得五行之數併以安命所屬水

一火二木三金四土五、日六、月七、總之。過七五除。過九七除。用零數所配一星爲

用。斷人壽夭休咎多奇驗。

光緒常昭合志術數

明 徐忠字銘理精於推測占候之法。官欽天監中官正。子景容字景福。孫胸胸音幼也

字存一。堅字伯溫。習天文兼通陰陽地理之學。洪武初徵入欽天監。曾孫佐字朝

卿。弟儀字朝端。並承家學。佐有士行。慎取舍。嘗浚井得錢盈萬。以爲妻家所藏也。

召妻弟至。盡以歸之。儀善詞章。教授里中。禮於有司。

光緒光昭合志術數

明

汪宏道字閔賓遊金華以陰陽五行推人性情氣質知其太過不及者而諄諄導之於正不專言前定之吉凶壽夭使人廢人事不修年九十八卒

常熟縣志隱逸

明

繆希雍字仲醇常熟人故宦家子孤貧刻勵初教授里中裹足讀書里中人莫

之識也久之揣摩成出游賢豪間規畫世務所至傾動與東林諸人尤爲友善兼

通青烏肘後諸書卽專門皆遜讓之而公所重在氣節曰此吾之餘緒耳初移家

陽羨又徙長興又徙金壇歲必兩度還里祭掃先墓著有先醒齋廣筆記本草經

明

周永年字修齋善天文陰陽歷算王時敏贈以詩云已超象數盈虛外小試經

綸變理中

康熙常熟縣志隱逸
光緒常昭合志術數

明

金嘉元字維岳諸生幼喜讀易好五行卜筮之學多奇驗著占說二篇

光緒常昭合志術數

清 錢陸燦字湘靈號圓沙常熟舉人生明季爲諸生已有名於時陸燦治經長於言易每月筮一卦以六日主一爻占動靜休咎微輒有驗爲詩古文皆工以其學

教授。出游揚州、金陵、常州。晚而歸里。弟子著錄者數百人。所著有調運齋集。

清

單德棻，字孔昭，常熟人。資器英異。家貧，好讀書。狂簡不偶於俗。年十三，應縣試。

見儕輩雜處堂下。縣吏抱牘呼名序進，便却走疾出。自此不復爲舉子業。至如經傳子史之文，鐘律星朔之旨，不由師授而能強記。乾隆丙子年卒。年三十有四。著有天文占驗易圖說等書。以上宜興吳德旋初月樓開見錄

清

陳三恪，字象賢，常熟人。年十八代其父士介教授。早夜力學，旁通堪輿卜筮壬

遁風角家言，摺摭成書。

摺，君去聲，撫，音摩，陌韻，摺摭，拾取也。

名曰海虞別乘。

同治蘇州府志藝術

清

袁永信，字季達，居壩門涇，善青烏術，爲人質直。年九十六卒。

光緒常昭合志藝術

清

王有德，常熟人，善卜，決人禍福不爽。古之蜀莊也。少時貧甚，除夕幾不能舉火。

謂其婦曰：吾聞城隍神甚靈。元旦第一人入廟焚香者，必獲福。我明日有此意，而無香與燭，奈何？婦曰：君無憂，我囊中尚有五文在，可以辦此。既寢，夢神謂曰：爾勿患貧，廟中香爐下有錢三文，爾其往取之。衣食在是矣。有德覺而異之。天未明，卽

起盥漱。急趨至城隍廟。人猶寂然也。適有賣香燭者至。卽以五文買之。未幾而廟門啓。乃燃香燭入拜。拜既畢。因夢中神語。試從爐足覓之。果得光背錢三文。後世占者以錢代著。必用光背。蓋命之以下也。有德歸而習之。垂簾市門。日獲錢數百。遂植其產。後其孫曰俞中崇禎癸未科進士。而曾孫澧與之同榜。父子連鑣。邑人稱爲雙王云。清當熟王應奎柳南隨筆

26 昭文縣

本常熟縣地。清雍正二年。析置昭文縣。屬江蘇蘇州府。民國廢入常熟縣。

明 馬天用。字遂良。精青鳥術。洪武初薦入京。試藝居天下第一。成祖在藩邸。天用

進見。應對稱旨。賜以容翰。

光緒常昭合志藝術

明 鄭秋澤。以星命行長洲。有二吏欲謁選。就鄭卜。鄭曰。勿問功名。一月之內。能全首領。幸矣。二吏愕駭。鄭又曰。數也。二吏慊慊不樂。謀往茅山避之。舟至無錫。邂逅一人。拉往杭州。留連半月。跡其人乃宿盜也。忽被邏卒掩捕。二吏亦混執論死。久之。訴冤上官。方得減戍。光緒常昭縣志藝術數

丁鷺字鷺洲順治間諸生精堪輿之學注陽宅斗首書雍正昭文縣志術數

37 吳江縣漢吳縣地唐松陵鎮五代吳越置吳江縣元升爲州明仍降爲縣清屬江蘇蘇州府

元盛輿字敬之吳江人初爲震澤教諭陞錦州學正兵興參謀浙省軍政擢崇德

州判官好古博識醫卜地理之書靡不通究著滴露齋稿吳江縣志藝術

明袁黃字坤儀一字了凡吳江人萬歷丙戌進士授寶坻知縣今屬河南省省重役

裁苛派築堤扞海水闢曠土擢兵部職方主事時有援鮮之師黃疏請赴軍前贊

畫遣奇士馮仲纓金相往說倭將約盟解甲事垂成爲闖帥所忌遂落職天啓改

元追敘東征功贈尙寶司少卿黃博學尙奇凡河洛象緯律呂水利農政旁及句

股堪輿星命之學莫不究涉著有皇都水利祈嗣真詮評註八代文宗兩行齋集

歷法新書羣書備考嘗導人持功過格鄉里稱爲愿人乾隆江南通志官續康熙吳江縣志宜續○刪按彭紹升撰了凡先生傳謂

爲江南吳江人了凡之先登嘉善身氏遂補嘉善縣學生隆慶四年庚午舉於鄉萬歷十四年丙戌成進士授寶坻知縣是以光緒浙江通志循吏亦載黃爲嘉善人也

明楊蓺字碩甫吳江人其師松仙鬼谷子之流蓺以數行常熟人有問焉輒書隱

語以答。後必奇中。或匿其所問事。不使知。對亦如響。從瞿式耜於廣西。式耜殉國。

蓺收屍付其孫歸葬。人謂蓺非術士。蓋義士也。

同治蘇州府志終術

明

皇甫焯。字文含。少聰敏。博學能文。旁究六壬遁甲之術。崇禎十年丁丑。以明經

對策京師。有試其術者。叩以本日休咎。焯占之曰。今日主馬驚。其人哂曰。吾此馬服之二十年。騁高凌阻。如履康莊。何致泛駕爲哉。將歸。謂御者曰。善控之。毋令皇甫先生笑也。行未二里。馬遇駝。駭而奔。其人僅免。心服焯之奇中。自此名震京師。

康熙吳江縣志藝術○瑞按同治蘇州府志載皇甫焯爲清人。非是。

明

徐師曾。字伯曾。吳江人。年十二。能爲詩古文。長博學。兼通陰陽律曆。醫卜。篆籀

之說。嘉靖間。舉進士。選庶吉士。歷吏科給事中。頗有建白。世宗方殺僂諫臣。言官

緘口。師曾遂乞休。著周易演義。大明文鈔等書。

康熙吳江縣志儒林

明

盛倫。字文敍。寅姪。性明敏。少傳醫學。又遇異人。授堪輿家書。尤精其術。人以疾

求療。及相地者。門無虛日。

以上康熙吳江縣志藝術

28

崑山縣

漢婁縣。南朝梁分婁縣置信義。又置崑山。元升為州。明復為縣。清屬江蘇蘇州府。瀕寧徽路經之。蘇州府志云。舊治在崑山北。後遷馬鞍山下。故稱馬鞍為崑山。

明

周仲高。精天文地理之學。足跡半天下。善徵休咎。時方承平。自錢塘來崑山。曰。

天下兵且起。吾卜地莫如婁江。善遂居焉。已而錢塘燬於兵。崑果無恙。洪武初。郡

邑建署及神宅宇。相方定位。卜日選辰。皆出其手。縣令呼文瞻為畫像贊之。

圖書集成堪輿

部名流
列傳

明

鄭若曾。字伯魯。崑山人。幼有經世之志。凡天文地理。山經海籍。靡不周覽。嘉靖

中。島寇擾東南。總制胡宗憲大帥戚繼光皆重若曾才。事多諮決。後以倭平議功。

論授錦衣職。辭弗受。所著有籌海等書。

乾隆江南通志武功

國民

張芬。字敬敷。號仲芳。崑山人。廩貢生。歷任阜寧。江寧縣學訓導。研經鑄史之餘。

篤好卜醫。對於地理女科尤多卓識。辛亥後。僑寓蘇州。精神矍鑠。猶復以醫濟世。

己未重游泮宮。友人戲謂之曰。泮水重游。張敬敷。崑山不住住姑蘇。佳兒佳婦同

興學。獨自懸壺號大夫。其旨趣可見。甲子年卒。壽八十有四。所著詩文集等書藏

於家。蘇神重游
泮宮小志

29 新陽縣。本嶺山縣地。清雍正二年析置。
屬江蘇蘇州府。民國廢入崑山。

清 沈張坊字組佩。新陽人。庠生。善堪輿。居嘉定。一日謂錢竹汀之尊人曰：汝家房門不利。是以年逾三十尚未得子。當閉之而別啓戶焉。如其言。期年而竹汀居士

生。錢辛癸
年譜

30 武進縣。春秋吳延陵邑。漢直隸縣。晉分置武進縣。梁廢。故城在今江蘇武進縣西北七十里。唐復置。即今治。清與陽湖縣並爲江蘇常州府治。民國廢府。以陽湖并入武進。地當運河之濱。滬寧鐵路之

中心點。水陸四通之地也。土沃宜農。蠶絲亦盛。豆米爲出產大宗。

漢 陸瑜字仲芳。昆陵人。昆陵。即今武進縣治。操履清正。明京氏易。尚書。尤精風角星算。辟主簿。

謝病去。隱會稽山。以典籍自娛。公車再徵。皆以病辭。乾隆江南通志。陸遜光續武進陽湖縣志。陸遜

蕭惠開。南蘭陵人。蘭陵。晉置。故城在今江蘇武進縣西北九十里。南齊末廢。少有風氣。涉獵文史。初爲祕書郎。累官

都督益寧二州刺史。卒年四十九。惠開雅有知人鑑。謂人曰：昔魏武爲洛陽北部

時人服其英。今看蕭建康。時齊太祖蕭道成。爲建康令。有能名。太平御覽方術部相中。但當過之耳。

宋南

章叟，晉陵人。善相術。宋武帝始爲鎮軍將軍桓修令。相帝當得州否。叟曰：當得邊州。刺史退而私於帝曰：君相貴不可言。帝笑曰：若相中當用爲司馬。其後受晉禪。叟詣之曰：成王不負桐葉之信，公亦應不忘司馬之言。今不敢希鎮軍司馬。願得領軍佐足矣。卒與之。

南史宋武帝紀光緒武陽合志藝術

明

唐順之，字應德，武進人。嘉靖己丑會試第一。官至右都御史。庚申年卒。年五十四。崇禎中，追諡襄文。順之於學無所不窺。自天文、樂律、地理、兵法、弧矢、勾股、壬奇、禽乙，莫不究極原委，盡取古今載籍，剖裂補綴，區分部居，爲左右文武儒稗六編，傳於世。學者不能測其奧也。

明史本傳

明

吳傑，字士奇，自號暘谷，武進人。其爲醫始傑之高祖肇。父寧，贈太醫院判。傑之學自青島氏書、風角、雲氣、占經等。李虛中子平之術、金丹內外祕訣，無所不通。醫特其一技耳。然竟以醫致大官。年七十八卒。

唐荆川文集暘谷吳公傳

明

曹一江，武進人。善星命，負盛名。唐翰林荆川贈詩有云：春雨蘭陵江草生，江流

怡與道心清。門前車馬日來往。閑坐江城說子平。少讀陰符恥未工。青山偃仰漸成翁。人間炎冷都忘盡。聽話流年一笑中。

荆川文集贈曹星士一江

清

呂宮字長音。一字蒼忱。號金門。武進人。明崇禎癸酉舉鄉宮。遂於易筮得否之泰。曉然於小往大來之運。遂不赴公車。獨深求體用經濟之學。游揚州。嘗晦跡謝交遊。獨居僧寺。迨國朝定鼎。宮復筮易遇乾九二。遂趨京師。順治丁亥。擢一甲一名。進士授祕書院修撰。累官弘文院大學士。太子太保。康熙甲辰卒。宮立朝矜尚氣節。雖持大體。不立異同。獨辨流品。於前明闈黨屏之尤嚴。著撰甚富。授門人吳侗校理。遂失之。

清史稿列傳卷四十一 碑傳集開國字輔

清

董達存字華星。或作化星。武進人。乾隆壬申進士。授國子監助教。告養歸里。家傳有青囊書。達存精其業。決休咎奇驗。人爭迎致之。遇所不可夷然不屑。所得餽贈。建宗祠。置祭產。餘以濟貧乏。時東郊建普濟堂。達存捐金倡焉。初壬申。將會試。須僦屋貢院前。趙甌北與約同寓。時趙客汪文端第。文端爲其賃一宅。趙不敢却。

乃囑妻弟劉敬輿與董偕。董所親擇者也。符天藻亦與焉。二場後。趙詣董。私詢以寓內當中幾人。答曰。三人俱雋。恐符或失之。蓋夜臥。須按本命定方位。而符懷疑不我從也。出榜。董劉果成進士。趙與符落第。江蘇巡撫莊有恭。嘗延董相衙署。董爲改葺數處。既落成。莊將出堂視事。董止之。爲擇一吉日時。而出。屆期坐甫定。轎門外忽傳鼓報喜。則加宮保之信適至。康文伯基田。令昭文時。以家有子弟應秋試。預叩董。董詢其先塋何向。教之某方立一燈竿。子弟之某年生者。當發解。已而果然。

武進縣志藝術清碑類鈔方披
錢塘諸可實聽人傳三編

清

莊述祖。字葆琛。武進人。乾隆庚子進士。官山東濰縣知縣。遂辭官養親。撰古人甲乙篇。謂許氏始作偏旁條例。以序文字。始於一。終於十。日十二辰。此六書之條例所從出。合於爾雅歲陽歲名。以明十二支藏遁之法。有歸藏之義焉。凡天地之數。日辰干支。在黃帝世。大撓作之。隸首紀之。沮誦倉頡名之。以書契易結繩。故伏羲畫八卦之後。以此三十二類爲正名百物之本。故歸藏黃帝易也。古籀條例。皆

由此出。又謂歸藏首坤。坤辟亥。亥、壬甲之所藏也。則六壬、六甲之占皆本於歸藏也。另著明堂陰陽。夏小正。經傳考。釋明堂陰陽記。長編校正白虎通別錄。天官書補考。詩文集等書。清史稿儒林錢儀吉碑傳集乾隆朝守令下之下

清 楊方達。字符蒼。一字扶蒼。武進人。撰易學圖說會通八卷。自序云。尋繹宋元經解及近代名家纂述。見其精研象數。或著爲圖。或著爲說。有裨易學者。類而錄之。左圖右說。集成八卷。一曰太極探原。二曰圖書測微。三曰卦畫明德。四曰變互廣演。五曰筮法考占。六曰律呂指要。七曰外傳附證。八曰雜識備參。大旨以朱子本義九圖爲主。而博采諸家。間附己見。蓋專講先天之學。故前列周子太極圖說。後論律呂八陣圖。而不及乎辭占云。四庫經部易類存目四

清 王光燮。號蓺山。武進人。乾隆丙辰。以五經舉順天試。明年丁巳科。成進士。歷任廣東博羅。定安。直隸雞澤。廣平。邯鄲。江西安遠。廣豐。宜黃。福建莆田。將樂等縣。頗著政聲。光燮素善子平術。常言吾行年六十九。恐不利。每嘆曰。仲翁知止。薛公縣。

車。吾雖百不及。二子又可默墨長。違首邱之義。及補連江。竟不就。循粵東歸。以乾隆庚子二月卒。年果六十有九。錢儀吉碑傳集乾
嘉朝守令中之下

清

張雲英。字楊烈。武進之滂溪人。乾隆戊申舉人。嘉慶戊寅。大挑二等。凡爲舉人

三十年。年六十有六矣。君少孤。酷貧。自爲諸生。始設家塾。招集鄰里子弟爲之師。所居既湫隘。童子數十人。聯袂接席。時時嬉笑詬誶。君呵叱聲。與童子誦讀聲相間。終日不得息。已而歲歉。收童子稍稍謝去。君益無以爲養。乃於宜興之利橋。假一椽爲卜肆。卜頗中。日或得數百錢。和橋距滂溪數十里。君晨往暮歸。爲太夫人言。是日所卜中否。因陳說古今星算之術。以爲笑樂。非甚風雨。太夫人必開門待君。母子相顧欣然。不自知其貧而將老也。阜按。雲英先生。固是孝子。其太夫人亦眞賢母也。佩甚。雲英四與大挑。始得列二等。二等都若干人。君次第五。四人者。同日選教諭去。而君以肺疾發。卒於寓舍。不及選期者二十日。嗚呼。可哀也已。君之將入都也。自卜之。語其家人曰。吾此行當得官。然不及選也。至是疾發。里人有述其言者。然亦不虞其果驗也。陽湖陸
繼格記

孫撰候選教
諭張君家傳

清

邵一庵，昆陵人。治形家言，不忍以地誑人。道吉凶，無譌。與蒼如上人善。遊孟河，必主之。有以百金延一庵卜穴者，主人曰吉。一庵曰不吉。或曰厚利也，姑順之。一庵戚然曰：奈何！重百金之利，而輕五世之澤乎？天下有三無恥：世每以神明事之，謀館如鼠，得館如虎，鄙主人而薄弟子者，塾師之無恥也；賣藥如仙，用藥如顯，賊人命而委天數者，醫師之無恥也；覓地如瞽，談地如舞，矜異傳而謗同道者，地師之無恥也。其誤人也易，而其自罰也速。天之所弗宥也，雖其誤無心，然逞無本之學，以恣無心之毒，有心則可以悔而不為，無心則終於為而不悔。自以為是而無所忌憚，乃小人之尤者耳。奈何！重百金之利，而輕五世之澤乎？一庵謂蒼如曰：祖塔有水，盍遷之。既遷，一庵推以遁甲。歲壬子，土木大舉。是年果建北樓。陳星野題曰：梧月明年復建祖堂，廢室皆整。寄獻類
徵初編

清

孔璞，字豈凡，游庠後，不與科歲試。通曉歷算，準步天歌，取經緯星度，依十二月

爲十二圖。又以五夜躔次，分爲五圖。中夜覘察，尤精奇。門遁甲之術，嘗途遇一人，謂曰：子有大禍，速歸，毋出戶。其人歸，憂懼，潛至璞所求救。璞見驚曰：子毋來，禍且立見。是日爲仇家殺於途。璞兼習孫吳書，酒酣放言，滿座傾動。光緒武陽合志藝術

清

張惠言，字臯聞，武進人。少受易經，卽通大義。年十四，爲童子師，修學力行，敦禮自守。人皆稱敬。嘉慶己未進士。時大學士朱珪爲吏部尙書，以惠言學行，特奏改庶吉士，充實錄館纂修官。辛酉散館，改部屬珪，復特奏授翰林院編修。壬戌卒。年四十二。惠言生平精思絕人，嘗從歙縣金榜問故，其學要歸六經，而尤深易禮。著周易虞氏義九卷，虞氏消息二卷，虞氏易禮二卷，虞氏易俟一卷，虞氏易言二卷，茗柯詩文五卷，詞一卷，又著青囊天玉通義五卷。清史稿載人術數類，相宅相墓之屬。清史稿 儒林

清

黃乙生，字小仲，景仁子。少孤，刻苦於學，幕游廣東，爲巡撫朱珪所重。道光辛巳，詔舉孝廉方止，未赴卒。乙生治鄭氏禮，貫穿諸經，如壑趨海。又好楊曾之書，凡廖

詞。隱。語。廖。叟。平聲。與。慶。通。匿。也。彼。術。中。所。謂。祕。而。不。洩。者。皆。發。其。蒙。嘗。以。語。世。之。號。爲。知。地。者。

知。地。者。不。能。解。也。唯。董。士。錫。晉。卿。善。之。續。碑。傳。集。文。學。

清

董。士。錫。字。晉。卿。一。字。損。甫。武。進。人。嘉。慶。副。榜。貢。生。候。選。直。隸。州。州。判。從。其。舅。張。

惠。言。學。工。古。文。詩。賦。河。督。黎。世。序。聘。修。續。行。水。金。鑑。士。錫。又。精。虞。氏。易。好。治。陰。陽。五。行。家。言。殫。心。者。數。十。載。嘗。曰。世。之。言。奇。門。六。壬。相。墓。者。皆。各。自。爲。學。吾。獨。求。其。原。於。易。一。以。貫。之。然。求。之。愈。深。聞。者。且。駭。恐。世。之。卒。莫。予。知。也。著。齊。物。論。齋。集。賦。二。卷。文。六。卷。家。譜。一。卷。詩。八。卷。詞。一。卷。遁。甲。因。是。錄。二。卷。未。成。者。遁。甲。通。變。錄。形。氣。正。宗。賦。家。譜。詞。已。刻。餘。未。刻。藏。於。家。續。碑。傳。集。文。學。

清

馬。文。植。字。培。之。武。進。人。世。業。醫。尤。精。外。科。同。光。間。負。盛。名。嘗。奉。詔。入。診。奄。人。索。

賄。急。遂。辭。歸。於。堪。輿。學。頗。有。研。究。嘗。謂。地。理。之。學。理。氣。巒。頭。二。者。不。可。闕。一。舍。巒。頭。專。言。理。氣。則。易。涉。渺。茫。舍。理。氣。第。講。巒。頭。則。難。窺。奧。交。理。氣。無。形。領。悟。已。深。必。驗。之。巒。頭。庶。所。學。有。據。巒。頭。有。形。游。歷。既。久。必。證。以。理。氣。庶。所。見。皆。真。蓋。理。氣。與。

鬚頭實相因而成。議論透闢。人每服其言。著有醫略存真。地理辨正續解序

清

大不同某拆字者之別號也。光宣間寓常州城隍廟。設攤營業。名噪一時。有某

店夥之紗帳被竊。薄暮始覺。往求拆時大不同。已收攤矣。因令隨舉一字以拆。店夥寫四字。大不同曰無妨。君所失爲紗帳。今已有人懸於他處。君觀四字之形。因懸掛之象也。速覓或可得。店夥曰否否。君所拆者爲真體四字。而余所舉者爲草體四字。無乃誤乎。大不同曰若然。則賊已難覓。僅可購備蚊煙一圈。以禦蚊矣。蚊煙一圈亦象草體四字之形也。又有一尼姑拈青字令拆之。問何事。曰終身大不同曰清不清。靜不靜。出家恐不利。若立定主意。擇人而事。則尙有生育之望。蓋青字之上截似生字。而下半截則育字之底也。尼忸怩而去。有知其事者。則謂尼固不守清規。久有還俗之意也。清稗類鈔方技

31

陽湖縣 本武進縣地。清雍正二年。析置陽湖縣。以縣有陽湖名。與武進並爲江蘇常州府治。民國廢入武進。縣人在清時。多諱古文名。世稱陽湖派。

清 葉楷字蔭初弱冠補弟子員。習堪輿家言。吉凶言人人殊。惟楷通究原委。當衆

家聚語從容答辨終莫能窮同時吳適大

通音律，猶也，述也。

字公求爲人孝友直諒亦精

堪輿之學言休咎輒驗著有地理心傳及出向分金法纂論

光緒武陽合志藝術

清

趙地山精青烏家言著有地學源流李申耆太史兆洛序其書曰天曰文地曰

理人曰事天不可以實求卽恆星七政之經緯錯綜者著之人不可以虛立卽視

聽言動之日用行習者範之地據質而儀天山川原隰曲直起伏有脈絡條縷以

縮貫於其中如人之四肢百骸渾然塊然而氣之流行分布自有徑臆卽所見以

求其理而陰陽向背開闢行止動靜盛衰生死之變效焉故又曰脈亦曰防

勸地

理也。段注考工記曰凡溝逆地防謂之不行注謂脈理凡有理之學皆從力防者地理也勸者木理也勸者水理也觀文以象治事以禮別理以形形者

所以形理也理不可見形而後實形而後定今之言地理者多雜五行家言五行

者言其行於天地人之間天地人之所共也天之五行在象人之五行在禮地之

五行在形舍形而空言干支方位之五行則無實無實則無定是雖本也地山趙

君專精青烏家言蒼萃昔人論說門分而類別之一以山川流峙聚散之實爲宗

諸家氣運輪轉控制之術亦博採焉說必賅備語必易曉成書二十一卷題曰地學源流蓋問途者之指南也夫藏伏之理見於有據之形形百變理亦百變或形變而理不變或形不變而理變依形以求理未必其悉中也而況以無形求無形乎地山又著宅經寶鑑太史序之曰墓不徙而宅可徙死幽而生明死靜而生動也明故知向動故乘時卽太乙之不常厥居也天子法之爲明堂百姓法之爲戶牖禽獸法之爲巢窟昆蟲法之爲蟄振九宮者五行之散布陰陽之錯綜聖人不出戶知天道用此也都邑之人達而瀆野鄙之人僿而愿山谷之人樸而悍江湖之人剽而肆地使然也入其家門院洞達者子弟多軒昂居處幽閒者子弟多秀美庭宇阨塞者子弟多闇陋房戶窅曲者音音音子弟多邪私廬舍破碎者子弟多乖分宅使然也或始盛而中衰或前沈而後揚或彼福而此禍或乍微而乍顯數使然也明乎往來伸縮之故則陰陽五行之用可窮本而知變矣故精義以致用利用以安身諺曰制宅命子足以觀士辨方正位者天子之事也辨物居方者

君子之事也。五行九宮所以辨物也。盈虛消息所以居方也。地山既成地學源流。又爲宅經寶鑑問序於余。余不能數白道黑而於天人之際竊嘗聞之矣。故舉其所知者以復焉。地山又著選擇寶鑑太史序之曰。古人諏日以卜而用剛用柔。惟戊惟午。厥有故常。褚先生補日者傳稱有五行家堪輿家建除家叢辰家歷家天人家太乙家。昔日者也。堪輿卽今之造宅造葬建除卽今通書叢辰卽今星煞禁忌。歷家天人家卽今推命五行太乙則其本法也。自唐以降其說日繁。局於術而不務大道。迷真背本。苟譁衆以取利。地山病其然。羅列衆家。旁及外國之說。闢其非。糾其舛。衷諸是。可謂勞心濟人者歟。養一齋文集地學源流宅經寶鑑選擇寶鑑序○早按。清史稿載李兆洛字中書嘉慶乙丑進士。選庶吉士。改令鳳臺。在縣七年。以父憂去。遂不出。主講江陰書院以實學課士。其治經學。音韻。訓詁。訂輿圖。攷。大官曆術。自著養一齋文集。吾觀其集。載有爲趙地山三書之序。本平原。不偏不倚。知先生於陰陽卜筮堪輿選擇之學。亦必具有深切之研究也。

32

無錫縣

漢置。封東越降將多車爲侯邑。三國吳省。晉復置。元升爲州。明復爲縣。清屬江蘇常州府。地當運河之濱。滬寧鐵路經之。商業甚盛。江南米市多粹於此。新工業亦頗發達。民國十一年。自闢爲商埠。

明

郭文顯賣卜錫山推人禍福神驗異常倪雲林先生贈詩有云昔者馬季主賣

卜如有神。郭君言禍福。奇中季之倫。願我年衰野而贛。尙復紛紛嬰世網。爲卜明年春水生。欲問桃源刺漁榜。

刺音辣。魚臨曰。刺亦曰澗刺。與刺字別。○倪雲林詩集卷二。

明

袁觀海。字天恩。嘉靖庚戌貢。入都。阻風濟上。縱步入村落。抵小山。衡門曲徑。煙霞蔚然。有老叟映竹觀書。謂觀海曰。君稟殊秀。其柳莊後乎。吾將授子天地之祕矣。乃以柳莊遺祕半卷授袁。因爲講解微奧。日昃出飲食共餐。又講至日沒而別。問其姓名不告。觀海入都。陰察諸貴人。形色無不驗者。任學博六年歸。家人謂曰。鄰人孫雪窗。庚戌八月生兒。光怪極多。月華滿巷。袁請見。時少宰七齡矣。一見加額曰。耳。眼。鼻。額。俱合。大臣貴局。特清甚。稍薄。無高貴耳。復觀其手。柔纖瑩白。掌文透甲。益大喜曰。相傳唐學士。臯之掌如是。後必有大名。時少宰本名承宗。因袁言。改名繼臯。唐臯正德甲戌狀元。少宰萬歷二年狀元亦甲戌。若前定者然。

錫金識小錄方技

明

顧節。字公理。無錫人。性伉質。好面折人過。常減息。緩急於人。然晚年所殖益厚。善許負術。自謂其女當大貴。時邵文莊寶三歲喪父。家甚貧。無肯以女妻者。節一

見之喜曰。吾女之貴。乃在此子也。卽許字焉。且撫視備至。後人以此服之。

圖書集成
相術部名

流列傳○卓按：邵實，字國賢，無錫人，成化進士，官禮部尚書，卒諡文莊，著容春集等書。

明 華善繼，字孟達，精星術。著有三命珠鈴、璿璣抉微、五星元珠等書。其學直抉躔

度歲差之祕。時爲天文學者不能及也。

嘉慶無錫金
匱縣志方技

明 馬治，字孝常，宜興人。後定居無錫。工詩文，善書畫，兼通風角地理醫術。以避張

士誠辟。遷於緇流。名元行。洪武中，搜訪士人避匿者，囚入都，詔願仕者釋之。治涕泣受命，除內江令。擢建昌路同知，攝守事。值寇亂，繕城池，厲兵堅守，身立埤堦間，不舍晝夜。寇解去，歲餘，以末疾免歸。淡泊寡營，獨好吟詠。有荆南集。其詩如意緣多病懶，詩是苦吟遲。孤柳風難定，叢篁雨不欵。漁人自泊門前柳，野老來尋沙際田。性懶邊韶惟有睡，憂深王粲自多才。題小像云：自嘆乘驢碧山裏，也勝立馬陣雲橫。虛名付與悠悠者，風雨荒岡獨自行。俱清雅可誦。

錫金錄小
錄方技

清 王選，字衆舉，晚號同樗。學士達善族孫也。通經，尤精周易，間爲人占，多奇驗。李

主君平不過也。有從弟名逸，得玉靈經而究之。龜卜最靈，逸之孫雪涯。成宏中有聲，傳其術。御史朱直齋未第時，於辛酉元旦請占，曰：不特君捷，必族有一人同捷。別去，行數武，龜復有聲，再問之，曰：聯捷兆也。援筆誌之。是年御史與從子成齋同舉，明年壬戌成進士。錫金識小錄方技

清

施仲達，通易理，善卜筮。乾隆時，河督高晉延諸幕中，使決休咎，皆奇驗。後游於都，益有名。子孫傳其學。光緒無錫金匱縣志藝術

清

汪傑，南昌人，善堪輿術。邑馮美涵者，家貧好客，傑嘗寓其家，指一地曰：葬此子孫發祥，以報十年厚意。美涵買其地，時有諸生鄒圖南者，亦稱此術。馮將治窆，定棺也。葬下鄒爲之審視，曰：特可發一代耳。然富貴壽三者俱全也。馮葬後，生子有年，

號補齋，權稅歸人，號十萬年七十卒。子孫不能守。錫金識小錄堪輿

清

蔡與偕，字維亨，稱秀才異等，家甚貧，習星命於施御風，盡得其祕。客或悼其鬱滯，笑曰：吾年近艾，乃獲奏捷。三年中當致萬金，客謂其迂。答曰：富貴逼人不可強。

也。至癸酉甲戌聯捷任支郎。權關九江。貲財逾萬。愉適十年而卒。錫金識小 錫星相

清 倪榮桂字月培。諸生。嗜學能文。究心天文象數。諸書及青鳥家言。著有中西星

要二卷。光緒無錫金 賈縣志藝術

清 秦士鑰字書隱。原名德涯。無錫人。占籍吳縣。爲諸生。馬君常先生弟子也。家貧。

垂簾賣卜。日得百錢。養繼母。人稱其孝。著書隱集。吳德旋初月 樓續聞見錄

清 章仲山自號無心道人。無錫人。於蔣大鴻地理辨正一書獨悟。眞詮熟推。生尅

制化之用。吉凶消長之理。神明其道。於大江南北已三十年。爰依辨正引伸其說。

成直解若干卷。殆深有得天地造化之。所以然而於元空之祕。則幾乎洩矣。辯正直 解李述

序來

清 丁學號玉泉。精星理。多奇中。方楊應文爲諸生時。困於訟。玉泉謂君當於乙酉

賓薦己丑成名。與侯少芝當同官。時侯已爲給諫。應文果於乙酉己丑捷兩闈。不

三年與少芝同列諫垣矣。唐麗環舉鄉科。決其不壽。三年唐果卒。清黃印錫金識 小錄邑志補遺

清

薛福成字叔耘號庸庵無錫人性孝友喜觀儒先性理書稍長縱覽經史好爲

經世之學中式同治丁卯副貢光緒間參曾文正李文忠幕府除湖南按察使內
擢卿寺出使英法義比諸國嘗爭於英廷創設南洋各島領事歸陞左副都御史
光緒丙申歿於上海行台年五十有七福成初私淑姚江王氏以收斂身心爲主
自師事曾文正學識日大凡歷史掌故山川險要以至兵機天文陰陽奇遁之書
靡不鉤稽講貫洞然於心故遇事立應略無窒礙近世士大夫謂本理學而談洋
務者先生一人而已著庸庵文編筆記海外文編出使英法義比日記浙東籌防
錄清史稿本傳碑傳集補使臣○庸齋筆記云占驗家謂五星同在一次曰合同在一宿曰彙咸豐十一年八月丁巳朔有日月合璧五星聯珠之瑞從填星也彗是日卯正日月同在張八度歲星熒惑在張五度太白在輪三度填星在張九度辰星在張七度蓋日月與木火土水四星同聚一宿惟太白在輪然與日月及水土二星相距不滿三十度則猶可謂之合也尤難遇者五星皆順行而無躔留退逆之愆且皆晨見而不伏匿斯所以爲盛瑞也是歲官軍即以八月朔日卯刻克復安慶由此各路大帥相繼奏捷雨逾一紀而粵捻苗匪巨寇以次蕩平中興之功何其偉也占驗家又謂自張至輪爲楚分野是時輔翼中興者如曾文正公胡文忠公江忠烈公羅忠節公李忠武公李勇毅公以及今相國恪靖侯左公巡撫威毅伯曾公陝甘總督楊公兵部侍郎彭公皆係楚材可云極盛惟今相國肅毅伯李公所屬淮部諸將皆係皖人然春秋時皖北安慮鳳嶺六郡本皆楚地則分野占地之說似不誣矣沈約宋志謂周將伐殷五星聚房齊桓將霸五星聚箕漢高入關五星聚東井大抵皆盛治平之象然則中興景運尙未艾也天文家又謂歲星所在之分野其國有福伐之者敗春秋時越得歲而

吳伐之。史以爲必受其殃。既而吳果爲越所滅。同治丁卯四五月間。珍隨任。賴汶光等。竄入山東登萊青一帶。官軍依膠萊河築牆而守。蓋欲拘之海隅。而以勁兵驅殄之也。余於五月杪。夜觀彗星在危宿。光甚明亮。夫虛危之分野。乃濟東登萊青諸郡也。登萊青得歲而賊擾之。理當敗滅。余謂論地勢。則如獸入阱中。論天時。則彼自犯歲星。不滅何待。俄而賊乘膠萊河尾海灘乾涸。尚有數十里營壘未築。潰防而出。余拊髀驚歎。以爲天時地利。竟難盡恃也。幸今伯相李公。早佐運河築牆。以防賊之竄逸。賊猛撲河橋。不能逞志。迨九月間。諸軍會合。諸軍擊之。安邱濰縣之間。槍斃任日。竟殲巨股。仍在虛危分野也。余乃信天時地利。實有可憑云。

清

溫榮鑣。字明遠。無錫人。著地理辨正續解四卷。無義不晰。無語不暢。凡八卦九宮。元空五行。流動變化。順逆錯綜。顛倒之法。一一推闡。盡致學者。得此開卷。了然。從天運無形之氣。求龍穴砂水之所在。後指龍穴砂水之處。悟天運無形之真機。消息自通。取用自合。不致有多歧之歎。非榮鑣討論之深領會之神親歷之遍訪道之殷。鮮克有此。至精且審之論。辨正續解
馬文植序

國民

吳豫昶。字日永。別號惠思道人。無錫人。天性純孝。馴謹好學。肄業上海約翰。精研格致。成績優越。爲校長。卜芳濟。博士所器重。畢業後。忽政忽商。克盡厥職。人皆稱之。先後居父母喪。哀毀盡禮。每歲元旦。必徒步省墓。以展孝思。齊慮之役。黃渡安亭。蹂躪最甚。豫昶與楊紳翰西撥款急賑。全活無算。又喜表彰文獻。迭刊其外。

王父侯子勤公遺著。古杼秋館詩鈔。禹貢古今通釋。圈點孝經集註。及弟子規。張端甫先生遺稿。以廣流傳。至興辦輔仁實業兩中學。亦慨捐巨資。豫昶固多材。多藝於星命堪輿之道。尤得神奧。公餘爲人談相批命卜地。莫不奇驗。故請求者戶限爲穿。著有星相地理叢書。卒年五十六。子九人。皆績學。敦品有負。笈中外者。

鉅撰
家傳

鍾揚

33

金匱縣

本無錫縣地。清雍正二年。析置金匱縣。屬江蘇常州府。民國并入無錫縣。金匱山在無錫縣城中。邑之鎮也。清置金匱縣以此名。

清 蔣地仙。燕人也。善觀玄象。嗅地氣。定他日之榮瘁。願誠軒厚。與結納。爲擇地。作廬。以授三子。三子各樹萬金產。各教一子。登第。嘗言錫邑山淺水薄。居墓發福。僅可百年。若泰山。東西已發。聖賢帝王其地。至今尙可蔭數百年也。

錄金識小
錄堪輿

清 華洪恩。金匱人。精堪輿。明理氣。道光乙未。著天心正運四卷。行世。

天心正
運序

歷代卜人傳卷四終

周易傍訓。卦本伏羲所畫。有交易變易之義。故謂之易。辭則文王周公所繫。故繫之周。至繫辭之傳。乃孔子所述。以其通論一經之大體。凡例也。易經圖說。繫辭傳曰。河出圖。洛出書。聖人則之。又曰。天一。地二。天三。地四。天五。地六。天七。地八。天九。地十。天數五。地數五。五位相得而各有合。天數二十有五。地數三十。凡天地之數五十有五。此所以成變化而行鬼神也。洛書蓋取龜象。故其數戴九履一。左三右七。二四爲肩。六八爲足。易經圖說。蔡元定曰。圖書之象。自漢孔安國。劉歆。魏闕朗子明。有宋康節先生。邵雍。堯夫。皆謂如此。至劉牧始兩易其名。而諸家因之。故今復之。悉從其舊。

易經圖說。說卦傳曰。天地定位。山澤通氣。雷風相薄。水火不相射。八卦相錯。數往者順。知來者逆。邵子曰。乾南。坤北。離東。坎西。震東北。兌東南。巽西南。艮西北。自震至乾爲順。自巽至坤爲逆。後六十四卦方位放此。

中國歷代卜人傳卷五

潤德堂叢書之八

鎮江袁阜樹珊編次

江蘇省五

34

宜興縣

吳荆溪地。漢陽羨縣。隋改曰義興。宋避諱改曰宜興。元升宜興府。兼置縣。又改爲宜興州。明復曰宜興縣。清屬江蘇常州府。縣境產紫泥器。甚有名。

清

楊洪露字燕侯。宜興人。學者稱西山先生。幼奇慧。兒時嬉戲。拾炭畫地。作張桓

侯像絕肖。及長。通五經。旁及子史。釋老星歷陰陽卜筮之書。靡所不究。弱冠餼於庠。年四十。以次當貢京師。會遭甲申之變。棄諸生。絕意進取。葛巾白袍。隱居教授。康熙間。中丞趙公檄郡縣講學。令欲得洪露主講席。博士徒步造請。至再。洪露仰天嘆曰。士故有志。何至相迫。南山之南。北山之北。豈遂無法高卿耶。言已。涕泗交頤。令知不可強。乃已。晚頗好導引。五禽之術。亦喜堪輿家言。然家益貧。或日晏未炊。子孫至。并日而食。處之怡然。後以壽終。年九十。

錢儀吉碑傳集
逸民下之下

清 毛紹武少讀書屢試不售專精卜筮人稱毛半仙

光緒宜興荆溪縣志藝術

清 傅清字曉湖精天文易數道光時嘗謂人曰吳楚當有兵災人嗤其妄歲壬寅

海疆不靖或問曰汝所云得毋是乎曰未也十數年後當知之及粵逆陷金陵言

始驗

光緒宜興荆溪縣志藝術

清 楊翼亮字堯門官莊里人少穎悟博學能文通曉易理於堪輿河洛之祕奇門

元運之法皆能探索奧旨發明義蘊著有譯古含奇六卷壽九十有一

民國宜興荆溪縣志藝術

清 謝鴻字願清周鐵鄉傍杏村人附貢生精於易理通天算壬遁諸術而於堪輿

之學尤長性高潔不屑爲人役同縣顯官某延葬其母不應創建竺西書院斥田

得百金爲倡歿後其子蒐輯遺文彙訂願清賸稿一卷

民國宜興荆溪縣志藝術

清 蕭引字楚良府學生事親盡孝守正安貧不隨流俗波靡願才高試輒不第同

學有襲其文登第者引知之嘆曰命也不與校嘗演奇門一千八百局思欲見用

於世卒偃蹇不遇死所著奇門書兩冊存於家

光緒宜興荆溪縣志藝術

清 周樸庵喜治形家言著堪輿約旨略謂氣之附土而行者有支隴可辨其伏行而仰出者則不可得而見也又曰地之理以形著而爲支干喜忌之說者此非地之所自有也

宜興吳德旋初月樓聞見錄

35

江陰縣

秦爲暨陽鄉漢毗陵縣地梁置江陰縣唐置暨州五代南唐置江陰軍元升江陰路後降爲州明初改曰連洋州尋復爲江陰州嗣又改州爲縣清屬江蘇常州府地濱長江爲江防要地今闢爲口岸

起卸貨物

元 陸文圭字子方江陰人幼而穎悟讀書過目成誦終身不忘博通經史百家及天文地理律歷醫藥算數之學宋咸淳初年十八中鄉選宋亡隱居城東學者稱之曰墻東先生延祐時朝廷數遣使馳幣聘之以老疾不果行卒年五十八先屬續一日語門人曰以數考之吾州二十年後必有兵變慘於五代建炎吾死當葬不食之地勿封勿樹使人不知吾墓庶無暴骨之患其後江陰之亂冢墓盡發人乃服其先知有墻東類藁二十卷

元史儒學

元 吳方字季仁江陰人少受經于鄉先生陸子方而於諸子百氏醫藥卜筮數術

之書無所不知。作詩尚理致。不事雕飾。然未始自以爲高。教其子。率能有所成立。能獎掖後進。雖小善弗遺。延祐中。故人有知君者。薦爲處州儒學錄。辭不就。自號
蘿菴居士。同以示絕意仕進。至元戊辰卒。享年五十有二。元黃學士文集 吳君墓誌銘

明 袁舜臣。字承華。江陰人。嘉靖甲子舉人。學問該洽。自天文地理。歷律兵刑。無不

精究。疾革。握其兄手。以古樂不復作爲嘆。著有天文四季圖。乾隆江南通志文苑

明 郭勳。別號希暘。江陰人。生而沈深溫雅。好稱形家言。與眞常王子相陰陽。觀流

泉朝夕不倦。龔立本之祖物故。勳特垂唁。立本懇而留之。今官蕩新阡。勳所鑑定

也。明常熟龔立本悼艇水懷

清 王公爽。喜堪輿家言。行道於丹陽。金壇及江以北。著書多訂前人疑誤。其言龍

法。謂楊氏龍分兩片之說最確。宋人云三支並出者誤也。沈進士地學一書。康熙朝沈

鑄字六開 望江人實出其指授。今盛行於世。而公爽自撰書。惜無爲之刊布者。

清 夏時用。字唐巖。究心青島之術。以郭璞葬乘生氣爲主。徧質於四方之精堪輿。

者。而得其真。積二十年。術益精。語無不驗。性矯矯。不與流俗伍。卒以窮愁老。時有費大章。字承烈。家華墅。亦以堪輿名。以上光緒江陰縣志藝林

清

程省。字以三。江陰人。善六書測字。一人書火字。問出門與在家孰利。省曰。出門利。此字中間有開脚之人。自宜行動。若在家中。有災害也。時旁一人。卽指此字問曰。有一兒欲隨貴人上京。今在姑蘇。一兒作伴同行。利否。省曰。大利。問何故。曰。火字疊見。乃炎字也。北方水鄉。此去有旣濟之義。故利耳。其人曰。北方水旺。炎旁加水。乃淡字也。財氣不亦淡泊乎。省曰。否。非此之論也。兩兒皆南人。南方是火地。跟官之人。勢必炎炎。炎字中又有兩重火現。據理斷之。嫌其太遇。所幸者遠游北方水旺之鄉。得水制之。則火不猖狂。而兩相爲用矣。烏有忘其美。而反謂之淡泊也哉。其人復問二兒高下。省曰。二火一上一下。自有高低。但子之兒高。彼之兒不及也。請厥理。曰。先一位以火字問事已過。乃退時之火。君乃以火字問事。乃方興之火。以此較之。是以知此兒後來高於彼兒也。一人又以公字問事。久不與斷。蓋

先來者先測。而後至者次序應之。故不得卽斷也。至臨測時。問之曰。何事。客曰。忘之矣。轉身卽走。省曰。來且勿行。爾非眞忘之也。不過因我之遲而生恚耳。恚。音惠。恨也。怒也。其人請說。省曰。字雖公字。却有一團私心。況分字頭。去字脚。汝必與人共事。今欲分頭而去矣。其人曰。誠如所言。我與表兄合夥。開一銀店。將及三載。今欲分帳自開。不知凶吉何居。省曰。一言成訟。此話可謂難講矣。末筆更帶元武。其中必主小人刁唆。不日將見官司。宜止之。其人嘆服。後旬日復來測字。自言承指教歸。並不言及分帳之事。而表兄與我近甚相得。親許來歲分店各開矣。省撰有測字祕牒。盛行於世。祕牒。

36 靖江縣 漢海寧縣地。元爲江陰縣。明析散靖江縣。清屬江蘇常州府。地當大江北岸。與江陰縣隔江相接。

清

聞琴字雲和。邑諸生。熟讀諸經傳。易義尤精。兼通泰西天文之學。道光壬寅秋。夷船逼境。琴嘗語人曰。歲星臨吳越。非特弭兵。殺且大熟。蓋本春秋傳說。越得歲而吳伐之。有大咎也。未幾船退而殺大熟。其言果驗。又勾股算法。琴亦索嫻之。他

如星命堪輿家言。特其餘技耳。

光緒靖江縣志藝術

37 通州

五代周置。宋曰通州靜海郡。元爲通州路。尋復爲通州治靜海。明省靜海入州。清直隸江蘇省。世稱南通州。民國改爲南通縣。

清 鄒亦鳳。字振先。精青烏家言。每披棘榛。檢荒塚。評休咎。多奇中。有顧氏墓。葬已

久。風謂穴有地風。棺已敲側。啓視之。果然。

光緒通州志方技

清 顧天璣。字惠佩。例貢。少棄舉業。以拳勇名。間通堪輿之學。兼知醫。所試著奇效。

出時師。意外璣有大志。不獲售。乃託於百家衆技。以自見。論者惜之。

南通州志方技

38 如臯縣

晉置。隋省。五代南唐復置。清屬江蘇通州。

明 郭師古。字時用。號中宇。幼習舉子業。家貧無書。從人假讀。一過終身不忘。尤善

奇門遁甲之書。身偉長有力。善馳射。嘉靖末。倭數內寇。薄臯城。師古爲當事。謀畫

輒奇中。萬歷丙子。舉鄉試。丁丑成進士。留戶曹。主政。累官甘肅兵備鎮酒泉。兼轄

寧夏平涼諸州事。後以他事罷歸。著有百將傳。籌邊紀略。八陣圖說。諸書行世。卒

年八十七。

清 錢珙字拱玉。自少沈靜。敦行不息。事母以孝聞。爲文原本經術。斥浮豔。三薦不售。策之。遇履之。无妄。謂門人曰。履以兌遇乾。乾爲君。兌悅之。五不應變。而從木。木遇金。爲悔。尅貞不售矣。互而得家人。家食之義也。且其辭曰。履道坦坦。幽人貞吉。我以功名故。荒茲歲月。曷若盡吾分內事。履道而貞乎。遂絕意進取。鍵戶著書。嘗晨起默坐。對周易或長歌。歌竟起立。日夕忘食。枝上禽鳴。簾前花落。俛仰之間。油然陶然也。壬寅以疾卒。著有周易一得。尙書會意。以上道光如皋縣志列傳

清 程曾祺字芳竹。庠生。喜青烏家言。博覽精研。遂工其術。阜邑南帶江。東濱海。廣袤數百里。筍輿迎送。遊歷殆徧。然神解超脫。不泥古法。嘗謂地理以天理爲主。此語的當。不易。晚年尤矍爍。

清 嚴遜字時敏。國學生。精堪輿命理。卜相等術。不輕語人。每占一課。悉奇。中年四十。精醫。四方請者無虛日。少嘗習儒。見里中讀書子弟。欽慕如不及。年六十一卒。孫憲章庠生。

清 沈鳳鳴，字斗山，國學生，精堪輿學，著有堪輿輯要，壽七十五。以上同治如皋縣志方按

清 湯臨，字穆堂，善事親，父性嚴毅，未嘗少拂，素習形家言，母在殯，與兄跋履田間，

經旬，始得地窆之，道光初元，獨修大成殿，邑令寄書，翊贊宮牆，額贈之，設義舍，病

予藥，歿給柩。柩，音會，小棺也。成梁，贅道，歲以爲常，而功尤鉅者，爲乙亥之賑，多方稱貸，獨

力歲事，全活萬計，壽八十五，長子俊，字敬亭，貢生，官至廣西梧州知府，次子伊，字

華巖，廩生。同治如皋縣志義行

清 張烜，字春暉，居豐利，博學多才，登嘉慶庚午賢書，攻苦彌篤，侍親色養備至，天

文地理，書畫岐黃，撰著無不精通，不屑以多能名，爲人敦厚謙知，賑饑卹貧，人受

隱德焉，年七十二卒。

清 湯澍，字仙舟，踰冠以詩賦受知學使，大比屢薦不第，自是絕意進取，乃聚子姪

講習一庠，推爲祭酒，云澍於書無所不覽，尤精醫理，間博涉星家，青烏家言，性剛

毅，能當大事，嘗割沃壤入於庠，范廉泉明府，書名行高潔，額贈之，子惠元，字玉成。

內行完備。幼習經生家言。試屢被乙。重輯家乘。着地理真訣。孫第庠生。

清 顧汝玉。字吟石。壬子順天舉人。幼慧。年十二補弟子員。於書無不究。天文地理。

陣法。勾股。下至醫卜奇門命相陰陽家言。咸涉獵通曉。劉太史熙載稱爲文壇飛

將。下第留都。以教習例用知縣。不就。歸里。杜門不出。益肆力於古。著崇禮論以維

世。後學宗焉。以上同治如皋縣續志文苑

清 李新泉。字井香。靜海人。舉明經。善詩賦。旁通周髀風角堪輿醫卜等術。諸子皆

讀書。世其家。

清 姚功立。字麓橋。泰興人。工詩畫。通六壬堪輿家言。書法瘦勁。卒於臯。以上同治如皋縣續志畫賢

39 泰興縣。本海寧縣南鎮。南唐置泰興縣。故治在今江蘇泰興縣北。宋徙柴城鎮。又徙今治。清屬江蘇通州。

清 陳翁達夫。故泰興舊族。美須鬣。貌偉岸。聲如洪鐘。善導引。工技擊。以拳勇槍法

聞於太乙壬遁九宮風角。無不精驗。晚年家揚州。先子因族祖續園先生。與達夫

交。時先子年四十。未有子。達夫爲推之。曰。勿憂。郎君不馬駝來。且羊負來矣。癸未

二月余生。先子神其言。未彌月。卽以余生日幹枝。乞爲推修短貴賤。達夫遲之又久。以一紙遺。朱墨識別。當時迂闊其言。以爲非珞珠家體。置之神櫝中。櫝。音獨。櫝也。余

稍長。意氣銳發。自期既不細。亦不知以機變侮張逆人。

侮。音舟。誑也。

以爲其說不經。頗

厭置之。別求精此術者。不下數十輩。歷三十許年。余已五十矣。既病。臥里中。每夜

坐。思達夫之言。始覺其無不驗。而向者神櫝中之紙。已付諸鼠蝨。

蝨。古文。蟲字。

莫可蹤

跡。乃憶其說述之如左。余幹癸乙辛壬。枝未卯卯辰。壬癸辛爲三奇。辛加卯爲魁星。宜以文章得科第。然日金也。四辰馬也。兄弟皆馬也。一夫執策。五鬪決奔。憊矣。神智上升。印綬下伏。害繫於福。譽胎於毒。且夫壬癸者。木之母也。辰未者。印而財也。祿我之鄉。反以羸我。我生之家。朋以睽我。鬼在黃泉。身以鑄焉。巧賈於天。權出於墓。將官愈張。而害愈起。其鬱鬱於生。而斤斤於死乎。焦子曰。達夫以李青蓮。蘇玉局。相比擬。余不敢當也。然謂我生者累我。誠不爽矣。屈指數之。蓋數十事。每思達夫之言。則我生之初。有與性俱來者矣。又何卻焉。達夫謂庚午辛未間。當得好

官。然衡古人知命之學。自癸亥至今九年。阜按：癸亥乃焦先生四十一歲也。閉戶不出。著書成一家言。

庶幾鬱鬱者可以已乎。江都方七善相人。謂余四十五當死。不死必得官。余丁卯

三月死。七日復活。是年適四十五。方七從黃君春谷。官粵西。歿於恭城縣署中。崇州

應闈錄方按江都焦循離孤集

40 清河縣 宋置清河軍。並置縣曰清河。故城在今江蘇淮陰縣東十里。大清河口。元河決城圯。遷治於甘羅城。又遷小清河西北。明崇禎末。復遷甘羅城。清初復舊治。乾隆間。移治清江浦。運河南岸。屬江蘇

淮安府。民國改爲淮陰。

清 蔣星從。字耕雲。號月波。廩貢生。父麟圖。諸生。早逝。母吳。殉節。星從幼育於外家。

天才穎敏。而跡弛不規。繩墨。蘇晉託跡弛不自檢束也。於書無不窺。顧略觀大意。不沾沾於章

句。自經史音均。以及小說家言。下至醫卜博奕。絲竹之屬。皆涉。其藩籬。晚欲從事

撰述。以占驗之學。出於周易。作易臆。民國清河縣志人物

清 汪椿。字春園。初名光大。晚歲潛心三式。號式齋。祖汲。修學好古。著書滿家。椿幼

能強記。十行並下。貢成均。累試輒罷。於學無所不窺。尤明積算推步之術。中歲以

後、究心太乙。壬遁。研精覃思。鍵戶二十餘年。著周秦三式。疏證數十卷。會河督黎世序篤好此學。深敬禮之。嘉慶庚辰。河大漲。椿曰。夜觀水星之次。非此地也。其在豫省乎。未幾。果驗。及世序卒。椿痛哭。盡燬所著。謂世無知者。今所存者。三式序目一帙。其序略曰。三式之道。卽三易之道。三易之道。卽三才之道也。其見於書者。仲康十一年。閏四月朔。日食。後人以授時法。推而得之者。豈知授時。卽太一之法乎。武王十三年。二月四日。以無射之上宮舉陳。後人以三統法。推而得之者。豈知三統。卽壬遁之法乎。由是觀之。三代曷嘗無三式哉。春秋時。梓慎。裨竈。史墨之徒。皆深明此術。迨仲尼沒。而微言絕。七十子喪。而大義乖。史官失職。典籍無徵。復以謏聞竄亂其間。如風角七政。元氣六日七分。日者逢占。挺專須臾。孤虛等術。流爲穢祥小數。而讖緯興焉。東漢張子平。上書鄭君。註乾鑿度。獨契太乙九宮之指。蓋至是而晦者復明。絕者復續。厥後精太乙者。有三國之劉惔。趙達。精遁甲者。有陳武帝吳明徹。精六壬者。有晉戴洋。五代之梁祖兼通三式者。有僞蜀之趙延義。元之

劉秉忠著於史傳。至如南齊高帝紀。宋史禮志律志。金史選舉志。以及晉唐宋元藝術方技列傳。不可枚舉。而唐六典。且掌之大卜令焉。豈非鬱之既久。發之彌耀者乎。竊謂太乙。明天數。奇門。明地數。六壬。明人數。備乎三才。通乎三易。要爲周秦以上古聖神之所創造。非漢以下曲士短書所能擬也。其目凡四十有四篇。文多不傳。其他著述。多稿藏於家。世所行者。十一而已。椿在都時。有四川僧心莽者。一見驚拜。詫爲老師降生。出其像逼肖。其死之日。則椿之生日也。椿不之信。曰。安有是哉。歿之前一月。筮得明夷之卦。曰。夷者傷也。七月夷則。弗過此矣。果以是月卒。年六十有六。椿孤心絕學。少所推許。獨與蘇徵君秉國談易最合。清河縣志人物
山陽縣志流寓清林翁者。閩人。不知其名。人皆曰林翁云。翁善數。多奇。中人不能學。常垂簾賣卜。龍王闡下。及得錢。不再卜。卒死於浦。或曰翁蓋類有道者。光緒清河
縣志流寓

41

山陽縣

晉置。宋改爲淮安。元仍爲山陽。明清皆爲淮安府治。民國改爲淮安縣。

明錢文則。山陽人。精推星命。以言人之禍福。無不奇中。士大夫多稱道之。文則好

讀書。修善鼓琴。斯術其餘事云。高侍郎啓曾作序贈之。

皇明文衡高啓鳴鳳集

明 周正字元貞。少游郡庠。長襲祖職。官歸德守備。著有皇極經緯六壬祕集等書。

乾嘉淮安府志將略

明 王璧自稱九華山人。洞曉陰陽術數。明末遊山陽。賣卜於市。嘗曰。天下且大亂。

從吾術者。兵戈不能加其身。人未之信也。後挈家旅食彭城。

挈音結。懸持也。押也。

流寇破城。

璧從亂軍中出。賊不能害。返山陽。以郭璞葬法爲人占休咎。人皆敬信之。後買田。

卜相以終。

乾嘉淮安府志方技

明 張素字元卿。其先吳人。父景儀。寓居邑之清江浦。遂占籍焉。景儀工楷篆。有名。

於時。素少博通五經。尤長於書。旁徹陰陽醫卜之說。成化元年舉人。授知河陰縣。

適歲大祲。簡獄訟。罷追呼。飾廚傳。停權稅。平市價。與民休息。歲餘大治。歸臥林下。

三十年。蹤迹未嘗至城市。卒年八十九。祀鄉賢。子雍正德。中以經明行修徵。不就。

鄉人稱淮川先生。卒年八十餘。

同治山陽縣志人物

清 曹應熊字西園。少有聲庠序。客授南北。挾青烏術。遨遊公卿間。晚登賢書。無所

試而卒。

民國山陽縣
續志人物

清 丁晏字儉卿。一字拓堂。山陽人。阮元爲漕督。以漢易十五家發策。晏條對萬餘

言。精奧爲當世冠。道光辛巳舉人。咸豐中。以在籍辦團練功。由內閣中書。加三品

銜。光緒乙亥卒。年八十二。宴早歲治經。篤好鄭學。輯康成年譜。署其堂曰六藝。取

康成六藝論。以申仰止之思。然晏治經學。不掊擊宋儒。掊音剖。擊也。嘗謂漢學宋學之

分。門戶之見也。漢儒正其詁。詁正而義以顯。宋儒析其理。理明而詁以精。二者不

可偏廢。晏所著書。四十七種。凡一百三十六卷。已刊者爲頤志齋叢書二十二種。

其於易撰易經述傳周易訟卦淺說周易解詁一卷易經象類一卷清史稿載入

藝文易類又易林釋文一卷載入術數類數學之屬。清史稿
儒林

42 泗陽縣唐宋後。宿遷縣地。金於桃園鎮置淮濱縣。尋廢。元復置。改曰
桃園。明日桃源。清因之。民國改爲泗陽。以縣爲漢泗陽地也。

清 胡粹純字錦完。著周易便覽三卷窮理省身集三十卷孫家駒字里千廩監生。

博極羣書。精易數。善風鑑。與家駒同時。有歲貢生徐三雅者。亦能爲占驗。及堪輿

之說。民國泗陽縣志地賢

43 安東縣 宋安東州。明爲縣。清屬淮安府。民國改爲漣水縣。

明 田潤。字德潤。安東人。謙謹和厚。制行不苟。博通衆藝。最精于琴。占驗尤無不應。

隱居教授。雖結廬陋巷。而門多長者。車轍人皆高之。明正德安東縣志鄉產清乾隆淮安府志證逸

44 桃源縣 漢泗陽縣地。金於宿遷縣之桃園鎮置。淮濱縣尋廢。元復置。改曰桃園縣。明曰桃源。清屬江蘇淮安府。民國改爲泗陽。

清 高曇。諸生。善龜卜。天文地理。人事物產。占無不驗。道光桃源縣志方技

清 艾由興。洪經術。能文章。通龜筮星相堪輿之法。後亦漸悟皇極經世之旨。惜早

世。無得其傳者。以上道光桃源縣志方技

45 阜寧縣 本山陽及鹽城縣地。清雍正九年析置阜寧縣。屬江蘇淮安府。

清 金蘭。字斐章。少能文。府試優。取未售。遂寄情花木。知星卜。試之屢應。其占朱姓

失金器。曰。金伏戌下。戌爲火庫。竊媚竈神。無尋岐路。因出釜底灰揚而得之。郭幼

象占女歸寧。曰遊子方旋。載連載連。須於木落。乃羨臨淵。至秋買舟而來。灣張氏占失男。曰出自東方。再遷於沙。送我舅氏。得返厥家。亦奇中。宋緒學縣志方按

46 鹽城縣

漢鹽漬縣。魏毀。晉復置。後改曰鹽城。在今鹽城縣西北。宋徙今治。清屬江蘇淮安府。

明

夏升字景高。鹽城人。幼穎悟過人。吏治天算醫卜之書。靡不研究。洪武壬申。以人才舉。授陰陽官。委以鞠獄。人無異議。尋以事謫戍湘鄉。居無何。鴻臚寺典儀許

君祐薦之。授浙江開化知縣。有政績。陞衢州知府。盡去宿弊。籍丁糧之數。定爲等

則。賦役均平。民咸戴之。明史循吏鹽城縣志人物

清

王家弼字右卿。號雲巖。酷嗜問學。行市中。遇古書。輒解衣入質。庫易錢以購。雖風雪祲寒不顧。以此博覽羣集。凡天算律呂。韜鈴。壬遁。堪輿。河渠。鹽法。諸書。無不

窺其奧。突而尤達於經算之學。光緒鹽城縣志人物

清

許桂芬字金粟。鹽城許家巷人。同治庚午舉人。辛未進士。以卽用知縣。分發山東。歷任費縣。棲霞。招遠。臨清。直隸州等缺。平生以居敬安命爲立身之要旨。除潛

心經史及百家諸子精華外。對於天文地理醫卜星相等學尤多卓識。凡寅僚省以命運休咎及疑難大事求教者無不片言解決。奇驗若神。光緒丙申丁酉間黃河決口多處淹沒十數縣。大吏奉旨嚴譴。待罪搶堵。魯撫李公秉衡憂勞萬分。聞桂芬多才多藝。特派爲上中下三游河工督辦。桂芬駐工籌畫。昕夕不遑。於是仰觀天文。俯察地理。謹選土星旺相。水星休囚日時。嚴督兵仗。指揮搶堵。一舉合龍。從不再決。李公奇之。奏保安瀾有功。洊升道員。自此政聲益著。宣統辛亥卒。壽享七十有八。孫敷伯。本名福賡。字讓翁。歷官粵皖知事。因傳其祖之術。倦游賣卜。亦名動公卿。鹽城許氏宗譜

清

姜書欽。字子敬。同治癸酉舉人。天資穎異。讀書過目不忘。羣經注疏。悉能闡誦。於學無所不窺。自經史聲韻。天算醫藥。旁逮陰陽術數。家言靡不通曉。民國鹽城縣志人物

47

廣陵縣

六國時楚地。楚懷王十年城廣陵。秦置廣陵縣。晉爲廣陵郡治。故城昔在江蘇江都縣東北。後移今江都縣治。隋改邗江。又改江陽。南唐復名廣陵。宋省入江都。

劉瑜。字季節。廣陵人。少好經學。尤善圖讖。天文歷算之術。官至侍中。子琬。傳瑜

漢後

學明占候。能著災異。漢以孫策遠修職貢。遣使者劉琬。加錫命。琬語人曰。吾觀孫氏兄弟。雖各才秀明達。然皆祿祚不終。惟中弟孝廉。

孫權部察孝廉。州舉茂才。行奉義孝尉。

形貌奇偉。骨

體不恆。

江表傳曰。孫堅爲下邳丞時。掾生方顯大口。目有精光。堅異之。以爲有貴象。及堅亡。策起事江東。權常隨從。性度弘朗。仁而多斷。好俠愛士。始有知名。侔於父兄矣。

有大貴之

表。年又最壽。爾其識之。

權。王寅改元。已酉稱帝。在位三十一年。王中丞。壽七十一。○後漢書劉瑜傳。吳志孫權傳。圖書集成相術紀事。

齊南

荀伯玉。字弄璋。廣陵人。少爲柳元景撫軍板行參軍。南徐州祭酒。泰始初。

乃劉宋也。

晉

安王子勛失敗。伯玉還都。賣卜自業。元徽末。建平王景素聞而招之。伯玉不往。太

祖鎮淮陰。

南齊書道成也。

伯玉歸身結事。爲太祖冠軍刑獄參軍。太祖爲明帝所疑。及徵

爲黃門郎。深懷憂慮。伯玉勸太祖遣數十騎入虜界。安置標榜。於是虜游騎數百。

履行界上。太祖以聞。猶懼不得留。令伯玉卜。伯玉斷卦不成。行而明帝詔。果復太

祖本任。由是更見親待。

南齊書列傳

48 江都縣

戰國時。楚廣陵邑。漢置縣。三國時廢。晉復置。故城在今江蘇江都縣西南四十六里。唐城圯於江。徙今所。清與甘泉縣。並爲江蘇揚州府治。民國廢甘泉入江都縣。地當長江北岸四十里。運河西

岸。昔爲有名繁華之地。今商力疲。遇非昔比。幸有長途汽車。直達江岸。○圯音否。左从戊。巳之巳。毀也。

吳 趙達，河南人。吳縣志載達為吳人。

少從漢侍中單甫受學。用思精密，善卜筮。謂東南有王

者氣，可以避難。故脫身渡江。時魏主丕大舉南侵，吳王孫權命達筮之。達布算曰：

吳衰在庚子，魏無他為也。問其遠近，曰：後五十年，權笑曰：孤憂及身，不在孫也。至

孫皓吳亡，果以天紀四年庚子之歲。吳太平二年丁丑，長沙大觀，殺人不可勝數，孫權使達占之，曰：天地川澤相通，如人四體，鼻吸氣而愈，今餘千水口暴

起一洲，形如蟻食，彼郡風氣，可祀而掘之，權乃遣人祭以太牢，斷其背，長沙觀遂止。○三國吳志本傳，乾隆江都縣志方技，民國吳縣志藝術。

宋 妙應方，善相，名聞天下。高宗駐維揚，應方館於張浚家。一日自外歸，語浚適見

城中人有死氣十七八，必金兵將至之。兆宜勸上南渡，浚素神其術，即入奏。上欲

留元夜觀燈，未決。俄粘罕寇至，車駕亟行，城中死者無數。圖書集成藝術典相術部名流列傳

宋 荆大聲，江都人。一作高郵。以貧去鄉里，賣卜於臨安，以精曉天文入太史局，賜金紫。

紹興中，洪邁被命北使，大聲隨之。次盱眙，見大星去月三寸，曰：此木星也。邁問其

兆，大聲密言曰：當有易主之事。至臨淮，見月外有暈四色，曰：太陰極盛，非太陽之

利。未越月，而高宗遜位。乾道二年丙戌，見北極前星之左，有小星，曰：懼為東宮禍。

而其言皆驗。所著有二十四氣中星日月宿度一卷。

嘉慶揚州府志藝林

明 李思聰，江都人。精形家言。著地理總索。固是簡括明顯。又著堪輿雜著。尤爲切

實足徵。二書均爲圖書集成藝術典。堪輿部備採之。

藝術典堪輿部。○阜按。堪輿雜著。藏有先文定公葬揚州。句城塘云云。據此。

思聰先生。當是江都人。光緒句容縣志書目。引金陵詩徵。載李思聰著堪輿十二種。又似爲句容人也。

明 陳君佐，江都人。善方脈。洪武初爲御醫。永樂間棄官著黃冠服。市藥武當山中。

以易卜人吉凶多奇中。

乾嘉江南通志藝術

清 唐綏祖，字孺懷，號莪村。江都人。舉康熙丁酉科。宰封邱。乾隆時官至陝西布政使。操守清白。能文章。又能知人用人。能得人死力。在朝卿貳。在外岳牧州郡。其賢者有意氣者。靡不通。縞紵序懋。勲。變人子。苟有才。必折節下之。噓枯吹生。悱惻。惝惝。末幾所目色。提挈輩。雲蒸豹變。百不失一。雖日者筮人。皆自愧不及。而綏祖亦頗以相士爲己任。早出田文鏡之門。而遇事不阿。坐事落職者四。然卒起用以功

名終。諸儀古碑傳集乾隆朝督撫上之上

清 袁學孔，字丹邱，母蔡氏。乙酉城陷，死義甚烈。時學孔年十一，痛欲殉母，引刃自刺。父曰：「吾一綫視爾，義不可死。長而事父者極孝，人稱袁孝子。精於易卜，多奇中。有叩其術者，笑曰：「此非世俗所能解也。垂簾於市，所得供薪外，卽以周貧乏。操履甚介，屢爲當事所引重，絕不有私請。蓋方技而能守道者，子洪範亦敦行以善卜。」

聞。乾隆江都縣志方技

清

汪一元，字兆初，歙古唐人，僑居揚州舊城缸巷，占籍江都。補增廣生，事二親，順

於其志，親沒，四時之食未祭，不敢嘗，矜名負氣，學殖行修，星曆卜筮聲樂，皆究其

微。汪中撰先考靈表有云：嘗使中握粟一釜，君以箸畫几算之，卽得其數。步日月食，五星留逆，皆與臺官密合。逆推歲實節氣。

訖於乾隆十四年四月，而一元實以是月卒。蓋以數知之也。卒年四十二。子中字

容甬。乾隆丁酉拔貢生。治經宗漢學。清史稿儒林有傳。揚州府志藝術道光安徽府志方技民

國甘泉縣志詞祀致載汪氏孝子
嗣在揚州北來寺山藏，祀孝子汪一元。汪一崧，道光十四年，戶部主事汪嘉孫建。一元嘉孫，一崧嘉孫，族伯祖也。皆以孝庭表如例。嘉孫買北來寺僧隙地建祠，與僧立約，復呈請有司立案，有寺存與存，永永無極語。續修府志，並光緒江都縣志。

清 曹竹齋以字行。佚其名。福建人。老而貧。賣卜揚州市。江湖間健者。莫能當其一。

拳。故稱曹一拳。少年以重幣請其術。不可。或怪之。則曰。此皆無賴子。豈當授藝以

助。虐哉。竹齋以嘉慶庚午。沒于揚。年八十餘。

清史稿藝術傳集補藝術

清 吳明煌。字星宇。世居江寧。始遷揚州。精堪輿。善相人術。子熙載。初名廷翼。又字讓之。爲儀徵

諸生。博學多能。從包世臣學書。篆分工力尤深。後縱筆作畫。亦有士氣。咸豐中卒。

清史稿藝術○清故處士吳君星宇墓表云。君諱明煌。字星宇。姓吳氏。籍儀徵。而家揚郡之運司前街。就家設相肆。余嘗避雨肆中。與君談相人術。君大都依部位說爲人邪正。依氣色說行事是非。吉凶禍福率依於此。余詰其術之所受。君笑曰。是君不賣卜術也。吾受之。移以相人不可乎。吾先世崇徽。遷白門四世。至吾父遊揚州。遂不能歸其故。然吾父雖窮士。僑人嘗有假人白金五百兩者。請吾父居間。金已償而券未退。金主據券索金。已償金者曰。若由問吳君。果吳君言未償。卽如命。金主意吾父困甚。讓以半爲謝。乞爲一妾語。吾父不可。券遂廢。先人自守之嚴。而見信重於人如此。吾無他技。能恃相人爲生。言吉凶禍福。能必中乎。卽盡中。或且以長邪遂非。唯依是非邪正以爲說。雖不中不爲人害。庶不辱先人。異日得面目以上邱墓矣。余乃嘆君非市中人。又高君行誼。求其名籍則口口縣學生員。名文相。字志書者也。以詢揚城舊舊。尙有能言其事者。君娶同邑汪氏。亦源於徽。故經買家業落而歸君。相夫育子。備極艱辛。沒齒無怨。爲閭閻所稱美。以嘉慶戊寅五月二十五日卒。年六十。君以道光辛巳九月四日卒。年七十四。合葬甘泉縣西。山南。都天廟西。君所自卜也。君前葬文學君於司徒廟之收難灘。地隘不可耐。君常以無力省祖以上墓田爲憾。故自卜兆域。使子孫來省者。必取道收難灘。先省文學。君墓。蓋君之用心如此。子廷翹。儀徵縣學生員。博學多能。書法尤卓越。君家單傳三世矣。廷翹年甫壯。文行爲僑輩所推。又已舉。疑子三。君承文學君教。兩世皆有德。將於是乎食其報。廷翹葬君。聞十有八年。以余薄宦西江。遠來襄助。具狀乞文。余雅重君。又厚廷翹。不可以無言。故爲表其墓道焉。道光二十年春二月二十六日。

署江西新喻縣知縣。
涇包世臣撰書。

清 焦蔥，字珮士，江都人。國子監生，循父得外祖王氏。易說並熟。焦氏易林、郭璞葬

法論學於家。一以躬行實踐為主。性和易。好周人之急。有樂生者。善相人。嘗謂蔥兩目如蠶眠。法無子。越十餘年。樂生相之曰。君兩目之蠶化爲紅色。此厚德之證。當得子。已而果然。自箴將終。取貧人債券焚之。負人者盡償之。曰。不可使吾子孫失忠厚意也。焦循事略九朝新語

清 焦循，字理堂，一字里堂。晚號里堂老人。世居江都北湖黃珏橋。分縣爲甘泉人。

江都縣學生。祖鏡。父蔥。皆方正有隱德。世傳易學。循嘉慶辛酉舉人。不應禮部試。閉戶著書。於經無所不治。治經之外。如詩詞醫學。彤家九流之書。無不貫通。又力彰家鄉先哲。勤求故友遺書。孜孜不倦。嘉慶庚辰卒。得年五十八。有雕菰樓全集。焦氏遺書數百卷行世。清史稿儒林傳集經學○焦琥。虎玉。撰先府君事略云。府君窮經之暇。旁及九流之書。必造其微。而精妙實便於用。壬申癸酉間。汪掌廷先生。問府君彤家

十二長生。或主向上消納。或主坐山消納。當何從。府君曰。十二長生。皆從胎起。胎屬子。復也。坐胎向旺。即坐復向姤。坐則陽生。向則陰生。陰陽交媾。天地合德。彌乘生氣。莫此爲宜。三合之名。見於春秋設漿傳云。獨陰不

生。獨陽不長。獨天不生。三合而後生。穀梁赤爲子夏之門人。其說必有所授。是三合者。孔氏之遺言也。子午卯酉屬陽。陽左旋。故胎養自左而右。寅申巳亥屬陰。陰右旋。故胎養自右而左。無論左旋右旋。皆從坐胎起數。如坐子向午。則胎加子左旋。長生當寅。帝旺當午。墓當戌。如坐寅向申。則胎加寅右旋。長生當子。帝旺當申。墓當辰。皆從坐山取之也。術士不識十二辟卦。而僅知其三。則或山或向。議論不已。皆盲說也。治八五之術者。多請問府君。府君引而申之。作八五偶談一卷。

清

陳素村。邗上人。精於易卜。著有易林考正。陽湖李兆洛申者。序其書曰。漢書儒

林傳。焦延壽嘗從孟喜問易。予謂孟喜既得陰陽災變書。託之田生。則延壽之得於孟喜。似可信。秦之禁學。以易爲卜筮之書。獨不禁。故傳受者不絕。則當時卜筮之法。必有口授。傳指者。迨既立博士。以降其名。則以卜筮爲賤。而避其名。而專求義理。焦氏偶得卜筮家遞相承傳之法。遂附田孟以自重焉。願予以爲卜筮尙占易之本也。孟焦之獲傳。天下不亡易也。漢治易諸博士。明章句。說義理者。其書皆亡。獨焦氏京氏存。今之治易者。或推本田氏費氏。而其書無存。特從荀謂鄭康成之遺文。約略推敷耳。焦京之法。術家承用。學者乃往往不肯道。何耶。京氏衝合世應飛伏之說。傳自焦氏。而焦氏所傳惟易林。則以京氏之法。推焦氏之繇。必有其

確然而不可易者。此邗上陳君素村。考正之所爲作也。夫聖人神謀鬼謀。問焉以言。設詞揆方。惟變所適。陰陽消長之理。具於三百八十四爻之中。演而爲四千九十六。以窮三百八十四爻之動。則其象益備。其變益賅。其理亦益顯著。此參伍錯綜。極天下至神之大端也。先生所注釋者。僅十之三四。蓋起其端。而舉其隅云耳。有志之士。推而明之。則所謂剛柔雜居。吉凶可識。以彌綸天地。極諸幽明。死生鬼神情狀。曲成萬物。歸諸易簡。當有異於虛言義理。而不別其實。鑿言象數。而不衷諸變者焉。亦治是經者。未闕之康莊也。

養一齋文集
易林攷正序

清

王方魏。字大名。江都人。隱揚之北湖。閉戶著書。四十年不入郡城。精研易理。著

周易廣義十卷。纂周易解一卷。廣義燬於火。纂解分太極兩儀四象圖書卦義。凡六篇。其說太極云。太者大之義。卽大哉乾元。極者至之義。卽至哉坤元。又云。卵中包含黃白。內黃爲陽。外白爲陰。草木之實。核以藏仁。人物之胞胎。血以裹氣。是時陽在內。生機業已亨毒。陰在外。意象猶然杳冥。太極之象也。周之太極圖中分黑

白而又黑交於白。白交於黑。此則太極已判。非復陰含陽之象。太極以陽爲主。故其體圓。其數一。凡爻近陽者利。遠陽者窮。向陽者榮。背陽者辱。承陽輔陽者吉。乘陽蹈陽者凶。卒葬北湖誦芬莊之右。子祖修。字俊士。康熙乙未歲貢生。傳其父學。以易教授。其外孫同里焦慈。

清宜興吳德旋初月樓聞見錄

清

吳雪江。後改號春江。江都人。曾爲休寧典史。挂誤去職。而隱於憲幕。善奇門數。

學能知過去未來。訪學裘於吳門。因以訂交。時陳姬病劇。問其休咎。吳曰。恭喜。老兄得一貴子。如嫂非病。是懷娠耳。逾十日。病愈篤。復問之。吳曰。勿爾。如嫂非病。硬派是病何耶。倘有不測。爲弟者娶一美姬。奉償何如。一笑而去。是年十一月果生一子。卽功成也。庚申二月。雪江老病。坐一孤舟。飄泊江湖。至木瀆鎮。訪周韜甫茂才。舟泊韜甫門外。寫書一封。留別。付託後事。書罷而逝。韜甫得書。爲具衣棺。遣人送棺還揚州。代籌窆窆云。

委源齊學裘見開諸筆

清

滕海峯。江都人。精風鑑。因母老不能遠出。設肆東關街。未甚知名。適前荆溪令

梁研溪前句容令于濱來。及畢小亭。張新溪兩參軍。梁某于芝厓兩丞簿。游平山堂。回入肆小坐。請徧相之。時梁心芳。選拔年最少。瘦削如不勝衣。隨之行。海峯觀氣色。談部位。各言官爵。無大差謬。指末坐曰。此何人。梁研溪曰。舍弟將赴舉。相其能中否。海峯曰。今日幸會。諸公皆道府廳縣。惟此君貴顯逾倫輩。十五年後入詞林。出爲督撫。諸公皆叨其惠。芝厓公位在四品。財運獨豐。至時當專謁索相金也。梁某問曰。我何如。海峯曰。亦官也。特卑甚。幸有好弟兄。可疵蔭。後心芳以庚辰翰林。由浙臬撫山西。其兄洵升寧池太廣道。于濱來。畢小亭。張新溪。各以縣令終。于芝厓策仕河雋。由通判升知府。署淮揚道。惟梁某浮沉下僚。終儀徵巡檢。司任。盡如海峯言。術亦可謂神矣。芝厓管河揚州。曾以二百金爲滕母壽。滕未受。遂延至幕中。以終其世。參源齊學委
見開隨筆

清。梁少卿。乃史中丞繩之。受業師也。好道家言。精堪輿。奇遁之術。嗣天下用兵。節鉞爭羅致之。使其略出所蘊。致通顯。非難也。少卿獨辭苑。就枯甘以司鐸。終晚於

二氏說益精。非知音不妄與談。面貌常如四十許人。卒年八十三。史念祖命齋詩集註

清

史念祖字繩之。江都人。刑部尚書致儼孫。念祖幼穎異。好讀書。官至廣西巡撫。

罷歸後。以副都統銜。在東三省辦事。宣統二年卒。年六十八。趙爾巽先後上其功。復巡撫原官。卹如制。著有命齋文稿。謂爲動植鑿三物。皆可爲五行。生尅合衝之佐證。蓋彼於經籍百家。兵刑醫卜之書。無不窺。是以言皆有物。其論術數曰。陰陽五行向背。生尅之說。君子不溺而信之。其理直宜參也。自來詆其說者。以宋仁宗東家之西。卽西家之東。二語稱極智。實至愚之論耳。天地之大也。萬類處其中。方無定向。向各爲方。蝨不南。磁石之針不東西。然而南行之人。蝨不死。挾鍼而馳。東西鍼不變。朝於東。墻而避日。間諸東隣之西。墻有杲杲而已。苟必欲統大地。遠近而合論之。則泰山未必東。太華未必西。祀事不必南郊。投畀亦無所謂有北也。國朝袁簡齋以干支無義理。無殊一二三四之代數。誠代數也。羲卦亦代數。數成而義理見。義理見而吉凶生。禱子而得一三。求偶而遇二四。能謂其非微乎。且夫

五行之氣。母萬類。純雜厚薄。則變化而難窮矣。積油自然。積水自苔。積火自灰。水貯金則不涸。金入土則自行。五金蘊而高山童。草種落而堅城崩。溼蟲避燥。土木蟲僵。西風雞以衝而鳴。卯鼠以合而動。丑再胎之豕食赤蛇。褻褻懼火。蛟螭之屬畏金。或強而懼弱。大而畏小。柔而破堅。大抵得氣純而厚者。其徵專。得氣雜而薄者。其徵錯。有難言之理。無無理之物。非博學不能知。徒博學不能盡。知吾嘗瀏覽術數之書矣。未始不歎自古日星相卜。堪輿奇遁諸家。其至神奇者。亦僅得陰陽五行之蹊。洊而更不能無欲無尤乎。嗣通華陀郭璞李虛中輩。往往以用非其道而禍身。苟有人焉。靜觀萬有。由萬返一。超離乎吉凶禍福。而參陰陽五行自然之奧。則數不外道。固亦格致天人之學也。君子惟當鑒其所得小。而所用不正。若以箏琶媚人。而疑五音之不能通神文章。欺世而詆經傳。不足致治。不亦慎哉。

輿音軋。輿。輪類。龜虎。爪食人迅走。輿音陌。獸名。體小於驢。皮厚似犀。毛短頭粗。眼小。鼻突出。長於下唇。屈伸自由。常食木芽果實之屬。性柔易馴。螭音颯。舊說蒼龍而黃無角。亦作龍。龍音龍。蹄木字。澤音岑。多水也。陂澤。謂小水也。淮南子。蝦蟆。牛蹄之澤。無尺之類。○清史稿本傳。俞齋文稿。民國江都續志名宦。

清

郭恩溶，字沁泉，興化人。洪楊亂後，移家郡城北門外。面城臨水，破屋數間，蕭然自得。少負才略，喜談兵，嘗參戎幕，不得志，遂隱於卜。生平治易最力，兼精壬奇之學。及形家言，能以象數證興廢，以孤虛王相證兵事之得失，往往於盃酒間，指陳歷代山川形勢，以明戰守所繫，然非其人，不輕與言。晚年客游金陵，庚子之役，當道嘗就占國事，恩溶所言，若有豫知。宣統辛亥卒，年七十有一。著有惕山逸民遺集。楊晉年，直疾說。並詩稿待梓。子四人，鍾琦，宣統己酉拔貢，河南知縣。民國江都縣志方技

史記龜策傳。自古聖王將建國受命，興動事業，何嘗不寶卜筮以助善。唐虞以上，不可記己。自三代之興，各據禎祥，塗山之兆從，而夏啓世，飛熊之卜順，故殷興，百穀之筮吉，故周王。王者決定諸疑，參以卜筮，斷以著龜，不易之道也。

中國歷代卜人傳卷六

潤德堂叢書之八

鎮江袁阜樹珊編次

江蘇省六

49

甘泉縣

本江都縣地。清雍正九年析置甘泉縣。與江都並爲江蘇揚州府治。民國廢入江都。

清

焦煥字炳文甘泉人諸生博學強記善卜精醫四方以難字問者甚多惜中年

逝世吳倫體茂才哭之以詩云不信斯人竟若斯花前賭酒記常時楊留幾兩青山屐壁挂一囊秋雨詩湖上小亭梅間柳胸中餘技卜兼醫玉樓夜召無人曉尙有書來問字奇

淮海英靈集乙集

清

謝增號夢漁甘泉人道光庚戌探花官至御史品學皆爲人推重精命理吉凶

禍福不爽毫纖尤以事先預測談言微中稱奇疑者謂語多難解類病瘋顛而譽者則謂實有自來是以能知休咎要知乃易學精深有以致此如咸豐壬子科同

鄉京官。宴士子於會館。增亦與焉。席間聞天空有雅一鳴。增忽歎曰。今科吾揚僅得中式一人。人初莫之信。及榜發。果祇方鼎銳一人。一日偶見侍郎青麕。謂恐不得其死。或謂侍郎將外任。封圻烏足患。增曰。外任愈恐不得其死。後侍郎撫鄂。坐粵亂失城。伏法。增後卒於京師。宦囊空空。喪葬悉知交爲之料理。並教養其子成人。孟廬日記

清

李世璉。號紫峯。精李虛中之術。其先淮安人。賣卜揚州市。遂爲甘泉人。紫峯多隱德。嘗曰。吾生子宜有興者。及生次子鍾泗。而世璉卒。長子鍾源。字嵩泉。承父業。日得錢以養老母。及幼弟鍾泗。鍾泗因得讀書。師事同邑黃先生。依宣。刻苦自勵。於經長於左氏春秋。而又工爲歌詩賦頌箴誄雜文。用是入學爲生員。嘉慶辛酉。舉於鄉。明年下第。歸。丁母憂。服除。入京師。揀選知縣。名教自守。爲時所稱。閩爾昌碑傳集補經

學

50 儀徵縣

漢爲廣陵江都二縣地。唐析江都置揚子縣。地爲揚子縣白沙鎮。五代時。楊吳以白沙爲迎鑾鎮。南唐改曰永貞縣。宋升迎鑾鎮爲建安軍。以永貞縣屬之。後改曰揚子。宋升軍爲眞州。移揚子於

州郭。賜名儀。江都。後廢爲縣。旋升州。元亦曰眞州。明改爲儀真縣。以揚子
縣省入。清改儀徵縣。屬江蘇揚州府。宣統間改爲揚子。民國復爲儀徵。

宋

徐仲堅。眞州人。忠信篤實。遇人至謹。家貧。寓於卜。雖疾病。召之。箠不正。衣巾不
見。日得百數十錢。則止。能爲詩。亦好屬文。多爲賢士大夫所知。有集若干卷。圖書集
成藝術

典卜蒙部名流列傳
乾隆江南通志藝術

明

李猶龍。字震卿。眞諸生。幼警敏。異常。十二歲。卽淹通經史。辭賦書篆。靡不精詣。
又通天文。遁甲奇門太乙六壬諸家。祕決未來事。如響。遂棄諸生。遊京師。時奢會

竊發。鄖撫楊述中。

鄖。晉云。鄖。卽
湖北安陸縣境。

聞其名。延爲上客。爲贊畫一切。會劉興治。倡亂東

方。東撫沈珣。

珣。晉句
玉周。

聘之人。海撫安。顧卒。以依人爲恥。卽歸里。杜門著述。卜益奇

中。壬午流寇猖披。龍占之曰。茲徒碌碌無爲。天命已有歸。惜予不及見矣。不肯盡

言。前一月。自言死。奮筆作律詩二十首。閱月卒。年七十有五。無嗣。著敦復堂集尺

許。所積多奇書。皆散逸。

康熙儀徵
縣志藝術

清

方申。字瑞齋。儀徵人。少不治舉子業。年逾四十。始應童子試。屢見黜於有司。而

學益進。道光戊戌，督學祈公按試揚郡，始以經解見知。拔置闈郡第一，補儀徵縣學生員。庚子秋，赴試江寧，積疾成，疾歸而益劇。卒年僅五十，有四。申自悔晚學，故致力綦勤，其最精者尤在周易。又以春秋時列國卜筮必據互卦以與正卦相參，因尋繹漢儒之所言者及覆求其修理而知互卦之法，正例有七，附例有二，成書一卷，名之曰周易互體語述。又以卦變之法，傳之已久，言人人殊，無所統貫，因參伍考訂，以深求其義例之所在，成書一卷，名之曰周易卦變舉要。又著諸家易象別錄，虞氏易象彙編，周易卦象集證，是爲易學五書。懷慶汪孟慈太守爲之梓傳。

續碑傳集儒學

清

劉毓崧，字伯山，一字松崖，文淇子。道光優貢，傳父左氏學，旁通經史諸子百家。

所著通義堂文集，載有推算八字考，證明古人推算星命者，本兼用時，歷歷有據。又載何禎元壽賜名考證，及蘇文忠公八字考，對於星命之學尤多發明，足破俗士陋儒之惑。

通義堂文集卷十二

51 東臺縣

本泰州地，清乾隆三十三年析置東臺縣，屬江蘇揚州府。

唐 王寧，字九齡，西溪人。少有異術，能占陰陽吉凶。屢中如神。唐太宗嘗召入禁中。

官靈臺司少監。

明

王鎬，鎬音爭，金玉聲。

安豐人。長於風角，精推步。以六壬數卜吉凶，多奇應。壽八十三。以上

嘉慶東臺縣志方技

52

興化縣

戰國楚府昭陽食邑，五代時，楊吳置興化縣，清屬江蘇揚州府。

明 高燧，精易學。少補邑庠，以曠廢遂精天文。範圍易數，姪文義，毅將生時，燧袖課

之曰：如得辰，他日必宰相及生果及辰。阜按：高毅，字世用，永樂進士，景泰中，選庶吉士，累進謹身殿大學士，卒諡文義。

其他卜筮

徵應類如此。周婁精術數，以痿廢，伏枕四十餘年，洞究元微，安貧勵節。前縣陳洪範，遺之粟，不受。著漁村集。李木，精命理，自知死期。沈起潛，精地理。潘弼，字夢徵，精醫學，及太乙、洪範諸書。著運氣考正。陸海，字寬夫，琴棋星卜，皆出人右。咸豐興化縣志方技

清 鄭毓鳳，字君翔，一字象六，博學善屬文。會鼎革，棄制舉業，躬耕海上。初習毛詩。

既而學易兼窮理數之奧。晚年寓鹽城授徒。孫學士一致。出其門。嘗寄詩云。少年文譽擅江都。晚探河洛師堯夫。蓋紀實也。同上

清

李澣

一作澣

字士翔。一字籀史。興化人。明末貢生。後棄帖括。喜讀書。談名理。於釋

典。道藏。及陰陽醫卜家。靡不該覽。與人論文藝。娓娓不倦。遇俗士則睥睨不屑。意

泊如也。著嚴菴集。

或豐興化縣志隱逸吳德旋初月樓開見錄

清

劉熙載。字融齋。道光甲辰進士。選庶吉士。官至國子司業。歷遷左春坊左中允。

督學廣東。乞病歸。主上海龍門書院講席。熙載治經無漢宋門戶見。不好考據。熟於周秦諸子書。他如天象地輿。六書九數。鐘律方術。皆研通其意。所著有劉氏六種。古桐書屋續刻三種。卒年六十九。民國興化續志人物列傳

53

秦州

楚海陽地。漢海陵縣。南唐置秦州。宋因之。治海陵。明省海陵縣入州。清屬江蘇揚州府。民國改爲秦縣。

清

王而豫。字天如。其父孫駒。受青烏術於隱者。豫傳其學。兼通易理。嘗爲從弟晉

原葬母。許以寅葬卯發。其言竟驗。豫多子孫。箴之曰。長孫凝。可讀書。後爲諸生。他

事亦多奇中云。

光緒泰州志藝術

54 高郵州

漢置。本秦之高郵亭。因以立名。三國時荒廢。晉復立。宋置高郵軍於此。元改軍爲府。明改州。省縣入焉。清因之。屬江蘇揚州府。民國改縣。

明

劉鑑、高郵人。永樂丙戌進士。爲諸生時。有訓導董光善相。以鑑目有神。遂授以相法。言人貴賤生死無不驗。有江湘三舉子就鑑相。熟視良久云。一夥進士。旣去。告人曰。夥者火也。是當皆有火厄。已而春闈災。三人皆焚死。見農家子。方六七齡。曰。此子當登科第。爲執法官。乃御史葛蒼也。

集成藝術典相術部名流列傳

55

寶應縣

唐置。奇屬江蘇揚州府。民國廢。存縣。

清

楊景漣。字清兮。諸生。世居東決溪村。修竹數畝。中構草亭。性孤介。攻苦力學。自經史百家。旁及堪輿星卜之學。靡不研究。意所欲吐。纒纒千言。

續晉服連也。

所不可者。

雖古人弗屑也。具金求文者。揮不納。輿化任大椿。銘其墓曰。淮海傳人。

道光寶應縣志文苑

清

林桂枝。字一齋。射陽鎮人。廩貢生。家貧。幼學。博聞強記。凡天文輿地。術數醫卜之屬。莫不條舉貫澈。尤盡心性理格物。夙夜惺惺。晚年境益困。餽粥恆不給。偶得

錢或值有急者。悉以與之。歸而忍饑。怡然自得。

清

劉元熙字南徵。孝子煜子。諸生。精堪輿。性耿介。好施與。每歲抄。罄一年所節。購米濟貧。家有喜壽慶賀費所入。悉以振饑。邑令徐欲以育嬰事付之。元熙重其事。

謝弗應年七十餘卒。以上民國寶應縣志篤行

56

銅山縣春秋宋彭城邑。秦置彭城縣。漢爲楚國。後漢爲彭城國。唐爲徐州治。元省彭城縣入州。清雍正十一年。升州爲府。置銅山縣。爲江蘇徐州府治。徐州鎮總兵亦駐此。民國十一年。自關爲商埠。津浦

鐵路與隴秦豫海鐵路交點於此。

晉東

劉訥字令言。彭城人。有人倫識鑒。初入洛。見諸名士。歎曰。王夷甫太鮮明。樂彥輔。我所敬。張茂先。我所不解。周宏武。巧於用短。杜方叔。拙於用長。後皆如其言。訥

終於司隸校尉。晉書劉陳傳

宋劉

顏敬。彭城人。善卜筮。初蔡興宗爲郢州府參軍。郢。音穎。郢州。即湖北武昌縣。敬以式卜曰。亥年當作公。官有大字者。不可受也。及興宗有開府之授。而太歲在亥。果薨於光祿大

夫云。南史蔡興宗傳圖書集成卜筮部名流列傳

明 裴仕傑。徐州人。通儒書。習陰陽之術。永樂初。徵天下儒。碩纂修古今大典。仕傑以陰陽家預焉。乾寧徐州府志方技

明 周昉。昉。晉仿。通也。字彥華。徐州人。通天文陰陽之術。景泰庚午。從征福建。以占候有功。授欽天監靈臺郎。遷監副。卒。子佐。歷官光祿寺少卿。儒。歷官應天府丞。佐子淪。

欽天監冬官正。皆世其業。乾寧徐州府志方技 民國銅山縣志藝術

57 豐縣。本秦沛縣之豐邑。漢高祖起兵於沛。收沛子弟還守豐。卽此。漢置縣。明嘉靖間。河決城陷。遷治於縣東南華山。尋復還舊治。清屬江蘇徐州府。

明 李復。字明善。豐人。通陰陽算數之學。官南京欽天監副。弟登。字從善。爲夏官正。

後遷監副。同治徐州府志藝術

明 季春煦。字景溫。由歲貢官常州府訓導。好學博古。有知人之鑒。常識周延。儒於

寒素。著豐邑古今考。今古時務議等書。徐州府志人物

58 沛縣。秦置。故城在今江蘇沛縣東。明徙今治。清屬江蘇徐州府。

漢 劉向。字子政。本名更生。楚元王交元孫也。初爲諫大夫。宣帝招選名儒俊材。向

以通達能屬文與焉。爲人簡易無威儀。專積思於經術。晝誦書傳。夜觀星宿。或不寐。達旦。成帝卽位。召拜中郎。遷光祿大夫。是時帝元舅陽平侯王鳳。爲大將軍。秉政。倚太后專國權。兄弟七人。皆封爲列侯。時數有大異。向以爲外戚貴盛。兄弟用事之咎。而上方精於詩書。觀覽古文。詔向領校中五經祕書。向見尙書洪範箕子。爲武王陳五行陰陽休咎之應。向乃集合上古以來。歷春秋六國。至秦漢符瑞災異之記。連傳禍福。著其占驗。比類相從。各有條目。凡十一篇。號曰洪範五行傳論。奏之上。心知向忠精。故爲鳳兄弟起此論也。然終不能奪王氏權。向每召見。數言公族者國之枝葉。枝葉落則本根無所庇廕。方今同姓疏遠。母黨專政。祿去公室。權在外家。非所以疆漢宗。卑私門。保守社稷。安固後嗣也。其言多痛切。發於至誠。上數欲用爲九卿。爲王氏及諸大臣所持。故終不遷。居列大夫官。前後三十餘年。年七十二卒。卒後十三年。而王氏代漢。所著有七略。別錄。洪範五行傳。列女傳。列仙傳。新序。說苑等書。前漢書附楚元王交傳

漢

劉歆

歆，讀如欣。字子駿。向之少子也。少爲黃門郎。和乎中，受詔與父向領校祕書。數

術方技，無所不究。乃集六藝羣書種別爲七略七卷。經籍志唐志隋書同經籍目錄之學自

歆始。哀帝卽位，大司馬王莽舉歆爲侍中、太中大夫，出爲河內太守。復爲安定屬

國都尉。王莽持政，歆爲右曹、太中大夫。遷義和京兆尹，封紅休侯。典儒林史卜之

官，作三統歷及譜，以說春秋曰：夫歷春秋者，天時也。列人事而目以天時。傳曰：民

受天地之中以生，所謂命也。是故有禮誼勤作威儀之則，以定命也。能者養之以

福，不能者敗以取禍。故列十二公二百四十二年之事，以陰陽之中制其禮。故春

爲陽中，萬物以生。秋爲陰中，萬物以成。是以事舉其中，禮取其和。歷數以閏，正天

地之中，以作事，厚生皆所以定命也。及王莽篡位，歆爲國師，封嘉新公。著有三統

歷三卷。漢書律歷志一卷。前漢書附卷元王律歷志王莽傳附書經志唐書藝文志

漢高相沛人。治易。其學亡章句，專說陰陽災異。自言出於丁將軍寬。傳至相，相授

子康，康以明易爲郎。

前漢書儒林

後漢

姜肱，字伯淮，廣戚人。

廣戚，故城今徐州沛縣東。

家世名族。肱與二弟仲海、季江俱以孝

行著聞。其友愛天至。

謝承書曰：肱性篤孝，事繼母恪勤，母既年少，又嚴厲，肱感頭風之疾，兄弟同被而覺不入房室，以慰母心也。

及各取妻，兄弟相戀。

不能別寢，以係嗣當立，乃遞往就室。肱博通五經，兼明星緯。

蔡邕撰姜肱碑云：肱，俯仰占候，推步陰陽，有名物定事之

能，獨見先

士之遠來就學者三千餘人。諸公爭加辟命，皆不就。二弟名聲相次，亦不

應徵聘。時人慕之。肱嘗與季江謁郡，夜於道遇盜，欲殺之。肱兄弟更相爭死，賊遂

兩釋焉。但掠奪衣資而已。既至郡中，見肱無衣服，怪問其故。肱託以他辭，終不言

盜。盜聞而感悔，後乃就精廬求見，皆叩頭謝罪，還所略物。肱不受，勞以酒食而遣

之。後與徐穉等俱徵不至。桓帝乃下彭城，使畫工圖其形狀。肱臥於幽闇，以被韜

面，言感眩疾，不欲出風。工竟不得見之。中常侍曹節等專執朝事，新誅太傅陳蕃。

大將軍竇武欲借寵賢德，以釋衆望，乃白徵肱爲太守。肱隱遁海濱，再拜太中大夫。

詔書至門，肱使家人對云：久病就醫，遂羸服間行。竄伏青州界中，賣卜給食。召

命得斷。家亦不知其處。歷年乃還。年七十七。熹平二年癸丑，終於家。弟子陳留劉

操追慕肱德。共刊石頌之。後漢書本傳宣統山東通志流寓

後漢

范冉，字史雲。冉，或作丹。外黃人。外黃古城，在今河南杞縣東六十里。少爲縣小吏。年十八，奉檄迎督郵。冉恥

之，乃遁去。到南陽，受業於樊英。又遊三輔，就馬融通經。歷年乃還。桓帝時，以冉爲

萊蕪長。萊蕪故城，在今山東淄川縣東南。遭母憂，不到官。後辟太尉府，以狷疾不能從俗，常佩章於朝。

議者欲以爲侍御史，因遁身逃命於梁沛之間，徒行敝服，賣卜於市，或寓息客廬。

或依宿樹蔭，如此十餘年，乃結草屋而居焉。所居單陋，有時絕粒。闔里歌曰：甑中生

塵，范史雲釜中生魚。范萊蕪三府累辟不就。中平二年乙丑，年七十四，卒於家。

大將軍何進移書陳留太守，累行論諡。僉曰：宜爲貞節先生。會葬者二千餘人。刺

史郡守，各爲立碑表墓焉。後漢書獨行太平御覽方術乾隆江南通志流寓

魏 朱建平，沛國人，善相術。於閭巷之間，效驗非一。太祖爲魏公，聞之，召爲郎。文帝

不爲五官將，坐上會客三十餘人。文帝問已年壽，又令遍相衆賓。建平曰：將軍當

壽八十至四十時，當有小厄，願謹護之。謂夏侯威曰：君四十九位爲州牧，而當有

厄。厄若得過。可年致七十。致位公輔。謂應璩曰。君六十二。位爲常伯。而當有厄。先此一年。當獨見一白狗。而旁人不見也。謂曹彪曰。君據藩國。至五十七。當厄於兵。宜善防之。初。穎川荀攸。鍾繇。相與親善。攸先亡。子幼。繇經紀其門戶。欲嫁其妾。與人書曰。吾與公達。曾共使朱建平相。建平曰。荀君雖少。然當以後事付鍾君。吾時喟之曰。喟。音囀。諒語也。惟當嫁卿阿鷲耳。何意此子。竟早隕沒。戲言遂驗乎。今欲嫁阿鷲。使得善處。追思建平之妙。雖唐舉許負。何以復加也。文帝黃初七年丙午。年四十病困。謂左右曰。建平所言八十。謂晝夜也。吾其決矣。頃之。果崩。夏侯威爲兗州刺史。年四十九。十二月上旬。得疾。念建平之言。自分必死。豫作遺令。及送喪之備。咸使素辦。至下旬。轉差。垂以平復。三十日日昃。請紀綱大吏。設酒。曰。吾所苦漸平。明日鷄鳴。年便五十。建平之戒。眞必過矣。威罷客之後。合瞑疾動。夜半遂卒。璩六十。一爲侍中。直省內。欸見白狗。欸。音忽。忽也。問之衆人。悉無見者。於是數聚會。并急游觀田里。飲宴自娛。過期一年。六十三卒。曹彪封楚王。年五十七。坐與王凌通謀。賜死。

凡說此輩無不如言。惟相司空王昶。征北將軍程喜。中領軍王肅。有蹉跌云。建平相我逾七十。位至三公。今皆未也。將何慮乎。而肅竟卒。建平又善相馬。文帝將出。取馬外人。建平道遇之。語曰。此馬之相。今日死矣。帝將乘馬。惡衣香。驚謔文帝膝。帝大怒。即便殺之。建平黃初中卒。三國魏志方伎乾
帝江南通志卷九

明 鹿鳳。沛人。幼習百家陰陽雜書。尤善法術。嘗寓鳳陽。歲旱。郡守延之。禱於壇。果得大雨。由是知名。後沛邑遇旱。衆即延鳳禱之。輒應。同治徐州
府志卷九

清 孟傳寶。字懷珍。廩生。精數學。尤善大六壬。常有人袖一物。使射覆。占曰。外圓內方。文字中藏。上有污穢。磨之始彰。出其物。果是糞堆中拾得一錢。一時頌爲神明。

民國沛縣
志方技

59 相縣。沛郡。漢置相縣。後漢爲沛國。晉因之。在今安徽宿縣西北。
東晉徙治蕭。在今江蘇蕭縣西北。宋高祖後魏之北齊廢。

晉 劉煥。煥。晉單。字真長。沛國相人。少清遠。有標奇。與母任氏。寓居京口。家貧。織芒

屨以爲養。履。晉脚。履也。木
曰屨。履曰屨。雖篳門陋巷。晏如也。人未之識。惟王導深器之。後稍知名。

尚明帝女。廬陵公主。官丹陽尹。爲政清整。門無雜賓。惓與桓溫善。嘗稱之曰。溫眼如紫石稜。鬚作蝟毛磔。磔音摘。開也。別也。孫仲謀。晉宣王之流亞也。惓雖奇溫才。而知其有不臣之迹。及溫爲荊州。惓言於帝曰。溫不可使居形勝地。其位號常宜抑之。帝不納。及溫伐蜀時。咸謂未易可制。惟惓以爲必剋。恐自此專制朝廷。及後竟如其言。晉書本傳。○桓溫字元子。宣城太守彝之子也。生未蕃。而太原溫瞻見之。曰。此兒有奇骨。可試使啼。及聞其聲。曰。眞英物也。難以婦所賞。故遂名之曰溫。瞻笑曰。果爾。後將易吾姓也。○初溫自以雄姿風氣。是宣帝劉琨之儔。自以其比王敦者。意甚不平。及征還北方。得一巧作老婢。訪之。琨妓女也。一見溫。便潛然而泣。溫問其故。答曰。公甚是劉司空。溫大悅。出外整理衣冠。又呼婢問。婢曰。面甚似恨。眼甚似恨。赤形甚似恨。短聲甚似恨。雖於是誠衣解帶。昏然而睡。不治者數日。後果不竟其志而卒。○晉書叛逆傳。

齊南

劉休。字弘明。沛郡相人。秦始皇初。諸州反。休素能策。知明帝當勝。靜處不預異謀。數年還。投吳喜。爲輔師府錄事參軍。喜稱其才。進之明帝。得在左右。板桂陽王征北參軍。休多藝。多能。問無不解。遂見親賞。長直殿內。後宮孕者。帝使策其男女。無不如占。累官豫章內史。加冠將軍。卒年五十四。南齊書參南史本傳。圖書集成卜筮部名流列傳。

60

蕭縣。春秋宋蕭邑。秦置蕭縣。北齊改曰承高。隋初改龍城。又改臨沛。尋復爲蕭縣。其城一名黃楊城。或謂之北城。宋時河決。乃改築南徙治焉。在今江蘇蕭縣西北。明萬歷間。沒於水。遂今治。清屬江蘇徐州。

明 路可泰。蕭人。五歲卽習術數。爲人推星度。多奇中。尤精易言禍福。無不驗。晚年

修道於果老洞中。

江南通志方技乾隆徐州府志方技嘉慶蕭縣志藝術

61

邳州

古邳國。秦下邳縣。北周置邳州。宋爲淮陽軍。金仍爲邳州。明省下邳縣入州。清屬江蘇徐州府。民國改州爲縣。

漢

翼奉。字少君。下邳人。治齊詩。好律歷陰陽之占。元帝時待詔。官者署數言事。寡

見。天子敬焉。必探究經史。窮極陰陽以寓法戒。論祭天地於雲陽汾陰。及諸寢廟。

不以親疏迭毀。皆煩費。違古制。後定迭毀禮。徙南北郊。其議皆自奉發之。以中郎

爲博士。諫議太夫。年老以壽終。子孫皆以學爲儒官。著風角要候。風角雜占。風角

鳥情等書。

前漢書儒林。乾寧江西通志儒林。隋書經籍志。

清

王九成。濟寧人。父官下邳。遂家焉。性孝友。博涉羣書。妻殉。不再娶。嘗教授鄉里。

以贍兄弟之不足。後乃棄去。單身遠游。名山絕壑。足跡殆遍。明河洛之學。旁通術

數。書畫。晚嗣一子。構草廬。謝客靜坐。年近八十。風采煖然如壯人。

咸豐邳州志人物

62

宿遷縣

漢古宿縣。後漢省。晉置宿預縣。唐改爲宿縣。故治在今江蘇宿遷縣南二里。明徙今治。清屬江蘇徐州府。○古。晉求。與去同。呂由。狄國名。見國策。

清

高踰駢

字特聘

宿遷諸生

甲申棄家去

其兄求之

數年不得

久之海上

賣卜奇

中兄往卜之

云當卽相見

察其情狀

卽特聘也

強之歸

生一子

尙友

一日短衣持

雨蓋

不知所之

尙友長成

數十年無消息

遂築望親樓

於縣北

鍾吾山中

立位

奉之

每遇過客

輒詢訪

淚俱下

鹽城宋滋

菴恭貽有詩才

經其地

異之

紀其事

繪高孝子

望親廬圖

徧徵詩以褒之

阮葵生茶餘客話○學志碑傳集陳鵬年撰高士踰駢傳云一夕語陳僧曰吾占六壬尙有一子當歸了此事僧笑之明

此是其子名聘

字尙友也

鍾吾山又作炳吾

年果生子

命之曰聘

蓋因其婦僅一聘者然

觀

此是其子名聘

字尙友也

鍾吾山又作炳吾

年果生子

命之曰聘

蓋因其婦僅一聘者然

觀

此是其子名聘

字尙友也

鍾吾山又作炳吾

年果生子

命之曰聘

蓋因其婦僅一聘者然

觀

此是其子名聘

字尙友也

63

睢寧縣

漢置。唯陵。取也。二縣。金分宿遷。置睢寧縣。清屬江蘇徐州府。

清

朱明道

精易理

曉奇門之術

能知未來事

有自注周易一卷

存於家

朱振玉亦

通卜筮

星學

屢有奇驗

光緒睢寧縣志方技

清

朱明道

精易理

曉奇門之術

能知未來事

有自注周易一卷

存於家

朱振玉亦

通卜筮

星學

屢有奇驗

光緒睢寧縣志方技

清

朱明道

精易理

64

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

秦置朐縣。東魏於縣置海州。北周改曰朐山。隋改州爲東海郡。唐復曰海州。明省朐山縣入州。清直隸江蘇。民國改州爲東海縣。十一年自闢爲商埠。隸于豫海鐵路。由此西貫河南陝西。以達甘肅之

東海縣

唐 徐居易字子平。別號沙滌先生。又稱蓬萊叟。東海人。隱於太華西棠峰洞。精於

星學。撰珞璣子三命消息賦註二卷。其法本之李虛中。專以人生年月日時八字。

推衍吉凶禍福。無有不中。子平歿後。宋孝宗淳熙時。有沖虛子者。精於此術。當世

重之。僧道洪密受其傳。後入錢塘。傳之徐大升。四庫提要謂宋末徐彥昇。今世所

傳玄理賦等。皆其所著。今人推命之術。乃元人復由子平大升二家演繹而出。故

簡稱子平。四庫全書提要子部藝術卷三。通會所引澧樓筆記。皇按。三命通會。謂徐子平為五代時人。又謂徐大升。上距子平已三百餘年。查五代後梁紀。丁卯起。華後周紀庚申止。共五十四年。北宋紀。庚

申起。至丁未止。共一百六十八年。南宋紀。丁未起。至孝宗癸未。增與元年。不過三十七年。自五代丁卯。至南宋癸未。連新陳遞嬗。虛算三年計之。不過二百五十九年。當孝宗時。沖虛子傳之道洪。道洪又傳之徐大升。時期必

不過。今既云上距子平。已三百餘年。即可證明子平非五代時人。乃唐人也。

宋 徐道符自號無欲子。東海人。著有六壬心鏡要三卷。後集一卷。上卷九門。中卷

十七門。皆論課象。及一切日用事物。占斷下卷十六門。皆軍占。其雜占。及二十神

將論。凡十三篇。別為後集。立說簡該。使讀者昭然易曉。在壬書中最為善本。皇按。余藏

六壬心鏡。載徐道符。為唐肅宗時人。 凌福之撰六壬畢法賦一卷。福之履貫未詳。核其自序。蓋理宗寶

慶間人也。始徐道符作六壬心鏡。建炎中又有邵彥和者著書名曰口鑑。以闡明徐氏之說。後多爲俗學所竄亂。福之因用彥和法作七言百句註釋之。以成此書。融貫舊說而綴以心得。獨爲精當。自序謂雖言詞鄙拙。實決斷之幽微。可爲定論。世之言壬術者多奉爲祕鑰。四庫子部術數類存目二

清 羅浩字養齋。僑居海州之板浦場。與凌仲子廷堪爲戚。經史書數無不涉獵。尤精星命之學。嘗曰。自李虛中以來均以富貴貧賤壽夭定命之高下。吾則以賢不肖爲之經。貧富壽夭爲之緯。賢者雖貧。天命爲上。不肖者雖富。壽命爲下。人多迂之。清稗類鈔方技

清 吳恆宣字來旬。山陽人。居板浦。或曰海州人也。幼稱神童。讀書目數行下。長游大學。睥睨公卿間。人呼爲狂生。居無何。忽精六壬奇門術。多奇中。嘉慶海州志方技

65

贛榆縣

漢置。三國時廢。故城在今江蘇贛榆縣東北。一名鹽倉城。晉移贛榆縣治。北齊省。在今東海縣北。金改懷仁縣爲贛榆。即今治。清屬江蘇海州。

清 王克靖孝子士元。士寧之後。幼雋穎。博涉經史。尤精山經地理。嘗著海角經。闡

發曾揚不傳之祕。爲時所重。所居有竹溪。自號竹溪清隱。國子學錄。曾忠輔爲之

記。光緒續編
縣志藝術

歷代卜人傳卷六終

易經繫辭上傳天尊地卑。乾坤定矣。卑高以陳。貴賤位矣。動靜有常。剛柔斷矣。方以類聚。物以羣分。吉凶生矣。在天成象。在地成形。變化見矣。易經繫辭上傳。聖人設卦觀象。繫辭焉而明吉凶。剛柔相推而生變化。是故吉凶者。失得之象也。悔吝者。憂虞之象也。變化者。進退之象也。剛柔者。晝夜之象也。六爻之動。三極之道也。是故君子所居而安者。易之序也。所樂而玩者。爻之辭也。是故君子居則觀其象而玩其辭。動則觀其變而玩其占。是以自天佑之。吉无不利。

大全。未子曰。卦雖八而數須十者。八是陰陽數。十是五行數。一陰一陽便是二。以二乘二便是四。以四乘四便是八。五行本只是五。而有是十者。蓋一箇便包兩箇。如木便包甲乙。火便包丙丁。土便包戊己。金便包庚辛。水便包壬癸。所以爲十。

孔氏傳尙書序。古者伏羲氏之王天下也。始畫八卦。造書契。以代結繩之政。由是文籍生焉。伏羲、神農、黃帝之書。謂之三墳。言大道也。少昊、顓頊、高辛、唐虞之書。謂之五典。言常道也。至于夏、商、周之書。雖設教不倫。雅誥與義。其歸一揆。是故歷代寶之。以爲大訓。八卦之說。謂之八索。求其義也。九州之志。謂之九丘。丘聚也。言九州所有。土地所生。風氣所宜。皆聚此書也。春秋左氏傳曰。楚左史倚相。能讀三墳。五典。八索。九丘。卽謂上世帝王遺書也。

中國歷代卜人傳卷七

潤德堂叢書之八

鎮江袁阜樹珊編次

浙江省一

浙江省在我國東南部。爲沿海各省之一。境內有浙江。因名。禹貢揚州東部地。春秋爲越地。秦漢迄晉。歷爲會稽、丹陽等郡地。唐爲江南東道。後分浙江東西道。宋兩浙路。後分浙東浙西兩路。元置江浙等處行中書省。明置浙江布政使司。清置浙江省。民國仍之。其地東濱東海。南通福建。西隣江西。安徽。北接江蘇。省會爲杭州市。

66

仁和縣

漢錢塘地。五代時吳越置錢江縣。宋改曰仁和。明清時與錢塘並爲杭州府治。浙江省亦治此。民國併仁和錢塘爲杭縣。

周 范蠡字少伯。楚宛三戶人。事越王句踐。苦身戮力。與句踐深謀。二十餘年。滅吳。報會稽之恥。北渡兵於淮。以臨齊晉。號令中國。周元王賜句踐胙。命爲伯。諸侯畢。

賀號稱霸王。蠶以大名之下。難以久居。乃乘舟浮海以行。自號鷓夷子皮。

鷓音攝支韻

也。並遣大夫種書曰：蜚鳥盡，良弓藏；狡兔死，走狗烹。越王爲人長頸鳥喙，可與共

患難，不可與共安樂。子何不去？種見書，稱病不朝。人或讒種，且作亂。越王乃賜種

劍曰：子教寡人伐吳，七術寡人用其三，而敗吳。其四在子，子爲我從先王試之。種

遂自殺。

史記越王句踐世家光緒浙江通志○吳越春秋云：吳王欲擇吉日殺越王，越王聞之，召范蠡告之，曰：孤聞於外，心獨喜之，又恐其不卒也。范蠡曰：大王安心，事將有意。在玉門第一。今年十二月

戊寅之日，時加日出。（時謂月將之子，日出謂卯時也。）戊，囚日也。寅，陰後之辰也。合庚辰，歲後會也。夫以

戊寅日聞喜，不以其罪罰日也。時加卯而賊戊，功曹爲騰蛇而臨戊，謀利事在青龍，青龍在勝光而臨酉，死氣也。

而尅寅，是時尅其日，用又助之，所求之事，上下有憂。此豈非天網四張，萬物盡傷者乎？王何喜焉？果以子胥諫

而復囚之石室，越王謂范蠡曰：今三月甲辰，時加日映，孤蒙上天之命，還歸故鄉，得無後患乎？范蠡曰：大王勿

疑，直抵道行，越將有福。吳常有憂。○四庫全書提要子部術數類，論六壬大全有云：惟是六壬所重，莫過於天乙

貴神，陰陽順逆，爲吉凶所自出。如匠者之準繩繩，而先天之德起於子，後天之德起於未，以五千德合神取貴，

承學之士，多未究其源。我聖祖仁皇帝，御定星歷考原一書，貫串環衡，權輿圭臬，以訂曹震圭書丑夜未之誤。實

足立千古之標準。皇上御纂協紀辨方書，復中暢斯旨，諸案吳越春秋所載子胥之占，三月甲戌，時加鷄鳴，而以

爲青龍在酉，是甲日丑爲陰貴也。范蠡石室之占，十二月戊寅，時加日出，而亦以爲青龍臨酉，功曹爲騰蛇，是戊

日丑爲陽貴也。沿溯古義，皆與聖謨垂示，先後同符。大全所取天乙，尙沿俗例。卷中僅載先天貴人一圖而不

用，未免失之舛錯。

明

陳岳山，岳音節，山曲也。仁和人。居竹竿巷。以星命爲業。言事歷歷有驗。一日與鄰老游

郊外欲回。陳強之弗得。云爾去必遭官杖。其人不信。偶冲郡守節級。果遭杖。又常見郭顏色門首豎旛。欲爲醮事。陳曰。此日不宜作醮。道士云。文奏已定。不可改矣。竟於是日行之。後果遭官事。出山足跛性傲。雖富貴人亦慢薄之。終無求於人。以貧死。

明 張翱。仁和人。精推步占候。宣德間。潘中丞將往南粵視師。翱感知已。強與行。一日坐帳中。見片雲隱隱起。離震間。謂潘曰。事濟矣。有頃烈風南來。此捷音也。已而果然。會潘欲疏薦翱逃去。易名晦跡。以終其身。嘗賦詩云。有意欲嘗千日酒。無心去傍五侯烟。蓋其志也。以上光緒浙江通志方技

明 郭青螺。中丞善拆字。與蔡見麓家宰同官於浙。是時家宰爲右方伯。有引去意。一日坐弘濟堂。家宰曰。子爲我拆一字。指堂匾弘字。郭曰。公爲何事。曰。子只拆字。不必問事。郭曰。公意將引去。而數未能。公曰。何也。郭曰。弘字左爲弓而無一。是未能引。右爲人而無土。是未能去。公笑曰。奇哉。郭又曰。非徒如此也。堂匾有濟字。公

將開府齊魯。或操江。又不徒如此也。堂字尙書而後歸土。公笑曰。是太穿鑿。後其

言一一驗。

明朱國禎湧繪小品。○早按。郭子章。字相香。號青螺。秦和人。隆慶進士。累官貴州巡撫。以功進太子少保。兵部尙書。著述甚富。有易解等書。

清

柴紹炳。字虎臣。明遺民也。少有至性。生計清寒。父亡於官。求商人附載東去。迎

棺歸葬。躬自負土成邱。時節祭奠。涕淚迸湧。松草爲之萎絕。里中有避父笞出亡者。紹炳遇之。問得其故。大悲曰。爾有父笞非苦。我無父笞乃苦耳。爲賦遊子遇孤兒行。其人垂泣自恨。卒爲孝子。入國朝。居仁和南屏山。貧甚。屏絕餽餽。賣藥自給。紹炳於陰陽象緯律歷輿地農田水利戎兵賦役莫不研講。康熙八年己酉。敕舉山林隱逸之士。浙撫范忠貞公親詣之。請以應詔。固辭。卓卓乎東京人物也。

鄞陳康祺郎潛

第二

清

吳任臣。字志伊。一字爾器。初字征鳴。號託園。仁和人。諸生。康熙己未。召試博學鴻詞。授翰林院檢討。志行端慤。博學而深思。兼精天官奇壬之學。射事多中。時人

比之管郭。撰有十國春秋山海經廣注春秋正朔考辨託園詩文集等書。

錢塘諸朱
實時人傳

清

應搢謙、字嗣寅。

一字潘

仁和人。

清史稿載錢塘人。

事母至孝。殫心理學。以不欺爲本。自以故

國諸生。絕意進取。康熙戊午。詔徵博學鴻儒。大臣項景襄、張天馥、交章薦之。稱病

不出。性介特。家貧。嘗賣卜。

臨平鎮。在浙江杭縣四十一里。自昔爲浙西要地。

授徒自給。癸亥年卒。年六十九。

學者種潛齋先生。搢謙於易、書、詩、禮、樂、春秋、孝經、四書。各有著述。又撰教養全書。

性理大全、潛齋文集。凡十餘種。

清史稿儒林和縣志列傳。

清

趙大川、仁和人。測字。吳山、乾隆己卯。姚米山、紳。拈得死字。大駭。大川曰：君問何

事。曰：功名。大川曰：必中。一畫是第一名。下夕已各具己卯之形。可預賀。姚果於是

年領薦。有問婚姻者。亦拈死字。大川曰：吉。下夕已。有死央之形。上一畫。乃一對死

央。同到老也。又有拈一字問疾者。大川曰：必亡。一乃生字末筆。死字起筆也。其人

果不久病卒。

清

李殿颺、仁和人。測字。吳山。亦極靈驗。有某欲娶妾者。就李問之。拈得一節字。心

頗不懌。又舉一物，乃燭臺一事。李曰：卽刻就成。汝欲娶二人耶？以卽上有兩個字也。此必是偏房。以洞房花燭，只得一枝耳。又有問之者，亦得一節字。復舉一物，乃鏡一事。李曰：汝欲娶再瞧妾耶？以兩個俱不成郎也。此必汝舊御之婢，棄之而今復收之。所謂破鏡重圓也。又有問功名者，拈得困字。復舉一物，乃弓一張。李曰：不佳。木塞口內，如何說得出好來？有弓無矢，如何命中得來？其機巧多類是。

以上紹興先正遺書

文獻筆錄

清

錢林，字叔雅，號金粟。初名福林，仁和人。嘉慶庚申舉於鄉。戊辰成進士，官至侍

讀學士。學問淵博，深於經史。旁及天文地理、律曆、河渠、兵法、刑名，罔不通覽。究微久於吏者，咸拱手謝不敏。其餘奇門遁甲、六壬、靈樞素問、傷寒金匱之書，無所不

通。道光戊子卒，年六十七。著有文獻徵存、玉山草堂集。

閩爾昌碑傳補餘錄

清

沈志言，以半仙稱。仁和人。故貴公子，精子平術。著子罕言二卷行世。

光緒杭州府志藝術

清

王遲，字伯舒，仁和人。廣文。規行矩步。道光時，歷爲郡邑記室。無絲毫干請。長吏

皆賢之家在杭州一畝田。背郭面河。門多野趣。晚歲歸來。蕭然一室。人罕接其面。獨好青鳥。家言尋山問水。樂而忘倦。清神類鈔方按

67

錢塘縣秦置錢唐縣。後漢省入餘杭。吳復置。陳置錢唐郡。隋仍廢爲縣。唐以唐爲國號。加土爲錢塘。明清皆爲杭州府治。浙江省亦治此。民國廢府。改錢塘及仁和爲杭州。仍爲省治。浙江通志。謂宋以前

之錢塘故城有四。一在靈隱山麓。二在錢塘門外。皆漢魏時治也。一在錢塘門內。今爲教場地。唐縣治也。一在紀家橋華嚴寺故址。宋縣治也。清一統志則謂靈隱山下。並無錢塘之跡。錢塘故城。實止有三。今皆不存。

越吳

葉簡。錢塘人。善卜筮。一日武肅王坐衙。忽旋風南來繞案。簡曰。此淮帥揚渥薨。當遣弔祭。王曰。賀生辰使。方去。奈何。簡曰。但語以貴國動靜。皆預知之。王遣弔。渥

果死。一軍皆驚。光緒杭州府志藝術

宋 諸先生失其名。杭人舉進士。當赴禮部。遇異僧。傳以易數。云。易有三術。上者不可言。中者猶足了死生。證心地。下者知象數休咎。子當傳吾術。足以資生。不必仕官。子命薄也。遂盡受其術。不復就省試。又以授其子。亦驗。其書號三宮易。六遇易。晁說之得之不能用。光緒杭州府志藝術

宋沈括字存中。錢塘人。擢進士第。神宗時爲河北西路察訪使。遼蕭禧來理河東黃嵬地。遣括往聘。凡六會契丹。知不可奪。遂舍黃嵬。歷知延州。文祐中以光祿分司居潤八年。卒年六十五。括博學善文。於天文。方志。律曆。音樂。醫藥。卜算。無所不通。皆有所論著。又紀平日與賓客言者爲筆談。多載朝廷故實。者舊出處。傳於世。

宋史附傳。夢溪筆談。○象數論云。六壬。天十二辰之名。古人釋其義曰。正月陽氣始建。呼召萬物。故曰發明。二月物生根。故曰天魁云云。極無義理。予按發明者。正月三陽始兆於地上。見龍在田。天下文明。故曰發明。天魁者。斗魁第一星也。斗魁第一星抵於戌。故曰天魁。從氣者。斗魁第二星也。斗魁第二星抵於酉。故曰從魁。一斗杓一星。建方。斗魁二星。建方。一星抵戌。一星抵酉。傳送者。四月陽極將退。一陰欲生。故傳陰而送陽也。小吉。夏至之氣。大往小來。小人道長。小人之吉也。故爲婚姻酒食之事。勝先者。王者向明而治。萬物相見乎此。莫先也。太一者。太微垣所在。太一所居也。天罡者。斗杓之所建也。一斗杓謂之魁。蒼龍第一星亦謂之亢。與斗剛相直。太一者。日月五星所出之門戶。天之衝也。功曹者。十月歲功成而會計也。大吉者。冬至之氣。小往大來。君子道長。大人之吉也。故主文武大臣之事。十一月子位。北方之中。上帝所居也。神后帝君之稱也。天十二辰也。故皆以天事名之。又云。事以辰名者爲多。皆本於辰巳之辰。今略舉數事。十二支謂之十二辰。一十二時謂之一辰。一日謂之一辰。日月星謂之三辰。北極謂之北辰。大火謂之大辰。五星中有辰星。皆謂之辰。今考子丑至於戌亥。謂之十二辰者。左傳云。日月之會。是謂辰。一歲日月十二會于東方。蒼龍角亢之舍起於辰。故以所首者名之。子丑戌亥。既謂之辰。則十二支十二時。皆子丑戌亥。則謂之辰無疑也。一日謂之一辰者。以十二支言之。以十干言之。謂之今日。以十二支言之。謂之今辰。故支于謂之日辰。日月星謂之三辰者。日月星至於辰而畢見。以其所首者名之。故皆謂之辰。四時所見有早晚。至辰則四時畢見。故曰加辰爲晨。謂日始出之時也。星有三類。一經星。北極爲之長。一舍星。大火爲之長。二行星。辰星謂之長。故皆謂之辰。北辰居其所。而衆星拱之。故爲經星之長。大火天王之座。故爲舍星之長。辰星日之所輔。遠乎日。不過一辰。故爲行星之長。又云。今之卜筮。皆用古

書。下抽擊乎用之者。惟其寂然不動。乃能通天下之故。人未能至乎無心也。則惡物之無心者而言之。如杓龜鑿瓦。皆取其無心。則不隨理而靈。此近乎無心也。又云。呂才爲卜宅祿命卜筮之說。皆以術爲無驗。術之不可恃。信然。而不知彼皆寓也。神而明之。存乎其人。故一術二人用之。則所占各異。人之心本神。以其不能無異。而寓之以無心之物。而以吾之所以神者言之。此術之微。雖可以俗人論也。才又論人姓。或因官。或因邑族。豈可配以官商。此亦是也。如今敬者或更姓文。或更姓荀。以文考之皆非也。敬本從荀。(音亟)從支。今乃謂之荀與文。五音安在哉。此爲無義。不待遠求而知也。然既謂之寓。則荀以爲字。皆寓也。凡觀聽思慮所及。無不可寓者。若以此爲妄。則凡禍福吉凶。死生變化。孰爲非妄者。能齊乎此。然後可與論先知之神矣。○靈。務齋切。音問。裂也。玉之瑛也。

宋

古象。杭瓦子下卜者。休寧程璠往杭都求牒。漕試不遂。謁象問休咎。象列著布

卦。曰。若遇會稽康仲穎。定知名譽達朝紳。璠不曉所謂。亟還應鄉舉。行至近城三十里。己八月二十日。問本郡試官何人。曰。建康府教諭康仲穎也。璠大喜。是年領鄉薦。明年仲穎赴班。改爲省試官。其卷又出本房。光緒杭州府志藝術

宋

范居中。字子正。錢塘人。父儒。假卜術爲業。居三元樓前。每元夕必題時事於燈

紙。郡人聚觀。遠近皆知名。父子俱善琴能書。大德間。被旨赴都。早按。大德二字疑誤。有南樂府。及南北曲行世。鍾嗣成爲之傳。光緒杭州府志藝術

宋

徐大升。一作徐升。字東齋。錢塘人。以人所生日主之干支五行。分作六事。作淵海子。

平。至明楊淙，字竹亭，清江人。又增校之。

淵海子平序

宋 張介，以命術遊公卿間，居錢塘西湖上。常自京師南歸，士大夫率爲詩贈之。

光緒

浙江通志方技

宋

徐復，字復之，又字希顏，建州人。初游京師，舉進士不中，退而學易，通流衍卦氣。

自筮知無祿，遂無進取意。游學淮浙間，數年益通陰陽天文地理，遁甲占射諸家之說。范仲淹過潤州，見復，問曰：「今以衍卦占之，四陲無變異乎？」陲，音垂，邊疆也。復剋西方。

當用兵，推其月日，後無少差。慶曆初，與布衣郭京俱召見。

郭京亦通術藝。

帝問天時人事。

復對曰：「以京房易卦推之，今年所配年月日時當小過也。剛失位而不中，其在疆

君德乎？」帝又問明年主何卦，復曰：「乾卦用事，說至九五盡而止。明日命爲大理評

事，固以疾辭。乃賜號沖晦處士，補其子發，試祕書省校書郎。復性高潔，而處世未

嘗自異。後居杭州萬松嶺，十數年。卒年七十餘。時林利靖尙無恙，並稱二處士。

元豐

類纂徐復等，復死十餘年，而沈遵知杭州，榜其居曰：高士坊云。○宋史隱逸元緒浙江通志寓賢

宋 富初菴國初以占筮起東南時錢唐初內附以故都生聚既繁實力殷盛世皇

占其後來如何既成卦而富猶未之知也世皇曰我占宋故都富對曰誠如所占其地五六十餘年後會見城市生荆棘不如今多也今杭州連厄於火又復困於科

繇視昔果不違富之占亦神矣

宋鄭元佑德明
遂易山人書

宋 仰宗臣字顛峯善以字卜休咎文信國公贈以序云顛峯仰宗臣以拆字之術

行京師諸公贈言陳往驗甚悉予未卽信試之且數年每言輒酬奇矣哉予問顛峯曰禍福將至必先知之吾聖人則有教矣就字而言字心畫也得於心應於手夫固動乎四體之一也由此而推資稟之強弱操術之正邪生死壽夭貧賤富貴之理於其字畫之大體而夫人之平生可一言而盡是則予固能知之今夫卒然而遇人曰請所欲書夫人者亦倘然應之曾不經意而子於其偏旁上下之間細繹解說袖音抽釋音亦袖釋謂引其端緒也曰某宜禍某宜福則其臨書之際豈亦有鬼神壓乎其上誘其中而運之肘歟不然字而字耳何靈之有顛峯曰未也天下禍福之占于其

動而已。木之榮枯。康節不能索之於其靜。一葉之墜。算法生焉。世人見墜葉多矣。誰知大化寄此眇末。子之觀字也。于其心。予之觀字也。于其心之動。是法也得之。異人。異人誠勿言。君退思之。予推其理不可得。而又動於顛峯之異。則思夫聖人之於事。其存而弗論者不少矣。相視一笑。就用其言贈焉。文山全集贈仰頤峯拆字序

宋

徐鏡齋相士居京師。負盛名。文山先生以詩送之。鄒忌不如徐公美。引鏡自窺。得真是門下。食客纔有求。昏昏便與妻妾比。徐家耳孫却不然。自名一鏡。京師市。世人無用看青銅。此君雙眼明秋水。君以無求遊公卿。勿令此鏡生瑕滓。碟子大面何難知。從今光照二百里。文山全集贈鏡齋徐相士

宋

楊桂巖相士文信國公嘗與之友。其所贈七律詩云。榮悴紛紛未可期。夕多未振已朝披。得剛難免於今世。行好須看有驗時。萱畫堂前惟有母。槐陰庭下豈無兒。好官要做無難做。身後生前是兩岐。又詩云。貧賤元無富貴思。泥塗滑滑總危機。世無徐庶不如臥。見到淵明便合歸。流落丹心天肯未。崢嶸青眼古來稀。西風

爲語巖前桂。若更多言却。又非。又詩云。此別重逢。又幾時。贈君此是第三詩。衆人皆醉從。教酒獨我無。爭且看棋。凡事誰能隨物覩。覩。字典無此字。此心只要有天知。自知。

自有天知得。切莫逢人說項斯。同上附桂巖楊相士

宋

周生錢塘人。善相字。建炎間。車駕至杭。時金騎驚擾之餘。人心危疑。執政呼周生。偶書杭字示之。周曰。懼有驚報。乃拆其字。以右邊一點配木上。卽爲兀朮。不旬日。果傳兀朮南侵。當趙秦廟謨不協。各欲引退。二公各書退字示之。周曰。趙必去。秦必留。日者君象。趙書退字人去日遠。秦書人字密附日下。日字左筆下連。而人字左筆斜貫之。踪跡固矣。欲退得乎。旣而皆驗。宋碑類鈔方技

元

陸華之。錢塘人。以賣卜馳名。且通文學。縉紳多與之友。光緒浙江通志方技

元

王逵。字志道。錢塘人。足一跛。家極貧。無以朝夕。因賣藥不繼。又市卜。博究子史百家。客至輒談。今古不休。人知其辨博。每以疑難質之。矢口輒應。著蠡海集。行世。

光緒浙江通志隱逸。明吳郡黃姬水質士傳。質曰。跛者王生。外款內足。山袖秦方。市簾楚卜。學必窮年。談唯稽。質。奧義隱詞。質皆彰暴。蠡海集云。夫陰陽者。氣聚成形。形成爲質。形成爲氣。至質方剛。形未能動。質具方

動。海沫之結。石乳之凝。皆先柔而後剛。含胎之腹。抱伏之卵。皆先靜而後動。此天一生水。地二生火之義也。魄始聚而魂隨之。形質具而魂魄交。然後各得其所。以生。此天三生木。地四生金之義也。體全以成性。理具以爲物。此天五生土之義也。是以太極未分之前。萬事萬物一源。故曰陰陽一太極也。干有十支。有十二。干不配肖屬而支配者。天賦氣。地成形也。人所以稱肖屬及支。而不及干者。父施氣。母有形也。身依母而生。然人姓獨稱父者。原其受氣之本也。天一生水。地二生火。天三生木。地四生金。天五生土。一二水火之生。形具而質未全。故水有乾潤。火有灰燼其耗連。三四金木之生。形質始具。故木枯朽。金之剝蝕。其耗也速。至五土而形質全備。故五古而無耗也。五行惟火無定著。由木而見形。依土而附質。因金而顯性。遇水而作聲。或問五行相生。惟金生水。惟明。蓋金者氣也。水生於氣聚。故金生水也。又云。天者金之體。星者金之精。氣降於天則爲雨。氣出於地則爲泉。天爲陽變化。故或雨暘。地爲陰守常。故泉流不息。陽爲奇。陰爲耦。靈屬陽得奇。夜屬陰得耦。奇單。故日得一。耦拆。故夜得二。是以上半夜爲今日。下半夜爲明日。是夜得二也。夜子時。只是在夜半之前。故稱夜子。適在亥時之後。故只有初刻。而無正刻。子時却只有正刻。而無初刻。其意可見也。生剋制化。古今論炙人口。然生剋化皆易見。獨制字則難明。蓋制緣生中有剋。剋中有用也。凡生中有剋者。謂如木生火。火盛則木爲灰燼。火生土。土盛則火被遏滅。土生金。土盛則遺其埋沒。金生水。水盛則必沉溺。水生木。水盛則又漂流。蓋雖生而反忌。此所謂生中有剋。凡剋中有生者。謂如木剋土。土厚則喜木剋。是爲秀於山林。土剋水。水盛則喜土剋。是爲撐節阻防。水剋火。火盛則喜水剋。是爲既濟成功。火剋金。金盛則喜火剋。是爲煨煉成材。金剋木。木盛則喜金剋。是爲斧斤斲削。蓋因剋以爲美。此所謂剋中有用。故稱之曰制者。乃不拘於生剋之中也。戊巳兩干寄祿巳午。子寅母家之義。雖然。戊見午刃。則不可一途而取。戊既依土。而祿刃乃一氣火也。俱有生土之意。故戊日得火多則爲印也。己則否。己祿於午。午前則未爲刃。未己連屬土。則非戊午之比也。月忌之說。術家以爲廉貞獨火。故爲忌者。謬也。此乃以洛書九宮推之。初一起一宮。二日二宮。三日三宮。四日四宮。五日則入中宮。爲星極之位。至尊之地。在臣民常忌避。故曰月忌。至於六日六宮。七日七宮。八日八宮。九日九宮。初十日復至一宮。如此循環數去。十四日又入中宮。二十三日又入中宮。是以初五。十四。二十三。爲月忌也。天以五氣育萬物。故雨露霜雪之自天降者皆無味。地以五味養萬物。故自地生者皆具五味焉。月爲陰。主乎水。日爲陽。主乎氣。月行至於子午之位則極盛。故潮汐生焉。日行至於子午之位則極盛。故暑寒甚焉。夏爲陽。夏之日午爲酷暑。冬爲陰。冬之夜半爲嚴寒。

元 李國用字信卿。登州人。嘗爲卒。自北來杭。能望氣。占休咎。世稱神相。其人崖岸倨傲。而時貴咸敬之。謝后諸孫。字退樂者。設早饌延致。至卽據中位。省幕官皆坐。下坐。不得其一言。以及禍福。時趙文敏公。謂之七司戶。與謝嫺戚。屈來同飯。文敏公風瘡滿面。李遙見。卽起迎。謂坐客曰。我過江。僅見此人耳。瘡愈卽面君。公輩記取。異日官至一品。名聞四海。方襄陽未破時。世皇命其卽軍中望氣。行逾三兩舍。適還。奏曰。臣見卒伍中。往往有台輔器。襄陽不破。江南不平。置此人於何地。噫。李之術亦神矣。

元陶宗儀輟耕錄圖書集成
藝術典相術部名流列傳

元 王垚字樂天。其先汴人。宋丞相溥十世孫。由番陽徙京口。工詩文。尤長於康節經世之學。至大改元。瀋陽王引見。奏充說書。從王使高麗還。陳便利三十餘事。時初用銅錢。以才授資國院判官。

光緒丹徒縣志文苑

明 鮑栗之編輯神相全編十二卷。備採古籍。有爲今世所罕見者。錢塘倪岳字舜咨。天順進士。授編修。弘治中。累官禮部尙書。序其書云。同守淮揚。東兗。鮑君栗之。

政事之暇。留意相人之書。首著麻衣之說。復會諸說之宗麻衣者。類輯成編。由是觀之。栗之籍貫未詳。殆亦由科第而從政者。其書已載入清代圖書集成相術部。

神相全編
倪岳序

明

錢彭曾。號覺龕。錢塘人。撰易參五卷。首爲圖說。旁及歷法推步。奇門九宮。干支納音。又推及五岳地形。禹貢水道。堪輿律呂。井田兵法。選擇六壬。提要謂爲泛濫龐雜。無所紀極。四庫經部易類存目二

明

朱琬泉。居太平門外。善課命。正德辛未。有花市。朱子得疾甚劇。父聞琬泉名。往問子病。時三月半後也。算其子難過八九月。其父又以己命與之推。託言親戚之命。朱推云。此人立夏日死矣。時去立夏止十數日耳。朱父未之信。歸告其妻。妻曰。此妄言也。已而皆如其言。光緒浙江通志方技

清

高士奇。字澹人。號江村。錢塘人。原籍平湖。幼好學能文。家貧。以國學生。就試京闈不利。乃賣字鬻文。餬口。新歲爲人作春帖子。自爲句書之。偶爲聖祖所見。旬日

中三試皆第一。命供奉內廷。官至禮部侍郎。卒諡文悟。著有江村銷夏錄、北墅抱
瓮錄、天祿識餘等書。清史稿本傳○天祿識餘。載洪咨齋云。易乾坤之下。六卦皆有坎。此聖人防患備險
之意也。余謂屯蒙未出險者也。訟師方履險者也。戒之宜矣。若夫需者燕樂之象。比
者親附之象。乃亦有險焉。蓋斧斤鳩毒。每在於衽席杯羹之間。
而謂諷笑語。未必非圖弓下石者也。於此一卦。尤不可不嚴焉。

清

汪淵字魏美。錢塘人。少孤貧。力學。舉崇禎己卯鄉試。甲申後。遂棄科舉。嫻黨欲
強之試禮部。出千金賂其妻。俾勸駕。妻曰。吾夫子不可勸。吾亦不屑此金也。徙居
孤山。匡牀布被外。殘書數卷。鍵戶出。或返或不返。莫可蹤跡。晚好道。夜觀天象。晝
習壬遁。能數日不食。了不問世事。康熙四年乙巳秋。終於寶石山僧舍。年四十有

八。

清史稿
汪逸

清

林瀾字觀子。杭州人。鼎革之際。以成童冠博士弟子員。便棄去。徧讀諸藏書。好
孤虛之學。討練有年。遂繙演禽六壬奇門太乙遁甲占候風角以逆刺諸物。通驗
若神。每曰。數雖小道。能探精研微。可以補造物不全之憾。發生民未見之隱。所繫
豈細若夫。君平布算。激貪勵俗。亦在人爲之耳。又仿璣衡舊軌。按其圖目。分躔別

氣。其言災祥暑漏。可以時應。人或以西學難之。瀾曰。使吾爲五官正者。吾能講太乙五紀八象三統諸歷。以折取於中。吾甘與西學較尺寸哉。杭俗好相地。中外姻亞多靈樞。瀾過而咨嗟。覓海角神經。唐世所祕爲金匱玉匣。回元天機者。搜討其論說。登山臨水。躬驗諸吉凶離合。卽以五行生剋二氣王衰。推諸地道。周親歸葬者。多得效去。於是葬者日以告。卽鄰人柩室。皆爲之空。乃復痛天札疵癘。無由拯救。以元滑壽素問鈔。分類汰冗。爲靈素合鈔。又爲傷寒折中。鏤版行世。一時名流如張弮子。沈亮宸。廬子由。陳易園。潘夔師輩。皆互相發明。以昌大其說。瀾爲人沈默。而說理侃侃。著書等身。康熙三十年辛未卒。年六十五。

著靈類微初編光緒杭州府志藝文

清

張永祚。字景韶。浙江錢塘人。幼卽喜仰觀五緯。通曉星學。究悉天象。年近三十。

督學王蘭生稔其學。錄爲諸生。閩浙總督嵇曾筠。求通知星象者。試永祚策。立成數千言。薦於朝。授欽天監博士。屢引見。占候悉驗。詔刊二十二史。永祚校勘天文律歷兩志。及書成告歸。著書曰天象源委。卒後有女傳其學。壻沈度。亦善推步。守

其書。清史稿
藝術

清 舒繼英，字偶王，錢塘人。著有乾元祕旨詳論五星與五行至理及鑒別雙生之

造尤多卓見不獨辨別富貴壽夭獨多特少之異同己也。乾元祕旨序

清 松山人者隱居武林南高峯下不衣不食有道術能前知吾邑魏叔子冲曾以

甲子年家四字寄請一決踰年以原字寄還傍批四不字後叔子果不登甲榜又

無子死時年未六十家貧甚幾無斂一一如松仙所決。清虞山王應奎柳南隨筆

清 諸可繼字述齋號小滕。神陵切
讀稻田畦也自號潛安未冠補博士弟子員附錢塘縣學

第一秋試頻躓以輸餉議敘初得江蘇試用知縣後改官都察院額外都事庚申

間避地崇明縣鄉居授徒以訓詁歷算爲之規又爲人卜筮相地有酬金若米者

受之自給伏處四年海上學者稱潛安先生同治三年甲子六月就選人且應京

兆試附輪船行中道感時疾海舶乏醫倉猝而卒年僅二十有九聞者多傷之。諸

寶聽人
傳三編

河

沈紹勳字竹初錢塘人資稟絕人學易之外兼精術數尤善形法家言於京焦

子雲伯陽仲翔康節諸書皆沈思孤往銳入芬微致密也含咀經旨刊落箋注自

闢徑蹊括象舉數獨造理解灼破彙疑編立切音取辨廣韻木盛貌蓋舉明清兩朝學易而有創

見者如來知德胡煦焦循端木國瑚之倫未有能蓋之者也光緒丙午卒年〇〇

〇〇所著有周易易解十卷周易示兒錄三編周易說餘一卷子祖緜字颺民精

堪輿承家學著述甚富爲世推重周易易解金天羽序〇周易示兒錄云醫之五運六氣見素問運範

陰少陽太陰陽明出於爻辰十二次舍是爲月令之氣年年定局不易以南政北政輪布氣相得爲和不相得

爲害卽六數也以天地造化之機與人身相應其理皆出於易卜筮者龜主卜著主筮今龜卜已佚著筮人猶

能爲之朝鮮日本均以著无著易以竹著草伏羲文王二陵周公墓孔林皆產之漢易中言筮理首推京氏

房嚴氏可均輯京氏易八卷尙可讀後世以錢代著出火珠林人以爲出於京氏誤也且通行本之火珠林非舊

法也筮之變相爲六壬吳越春秋謂伍員范蠡皆精此術太史公曰勾踐傲文王八卦卦以破敵國霸天下卽六

壬也國語冷州鳩之對七律亦卽六壬又有風角奇門風角今多不用奇門較筮爲簡易且占斷亦較筮爲易

題式一百十六局今云百八局僅得其半耳惜術士杜撰名目將卦名竄改又增設神煞名目以炫世人實可鄙

也又有太玄經占邵子皇極經世占揲筮之流也惟起數略有不同爾星命推人命之榮枯皆出於易分演卦

演禽納甲納音四種演卦者卽今之河洛經數將年月日時之數分奇耦數各若干奇數與天數相加減耦數與

地數相減所得之數演成一卦是也惟支之起數如子爲一六之類是湊合生成之數於義有所未安演禽

卽用易之爻辰洵古法也韓退之三星行我生之辰月宿南斗牛爲其角箕張其口牛不見服箱斗不挹酒漿

箕獨有神靈先時停斂揚東坡亦謂生時與退之相似吾命在斗牛間而身宮亦復在焉卽演禽也納音取年月

日時。五行生剋。推人休咎。納甲卽今之子平法。相人之術。一切名詞。皆出於爻辰宮度。氣色合五運六氣。堪輿。堪天道。輿地道。最古之書。爲青囊經。共百有八句。其法全出於易。堪輿者天地之氣。合而爲一而已。其法以三白爲吉。三白者乾六白。坎一白。艮八白是也。其所以吉者。天南地北。三白在北。人得地氣故吉。有清言易者。如胡氏煦。江氏永。紀氏大奎。張氏惠言。端木氏國瑞。所著堪輿諸書。咸與易理相悖。是經生之於易。知其體而不知其用。故有此弊。律呂。其源出於隔八相生及爻辰。故十二律合十二次舍。自子至巳。爲陽律。陽呂。自午至亥。爲陰律。陰呂。六十甲子有納音。蓋六十律。旋相爲宮之法也。一律合五音。十二律合六十音也。

68

杭縣

漢錢唐縣。唐加土爲錢塘。五代時。吳越分置錢江縣。宋改錢江爲仁和。明清時。爲浙江杭州府治。民國廢府。并仁錢二縣爲杭縣。爲浙江省治。地居錢塘江下游。北岸當運河終點。爲全浙扼要地。城垣甚

廣。舊分內外二城。開十門。內包吳山。西臨西湖。風光明媚。靈秀甲於全國。憑杭甬鐵路以此爲中心。北達上海。東通甬縣。交通便利。商賈雲集。內城舊爲駐防旗人所居。今拆去其城。闢爲新市場。街衢寬廣。商業亦盛。有商埠在城外拱辰橋。中日馬關條約所訂開放也。物產以綢緞爲最著。杭菊。杭芡。及龍井茶。西湖藕菜。劉粉等。亦均有名。

元

謝生善推星命。效法歐陽可山。戴帥初表元贈序云。余十八九時遊杭。杭故多

技術家。其用星歷躔度。去來逆順。言人災祥貴賤。以微名逐利者甚衆。大抵重簾複肆。業愈售。則愈貴重。不可褻。有歐陽可山。栖栖自江西來。白晝侍官墻。設案席。夜卽篝燈露談市中。余間往聽之。術與衆星翁異。往往雜取五行生剋化之說。士大夫旣相駭惑。而衆星翁亦共排斥之。以爲何必乃爾。可山翁曰。我術誠不能強人。然不出三十年。必當如我說也。余遊戲。猶記其語。越十年去杭。又二十年再

過之。舊所接識人物。一一無復存者。況於可山之徒。復何從物色。於是後一輩談星家。無高下。例以五行生剋。制化爲斷。如兵法吏律。從之則合。於算遠之則謬。於測雖不識。可山翁者。靡不悉然。余驚歎錯愕。竟不知可山翁之語。何以如斯之驗也。東山謝生。亦學可山翁之術。加精密。初聽似任心。輒發及揣摩某禍。後當如彼。某福。後當如此。無不應。其屢爲所經。裏囊握券。以候之。叩門恐後。噫。可異哉。謝生之父。於余爲同產兄弟。本業儒。儒無所售。而出於此。其意若以余爲覆車之戒。獨感可山翁之自信。不以勞窶廢。阻卒能使人尊。用其道不疑。非近於古之身死言立者耶。而吾黨何爲。乃獨不然。因爲遂書所見。勵生。且以自勵云。

元戴表元
剡源集

清

諸遠之相士武林人。

浙江杭州縣古稱武林。以縣西有武林山而名。

朱柏廬先生贈詩云。寂寞窮村老鷓冠。

客窗與子共盤桓。煙霞骨相逢。姑布冰雪襟懷許。伯鸞山寺落梅傷。別易天涯芳草寄愁難。西陵南浦應記憶。月滿中庭各倚闌。

朱用純
毋欺錄

63 海寧州

漢海鹽縣之鹽官地。三國吳置鹽官縣。陳於縣置海寧郡。尋廢。元置海寧州。明降爲縣。清復爲州。屬浙江杭州府。民國仍爲縣。縣境南濱大海。往來潮汐。衝擊不常。沿海有塘。自唐以來。歷代修

齊南

樂解甚鉅。感統
雨鐵路。貫其四境。

顧歡字景怡。鹽官人。家世寒賤。父祖並爲農。歡獨好學。年六七歲。畫甲子。有簡三篇。歡析計。遂知六甲。鄉中有學舍。歡貧。無以受業。於舍壁後倚聽。無遺忘者。八歲誦孝經詩論及長。篤志好學。母年老。躬耕誦書。夜則燃糠自照。同郡顧覲之。臨縣見而異之。遣諸子與游。及孫憲之。並受經句。歡年二十餘。更從豫章雷次宗。諮玄儒諸義。母亡。水漿不入口六七口。廬於墓次。遂隱遁不仕。於剡天台山開館聚徒。受業者常近百人。歡早孤。每讀詩。至哀哀父母。輒執書慟泣。學者由是廢蓼莪篇。不復講。太祖輔政。悅歡風教。徵爲揚州主簿。遣中使迎歡。及踐阼。乃至。歡稱山谷臣。願歡上表。中有臣志盡幽深。無與榮勢。自足雲霞。不須祿養。陛下旣遠見。尋求敢不盡言。言旣盡矣。請從此退。永明元年癸亥。詔徵歡爲太學博士。亦不就。歡晚節服食。不與人通。每旦出戶。山鳥集其掌取食。事黃老道。解陰陽書爲數術。冬效驗。初元嘉末出都。寄住東府。忽題柱云。三十年二月二十一日。因東歸。後太祖

弒逆。果是此年月。自知將終。賦詩言志云。精氣因天行。游魂隨物化。剋死日。卒於剡山。時年六十四。還葬舊墓。木連理出墓側。縣令江山圖表狀。世祖詔歆諸子。撰

歡文議三十卷。南齊書高逸

明

宋鎮明於天文。洪武丁丑。以薦累官。欽天監掣壺正。子徽。字仲和。正統間。爲保章正。纂捷法。數書占奏。奇中。屢被優賞。後歸里。賜第承恩堂。子孫世官。欽天監博

士。迄於明終。其在破者。今尙世爲陰陽家。康熙縣志藝術參民國海鹽州志方技

明

鍾調。字彘。諸生。生長闕闕。而耽嗜天文。所居蓬戶頽垣。嘗累几至十餘。中秋獨坐其上。以觀象緯躔舍經紀。歷歷能言其處。又按杜氏通典之文。求諸葛公木

牛遺製。造一小牛。高廣二尺餘。于一室中引之。牛能自躍過檻。惜名不出里巷。其

技終於無施。

明

程道生。字可生。海寧人。撰有遁甲演義二卷。旨約詞該。於用奇置閏之要。頗爲詳具。至論本命行年。謂欲乘本局中吉星生旺。其說亦他書所未及也。四庫提要子部術數類二〇又

云：晉通甲者皆祖洛書，然河圖以圖名，當有奇偶之象，洛書以書名，當有文字之形，故歷固以爲六十五字，見漢書五行志，劉向以爲三十八字，劉歆以爲二十字，並見尚書正義洪範篇，是皆先漢以來，洛書無圖之明證。若如宋以後，所傳四十五點之狀，與河圖不殊，則當名洛圖，不名洛書矣。考大戴禮載明堂古制，有二，九，四，七，五，三，六，一，八，之文，此九宮之法所自昉，而易說乾鑿度，載太乙行九宮九詳，通甲之法，實從此起。其法以九宮爲本，棟以三奇六儀八門九星，視其加臨之吉凶，以爲趨避，以日生於乙，月明於丙丁，爲南極，爲星精，故乙丙丁皆謂之奇，而甲本諸陽首，戊己以下，六儀分麗焉，以配九宮，而起符使，故號通甲，其類坎分宮，正授超神，開奇接氣，與歷律通，開休生之取北方三向，與太乙通，龍虎蛇雀，刑因旺墓之義，不外於乘承生超，與六壬星命通，至風雲緯候，無不賅備，故神其說者，以爲出自黃帝風后，及九天文女，皆依託，固不待辨，而要於方技之中，最有理致，考漢志所列，惟風后六甲，風后孤虛而已，於奇通尙無明文，至梁簡文帝樂府，始有三門應通甲語，陳書武帝紀，通甲之名，遂見於史，則其學殆盛於南北朝，隋志載有伍子胥通甲文，信都芳通甲經，葛祕三元通甲圖等十三家，其遺文世不概見，唐李靖有通甲圖一訣，胡乾有通甲經，俱見於史志。至宋而傳其說者愈多，仁宗時，嘗命修景祐樂髓新經，述七宗二變，合古今之樂，參以六壬通甲，又令司天正楊維德，撰通甲玉函符應經，親爲製序，故當時壬通之學最盛，談數者至今多援引之，究之通通於壬，壬於人事爲切迫，通於天文爲優，世所傳五總編，靈波釣叟訣，稍存梗概。

清

陳之遴，字彥升，別號素庵老人，海寧人。明崇禎丁丑榜眼，官中允。順治二年丁

酉，授祕書院侍讀學士。洊遷禮部尙書。

治，音存。

九年乙未，授弘文院大學士。十五

年辛丑，被謫。康熙五年丙午，卒於盛京。

即今遼寧省會，瀋陽縣。

之遴貫徹儒宗，旁通百子，於命

學尤有心得。著有命理約言、命理輯要、滴天髓輯要。對於諸家利弊，各集異同言

之甚詳。別有浮雲集、行世。

清史稿本傳命理約言○清董湖東臬雜抄云：海昌陳相國素庵，繼配徐夫人名，字湘鎮，工詞善畫，吳人也。崇禎中，相國春閣下第，南還，舟泊吳門。

遇雨悶甚，竟散步處，聞徐氏聽花石，因獨詣之。先一夕徐翁夢黑龍碎其金鯽魚缸，是日相國至，方徘徊花竹間，誤觸一盆墮，適碎其缸，相國方踴躍致不安，擬奉償價之，而徐翁欣然問姓名，因留小酌，備極款曲，酒酣，自言有二女，俱有才色，願奉其常，時相國適娶偶，聞之心動，素善子平，遂索其二女干支，歸舟推之，則皆貴，惟長女微帶桃花星，因納其次，即夫人也。抵家後，相國乃諭以其不第娶妾，大怒，欲立遣之，太夫人聞之，曰：此女果佳，即當告之家廟，以歸禮禮之，不然遺未晚也。及至，見其端麗莊重，即以新婦呼之。後與相國偕老云。相國既任本朝，一日過良鄉，邂逅一妓，其貌宛與夫人相似，詢之，則涕泣，自言姓氏，蓋遺棄失身故，即翁翁長女也。因贖歸，攜至京師，後歸一蒲洲武臣，其人後至八座，亦為命婦云。

清

陳誥，字叔大，號實齋，海寧人。康熙壬子舉人。官至禮部尚書。著有四書詩易述、

義學訓規及通鑑述、通鑑輯要等書。其餘律、歷、地理、星卜諸家言，無不各有成書。

昭垂不朽。康熙壬寅卒，享年八十歲。諡文恪。

清史稿列傳錢謙吉碑傳集康熙朝部院大臣之中○海昌陳其元庸閒齋筆記云：清恪公諱，精堪輿之

術。撫貴州日，孫重慶頗發為患，公周鑿其城郭，曰陰陽向背，均失其宜，禍害所由來也。遂奏請築而更之，既成，曰：從此百年，可無兵燹。至道光末年，賊始蠢動，昨築城時已百五十年矣。公嘗於海濱相得一地，以重價購之，而不用。暮年官禮部在京邸，次子卒於籍，家人求葬地，查夫人以所購地與之。公聞之怒，遽請告歸，歸而諸宗戚理之，公不還家，先詣宗祠，於祖父無為公碑主下，取一函示宗戚，啓之，則內書一行曰：某年月日時。公葬無為公於某處，即所葬次子之地也。公愀然曰：余平生涉歷，乃得此地，地之吉與檀樹墳等，不敢自私，而留以葬吾祖。思與伯叔弟兄共之，今乃以葬吾子，負初意矣。然年月日時皆未至，恐不能善，則又詣葬處視之，頓足曰：葬師無識，偏左丈許，壞此佳城，可為惋惜。因指其傍一大樹，令掘之，掘下三尺，得石匣，中有書曰：某年月日時。葬無為公於此。公因嘆家門祚薄，不能得此吉壤。衆曰：何不再移葬之。曰：地氣已洩，不可用矣。衆曰：然則此地遂無用乎。曰：後六七十，子孫當有武官至一品者。至嘉慶初元，公會孫體順公，用數官安徽巡撫兼提督，授一品，封為振威將軍。○又云：公左足下有赤痣，每自謂為貴徵。黃夫人者，公配查夫人之侍婢也，嘗為公濯足，手捧足

而視其症，公笑曰：婢子何知，我所以官極品者，此症之相也。夫人亦笑曰：公欺我，公足祇一痣，已貴爲公卿，我兩足心均有赤痣，何以賤爲婢女。公聞之驚，使跪而視之，信然。遂納爲僮室，生二子，長文勤，公世信，官宰相，次閻齋，公世侃，官翰林，查夫人亦生三子，皆登科第，繼仕，世目公門爲五子登科云。

清

沈祥正，海寧人，居北秧田廟，精易數，得京氏、火珠、林術，占判吉凶，言多奇驗，同

時有張惠生者，居邑之西門，術亦精，人呼兩神卜。

以上民國海
寧州志方技

清

范駮，字文園，別號右醫道人，海寧人，以孝義聞於郡邑，善相人，嘗謂武進周清

原，吳江徐鈞，

鈞，音求，
經牙。

皆當不由科甲入翰林，至康熙己未，周吳果皆以宏博及第，

授檢討，海寧邑城有隙地，或塑太歲像以祠之，范以爲威儀具足，應享巍峨，未幾遂成巨剎，又謂嘉興千佛閣之肖型，其貌慘戚，當厄於火，已而果然，康熙庚申，著水鏡集四卷，姚江黃宗羲爲之序，至今行世，究心相術者多宗之。

光緒浙江通志方
技清碑類鈔方技

清

周宗林，字明上，海寧人，著有六壬纂要一卷，雍正甲寅刊行。

六壬纂
要序

清 杭辛齋，海寧人，得異人傳授博極諸家傳注，故能於易學，竟委窮源，獨見其大，於書無所不讀，故能探蹟索隱，鈎貫於新舊之學，而獨得其通，嘗言曰：易始於包。

犧氏備於神農黃帝大明於文王周公孔子漢人去古未遠其卦氣飛伏陰陽消息皆有所授受非能自創孔子贊易專重人道以明立教之旨故三陳九德以人合天而筮法僅略言及之朱子乃謂聖人教人卜筮之書豈知言耶然河洛爲易象所取則漢學詆爲僞造朱子獨取以冠經首是其卓識亦有不可及者又曰道家祖黃老淵源悉出於易其七返九還六歸八居度數與卦象悉合無論矣所異者佛產印度耶穌生於猶太而華嚴之乘數金剛之相數一八三六百零八之數及七日來復十三見凶之數亦無不與卦象悉合而釋言地水火風西謂水火土氣卽易之乾坤坎離更爲明顯時之先後地之遠近皆略不相蒙而數理之大原乃無不與易相合然則易之所以爲易不從可識乎又曰易如大明鏡無論以何物映之莫不適如其本來之象如君主立憲義取親民爲同人象民主立憲主權在民爲大有象社會政治無君民上下之分爲隨象乃至日光七色見象於白賁微生蟲變化物質見象於蠱凡近世所矜爲創獲者而易皆備其象明其理於數

千年之前。蓋理本一原。數無二致。時無古今。地無中外。有偏重而無偏廢。中土文明。理重於數。而西國則數勝於理。重理而流於空談。而鮮實際。泥數或偏於物質。而遺精神。惟易則理數兼賅。形上道而形下器。乃足以調劑中西。末流之偏。以會其通而宏其用。此則今日學者之責任也。著有易楔。學易筆談。易學偶得。讀易雜記。及詩文集行世。

秋樓海學
易筆談序

70

富陽縣

秦置富春縣。晉改曰富陽。五代吳越時。復曰富春。宋仍曰富陽。明清皆屬浙江杭州府。

宋孫守榮。一名高榮。富陽人。後徙居京口。七歲病瞽。遇異人授風角鳥占之術。其法以音律推五數。播五行以知休咎。復授以鐵笛。守榮因號富春子。吹笛市中。人初不異也。周坦未第時。坐市肆。厲聲詬其僕。守榮揖曰。狀元何怒也。周以給己。不答。給。音給。欺也。諛也。後果廷試第一。嘗寓廣陵。造者如市。有龔某者。偶過稠人中。伸一臂授之。守榮執其手曰。龔朝奉。別十年。何乃抵此。衆皆驚嘆。蓋一揣其骨。終身不忘。或持金玉。請辨其色。摩娑之頃。美惡立判。其神奇多類此。

宋史方技光緒浙江通志方技嘉慶江蘇丹徒縣志方技○縣志陸

墓又云：富春子孫守榮墓，在招隱山洞之南。

明

何有一字復有坊郭里人。繼長子也。

繼，音計。梅祀也。

少讀書，知文義，能詩，爲人迂古質。

直胸無機智，鮮俗情。因讀易，留心數學。見康節邵先生梅花數，悅之，玩月餘，忽覺有悟。一日鴉鳴占之，云：夜坐主夫妻相爭見血，己而更盡。時僕夫與其妻鬪于室，急往禁之，已抹婦額流血。因名老鴉數，所占無不立應。四明桂茂枝，館於周美家。督學使者業行檄試甯波矣。桂書去字，令有占之，曰：字雖云去，而畫直下筆，俱有鈎搭，勿去也。桂不之信。又書壬字，曰：督學去任矣。三日內，卽有徵，必丁艱也。至三日果然，叩其故，曰：士上一撇，是撇卻士子去也。壬字三畫，故三日。督學任甫一年，不可云陞。政聲甚美，未可云罷。故知丁艱，此斷以理也。隆慶丁卯，邵繼稷之姻好某者，以錄考指柱間三字，令占之。有曰：幸甚，一等二名，首名故舊廩也。卽受餼矣。己而果驗。問之，曰：三字上畫濃而正，下二畫淡而輕，是一之二也。首畫方嚴，故知上一名爲舊知名士也。是時首名爲何春畿云。萬歷丙子，陸文宰應試請卜，書當

字曰高等。首食廩矣。當字上截爲賞頭，下爲田字。諸生以廩爲田也。所決事應皆有意理。而于世俗多落落不相入。久之卒。光緒富陽縣志方技

71 餘杭縣

突置始皇捨舟杭於此故名。隋開皇中。嘗置杭州於此。明清皆屬浙江杭州府。

宋

沈野字醇仲。餘杭人。權智之士也。喜著書畫。頗有精識。嘗於錢塘與一道士楊

希孟醇叟相遇。喜其開爽善談。既延與同邸而居。沈善談人倫。而不知醇叟妙於此術也。時蔡元長自翰長斥居西湖。日遣人邀致醇叟。一日晚歸。沈語楊曰。余嘗觀翰林風骨。氣宇皆足以貴。而定不入相。楊徐曰。子目力未至。此人要如美玉琢成。百體完就。無一不佳者。是人當作二十年太平宰相。但其終未可盡談也。圖書集成相術

部紀事○卓按：蔡京字元長，仙遊人，熙寧進士，紹聖初，官戶部尚書，徽宗時，通司空，拜太師，封魏國公，屢罷屢起，欽宗立，侍御史孫觀疏其姦，貶衡州，行至潭州死。

明

趙良字松泉。其家譜載宋禮部尚書趙公汝談之後也。好學。能詩歌。兼善日者。

言。往往奇中。以久困諸生。卽棄去。遊京師。士大夫多客禮之。久之。知其深沈有謀。卽機事亦與謀焉。嘉靖中。內閣華亭徐公與都御史鄒公持正議。除權族。良往來

二公門有密語。雖至親不得與聞者。聞呼良以星卜參訣之。己而前後悉驗。于是二公愛良數學。有斷才。又厚重。可與語。欲薦用之。良辭不就。尋以例授江南灣頭巡檢。缺稱腴。任滿有可以得千金者。良又不肯久居也。嘗曰。盈則覆。謙則安。吾歷都門。爲他人謀多矣。乃不能自爲謀乎。歸之日。著有松泉詩集藏于家。舊志洪武中。別有趙良。以明經官參議。此則官巡檢而隱於星卜者。嘉靖時人也。後曾孫最。先後成進士。民國餘杭縣志藝術

歷代卜人傳卷七終

周禮春官。大卜。下大夫二人。卜師。上士四人。卜人。中士八人。下士。十有六人。府二人。胥四人。徒四十人。掌三兆之法。一曰玉兆。二曰瓦兆。三曰原兆。掌三易之法。一曰連三。二曰歸藏。三曰周易。掌三夢之法。一曰致夢。二曰觥夢。三曰咸陟。

中國歷代卜人傳卷八

潤德堂叢書之八

鎮江袁阜樹珊編次

浙江省二

72

臨安縣後漢臨水縣。晉改曰臨安。宋齊因之。後省。唐復置。吳越改曰安國。宋復曰臨安。明清皆屬浙

江杭州府。臨安舊治在今縣北四里。宋移四盤。明移治東市太廟山右。即吳越衣錦軍治也。

宋

韓慥紹興末賣卜於臨安之三橋。多奇中。庚辰春。曾侍郎仲躬。呂太史伯恭。至

其肆。則先一人在焉。問其姓。宗子也。次第推命。首言趙可至郡守。卻多貴子。不達者。亦卿郎。次及曾。則曰命甚佳。有家世。有文學。有政事。亦有官職。只欠一事。終身無科第。次至呂。問何幹至此。呂曰。赴試。曰。去年不合發解。今安得省試。曰。赴詞科。曰。卻是詞科人。但不在今年。今年詞科。則有人矣。後三年兩試皆得之。且不失甲科。復叩其所至。沈吟久之。曰。名滿天下。可惜無福。己而其言皆驗。

宋

夏巨源。精於卜筮。居臨安。每來卜者。一卦率五百錢。紹興三十年庚辰。洪禹之

自贛倅受代。造朝。其子价侍行。既至。點檢勅造文書。遣其一。遣僕還家訪尋。終不能自釋。乃自詣夏肆。夏書紙上曰。事在千里外。繼書一食字。一堯字。合之則饒字也。曰。文書見在。係一多口人收得。而鴛鴦爲看守。無足憂也。既而僕從饒州至。持所遣返。蓋向者打併行李時。忘在外。小妾福安見之。收實鴛鴦篋內。既悟鴛鴦看守之語。而福字有口。田字有四口。所謂多口人也。以上元緒浙江通志方按

宋

金鈞相士。朝省會。日擠于廳。吏輩入省中。編閱識館職。文時學。昔爲祕書郎。每

嘗叩之。云。左偏坐二人。一月皆當補外。潘墀。王世傑也。末坐一少年。最不佳。官雖極穹。然當受極刑。叩其何以知之。云。頂有拳髮。此受刑之相也。凡人若具此相。無得免者。蓋文宋瑞。名天祥。號文山。時爲正字。居末坐也。未幾。潘王補出。而宋瑞之事。乃驗於兩紀之後。可謂神矣。又嘗見宋瑞自云。平生凡十餘次。夢中見鬪。體滿前後。無數。此何祥也。然則異時之事。豈偶然哉。圖書集成藝術典術部記事

明

徐瑯。字子山。臨安人。精象緯。六壬諸書。戴布冠。踽踽市中。夜則露坐山頂。以測

躋次論者謂古石隱之流。

光緒浙江通志方技
宣統臨安縣志隱逸

73

新登縣

秦富春縣地。三國吳置新城縣。晉省。晉復置。五代時吳越改曰新登。宋復名新城。民國改爲新登。

明 唐肅字處敬。先世家新城。遷於山陰。肅博通經史。旁究陰陽醫卜書數之學。兼

工篆楷。元至正己亥。中浙江鄉試。歷嘉興路儒學正。洪武庚戌。詔修禮樂書。擢應

奉翰林文字。兼國史院編修。以疾失朝。免官。謫佃濠之瞿相山。歲餘卒。

民國新
登縣志

74

嘉興縣

春秋吳據李地。秦置由拳縣。三國吳改曰禾興。又改嘉興。晉以後因之。隋省。故城在今浙江嘉興縣南。唐復置。徙今所。明與秀水並爲嘉興府治。清因之。民國廢府。並以秀水併入。滬杭甬鐵路

之經

元 凌恆達字純一。其先高郵人。五世祖次英。徙嘉興。登慶元五年進士。

早按慶元二
字必誤。蓋金

元皆無慶
元年

恆達年二十棄科舉業。入山學道。歷遊茅山匡廬衡嶽而歸。爲人強記。雖

星歷占相推術小數亦所闡究。左丞王守誠。博士張翥。危素。數從問衛生之要。其

言曰。形骸者。氣血也。金丹者。草木金石也。氣血有時衰耗。形骸焉能久而不枯。形

骸既枯。草木金石。其能延駐之耶。又曰。虛靜恬淡。寂寞無爲。天地清寧。萬物化育。

是謂大藥上丹。衛生之要也。丞相託克託聞之，欲見而窮其微，而恆達南返矣。恆達修髯廣頰，翛然山澤，瓢笠外無他物。嘗暮歸遇虎，從者僵死，獨植立叱之，虎拖尾逝。

元 梅玉，元季嘗來縣之。父山，貝瓊璫，璫音殊，稱其精五行之術，告人吉凶禍福，咸可徵。蓋賢而隱於卜筮者。

元 袁顯，字孟常，一字杞山，魏塘鎮人。少能文，讀書洞見闡奧，自象緯輿圖，以及九流家言，無不綜貫。業醫精皇極太素之術，懸斷禍福無爽。以上光緒嘉興縣志藝術

元 東谷子，嘉興人，居春波門，用五星纏度，遲留伏逆法，推人生年月日時，所值貴賤禍福，毫分縷析，無有不驗。

元 薛如鑑，嘉興永安鄉人，挾相術，遊江湖，一時名士多與交往。楊廉夫、高季迪，皆有詩贈之。子月鑑，孫鑑心，白雲、秋蟾，皆能世其術。以上光緒浙江通志方技

明 徐柏齡，字節之，嘉興人。五試禮部不利，署永嘉縣儒學教諭。歲乙酉，問道入閩。

一官轉徙。出入江海中。尋匿羅陽之天闕山。亂定始歸里。或勸其仍與計吏偕。柏齡笑不應也。柏齡於學務博。經史之外。旁及三乘九籥。以及方書命訣穴法。靡不研究。著有竹浪齋集。錢儀吉碑傳集逸民上之上

清

徐趾生。字朱草。嘉興縣學生。既以嗣父吏部尙書諱石麒公。恩蔭入太學。改名

桂臣。字貞侯。自負其學。取一第如拾。未幾國變。遂謝去。惟博覽古籍。自六經子史。及二氏天官地理百家之書。無不究焉。嘗以李虛中書自占。曰。吾之生。歲在甲寅。庚午之月。丙寅之日。時維戊子。大運丙爲比。子沖午。流年丙爲比。爲劫財。幫日辰太甚。丁又爲幫。雖陰火不及陽火之剛烈。然非佳兆也。丙丁之歲。吾其殆乎。丙辰冬病。丁巳五月五日果卒。享年六十有四。錢儀吉碑傳集逸民上之下

清

許煥。字牧堂。燦從兄。少有心疾。棄舉子業。放情詩酒。精大六壬術。賣卜茶亭。家

無擔石。辯通作擔不以累人。竟致窮死。

清

懷振熙。熟壬遁。善占候。賃居古張沙里。俞富安家。晨必占課。每晴行。忽帶雨具。

果無愆期。某年臘，爲富安米肆築水椿。按方位正值年煞。同邑風鑑梅長鈴聞匠邪許聲，怪詢其故。曰：日干與富安年庚均氣旺，能尅制，決無恙。厥後隆興橋市集興旺，閱二十年，著作皆談象緯，惜未成書。

清

李鏗，字韶鈞，諸生。性伉爽，能詩，兼精堪輿家言。著有天機妙訣。

清

戴輔美，字德興，駕湖人。駕湖在浙江嘉興縣南三里，一名南湖，湖中有陸雨樓。著有六壬輯要。

清

倪我端，字郢客，嘉興人。康熙中，以歲貢入國子監。諸城李侍讀澄中讀其廷試

卷，亟薦之。榜發，以儒學訓導待銓，授經宣武門內。弟子著錄者日衆，乃避跡西山。我端精於易卜，又善形家言。偶爲主人相度，聞者造詣日繁。我端曰：吾術期避禍耳。諸公欲以化災邀福，不可得也。故事，選人入賞者，得先除。我端念親老，思爲祿養。計束脩之人，悉輸之官，名當注除目矣。或索其籍，歷數歲，名反居後。遂引歸。歸逾年，痛其弟夭，無子，遂成痼疾。歲在丙子六月，自箴得乾之同人。曰：此六月之卦也。吾其以是月終乎。壬辰，昧果卒。年六十一。清宜興吳德旋初月樓聞見錄

清 馮昌臨字與肩嘉興人撰易學參述分內外二編內編爲說六篇自先天八卦

圖以至八卦納甲外編亦六篇自天干化氣五行以至七政四餘蓋欲從漢學而

敷衍之也。四庫經部易類存目三

清 虞兆隆字虹升著天香樓偶存云日月之食宜爲之賀不必爲之護也又云葬

法審向一說自昔從向上起長生如葬穴坐北朝南則向屬南方離火火生於寅

旺於午墓於戌葬穴坐南朝北則向屬北方坎水水生於申旺於子墓於辰葬穴

坐西朝東則向屬東方震木木生於亥旺於卯墓於未葬穴坐東朝西則向屬西

方兌金金生於巳旺於酉墓於丑生旺墓三方砂水合局則吉此一定之法也。按

江都焦理堂先生有坐胎向旺之說與此不同宜參閱之近來忽有於坐山起長生者謂坐北向南則當作坎局坐

南向北則當作離局坐西朝東則當作兌局坐東朝西則當作震局而生旺墓三

方皆隨之移動矣如用此說則不論向而論山將審向一說盡廢與舊說若冰炭

之不相侔矣。天香閣偶存

75 秀水縣

漢由學縣地。三國吳以後。爲嘉興縣地。明析嘉興縣。置與嘉興同爲浙江嘉興府治。清因之。民國廢。

明 吳統持字巨手秀水人弱冠餽於庠文名籍甚崇禎中與妻項偕隱鴛湖焚香

讀易饘粥不繼嘗賣卜於四方徧歷齊魯燕趙之墟或稱胥山樵子所著典林明

月樓集項名佩淑且才著有藕花樓集

尤緒浙江通志文苑○清朱彝尊長安賣卜行。贈吳三統持。集社句云。鬻手爲雲覆手雨。長安布衣誰比數。天涯涕淚

一身遙避地何時免愁苦。男兒性命絕可憐。黃蕭君平賣卜錢。身上須繪腹中實。長安市上酒家試。

明 黃鼎字雲公性穎異博涉羣書遇道人與講義經祕旨遂精錢卜多奇中羽衣

簪冠

簪。晉託。符設也。

儻然自適著有占驗錄五行總裁

光緒嘉興府志藝術

清 朱英武名德昌以字行

新騰鎮志載。英武爲明人。

年十六不知所往數載歸精太乙壬遁之術

嘗授徒陳氏盜夕至英武以術禦之盜自相殺而退後夜遇盜於荒塚間突出戮

以鎗傷鼻人因呼爲朱爛鼻居新騰鎮不娶不茹葷灌園圃終其身英武與人談

必勸以孝友求其術不答年八十無病卒卒之頃出白金三十兩付其鄰曰待我

嗣子來與之翼日未殮嗣子至鄰出所付金而匿其三之一忽張目曰何不盡與

之及舉棺棺若空。人以爲尸解云。

伊志

清 于楷，字蘭林。因親壟未卜，從事堪輿。編閱坊刻諸本，淺陋無稽。未有一及河洛

之旨。迨得古本歸厚錄、天元歌及驢江鄭氏蕉窗問答、瀋陽范氏乾坤法鏡等書。

謂爲於巒頭理氣，悉闡正宗。爰特編次成帙，以公同好。顏曰地理錄要。嘉慶壬戌

刊行。

地理錄要序

清 張純照，著有六壬尋原。嘉慶庚午刊行。

六壬尋原序

清 李景芬，字雨村，秀水人。附貢生。居聞川。攻制藝，善寫墨蘭。旁通六壬奇門之學。

卜休咎輒中。晚寓吳門，造自行木馬，亦能負重。又造自動織綢機，靈妙異常。共稱

有公輸之巧。乃十戰秋闈，薦而未售。遂鬱鬱家居。詠詩遣悶，偶得佳句，喜而不寐。

達旦無倦容云。

清 沈魁英，字可石，秀水人。增貢生。居紅墩浜。幼聰敏，善讀書。經史外，於雜家諸子、

名人詩古文，並岐黃堪輿之術，無不精究。游關輔，人咸目爲迂。遂襁被歸。性拘謹。

謙抑。有時唯唯諾諾。似不能達其辭。若遇知己。一言契合。則又言泉滾滾。不能自已。以故媚軟之流。輒望望然去之。以上嘉興朱編清鶴湖求舊錄

76

嘉善縣

漢由拳縣地。三國吳以後。爲嘉興縣地。明析崇善縣。屬浙江嘉興府。清因之。通杭甬鐵路經之。

明 金丹嘉善人居秀水少爲諸生喜談淮陰睡陽事龍韜虎鈴無所不窺尤精著

數倭寇內犯制府檄爲間諜嘗從戚繼光行間多所俘獲累功官至參將已而家居人不知其爲故帥云。光緒浙江通志武功

明 胡齋齋晉氣水深廣說初名浚字元海陶莊人徙居魏塘賣卜於市言多奇中與同邑袁

杞山相約遊金陵寓神樂觀提點姚一山偶失金杯醋責其徒二人憐之占得剝之頤曰金在土中未亡也汝第從居西南隅掘下五寸則得矣如其言果得杯永樂庚寅一山薦二人於上袁稱疾不行胡至京卜無不驗賜今名授欽天監漏刻

博士

圖書集成藝術典卜筮部名流列傳

清 錢嘉鍾號雲庵邑庠生爲人誠篤謙和精軒岐甘石家言習青烏術者多從之

游著有禾郡七縣海塘圖六壬兵占奇經八脈考奇門彙考藥性分經農閒撫筆

清 曹佳應號子瑞習堪輿家言著有地理入門二卷傅子錫瓏號聲和錫疇號佐

虞均宗元法兼參三合瓏著徵驗圖攷一卷殉粵匪難疇著地學稿錦地理枕祕

選擇簡要並精算術以上光緒嘉興府志卷九術

清 曹庭棟字六吉嘉善人撰易準四卷一卷河圖二卷洛書三卷大衍圖四卷著

法其於河圖改中宮十點之舊於洛書信鳳來道士之傳通洛書大衍之說於易

更分挂抄撰之法於晉又皆圖學中後起之說矣四庫經部易類存目四

清 閔如愚字眉卿諸生精天文地理有奇驗名振一時著有地理盤鍼圖說地理

玄空說干支卦爻說光緒嘉興府志卷九術

77 海鹽縣春秋越武原鄉漢置海鹽縣顧帝時陷為湖其地在今浙江平湖縣東南晉從置今治宋齊以後因之梁末侯景置武原郡陳廢尋省海鹽入鹽官縣唐復置元升為州明復為縣屬浙江嘉興

府志

明 胡日章海鹽澉所人澉音散澉海也少學祿命術遇異人海上授之訣因益精每作絕

句詩判人一生事無不驗。與人言必孝友忠信。有後母者諄切戒勉之。蓋有道而隱於術者。年九十餘卒。其判虞氏女命云。只愁水涸春歸早。香冷簾櫳淡月黃。後適董湄兩月而湄死。以節終。判沈氏命云。年年空佩宜男草。不見金盆浴鳳雛。竟無子。杭州一人問命。判云。自是豪華多樂事。元宵燈下蹴鞦韆。果於明年元夕止。妻觀燈不從。相毆縊死。如是甚多。光緒浙江通志方技

明 徐均潮字鯨波。國學生。砥礪有大志。屢試棘闈不售。究心青島之術。著有地理

擷華地理辨非行世。光緒海鹽縣志藝術

清 萬育和精青島子術。爲人相墓。其持論與俗師異。謂出忠臣孝子者爲上。出文

人學士者爲中。出富貴者爲下。著有形家五要補編。海昌查慎行爲之序。光緒嘉興府志藝術

清 張心言字綺石。海鹽人。幼孤。欲營兩世窀穸。從事巒頭二十年。地之真僞可以立辨。而定穴立向。覺此中有捉摸不定處。遂徧遊八閩。江西。江南諸省。歷驗名墓。兼訪諸山林隱逸。得其緒餘。始悟真詮。返而與朱爾謨。徐芝庭。崔止齋。因端竟委。

日加研究。深信地理不外易理。方圓兩圖。邵子皇極經世。由此而推也。覆按天玉諸經。說玄說妙。無非闡發易理。蔣子傳註。旁引曲喻。都所發明。亦復一字一珠。心言既得真傳。懼後世之久而失傳。撰地理辨正疏五卷。稱疏者。所以疏蔣氏傳註。發明經旨也。辨正疏自序

78

石門縣

春秋時越崇德地。漢由拳縣地。三國吳以後。爲嘉興縣地。五代時吳越析置崇德縣。清康熙元年。改曰石門。民國仍改爲崇德。

宋

吳先生居崇德市中。善易筮。日惟一課。鶉衣簞笠。鶉。音蒼。同箸。扁一屋於邸。逼鄰園。

溷。

溷。音青。溷。音思。廁也。上穿下漏。惟一竹簣爲牀。

簣。音責。席也。

下積敗瓶故甕。蟲鼠過走。戛戛然。

風雪陰雨。則終日閉戶。得錢米衣肉。共置一窟中。時爲人竊去。不問也。無錫戴士先母病。攣不能行。七八年矣。百計求愈不得。士先過崇德。攜百錢訪之。吳爲揲卦。卦成。曰。當得有道之士治之。姑蘇杲道人。杲。與傑同。俗以爲巖獸字。不爲勢利所誘。君純孝往求。必得如志。然其人無定居。當以百日爲期。日歷一巷尋覓。庶可見。士先喜。持書抵蘇。行求不倦。僅五旬。果逢杲道人。投以書。欣然至無錫。爲戴母診視。數日。卽能移。

步。母拔金釵謝之。笑曰。且寄夫人處。他時要用當取之。但館我於外足矣。館之歲餘。忽言曰。我且死。幸鬻所寄釵以辦棺窆。明日果死。戴氏奉其教。及將窆。中已空矣。蓋異人也。光緒浙江通志方技

明 沈如封。字慰先。石門人。工詩。善屬文。精八法。通曉太乙六壬遁甲演禽九流家

言。構樓黃墩。觴咏其中。有見山集北遊稿。光緒浙江通志文苑

清 洪世楷。字士端。庠生。精命理。兼善壬遁之術。卜休咎如神。

清 曹振鱗。字月琪。號可觀。府學廩生。博通經史。屢試高等。早年喪偶。義不再娶。家

貧。以館爲業。及門甚衆。生平深於易學。理數兼通。與人占休咎多奇中。終不以售

卜取利。著有知來寶鑑。門人鄭柚爲之序。以上光緒石門縣志

清 朱輪。字香一。石門人。爲處州教官。植品端方。明醫理。尤精青烏之術。著有筑臺

集。仁和宋咸熙副冷譚

清 屈元熾。字祉堂。石門人。少孤。酷嗜書籍。不惜爲制舉文。咸同間。奉母避地甬東。

益泛濫天文算術。壬遁風角諸書。寇平還里。以時藝鳴於時。雖爲學使者所重。然非其志也。暇則日爲詩古文自娛。又採輯元明以來石門鄉先輩詩。爲石門詩存

八卷。

陸心源儀顧堂集
誠堂屈君墓誌銘

79 平湖縣

本海鹽縣地。明析置平湖縣。屬浙江嘉興府。清因之。有小火輪達嘉興。與滬杭甬鐵路連。

明 姚世勳字元仲。大啓甲子舉人。甲申後隱居。讀易。賣卜。邨寺。著有易賸講義。

光緒

嘉興府
志隱逸

清 吳龍章字雲蒸。髫年好學。精堪輿術。父母早逝。遺弟麟章。未週歲。撫育婚娶。皆

龍章力也。妻賈氏。中年卒。誓不再娶。

光緒平湖
縣志方技

80 桐鄉縣

漢由拳縣地。三國吳以後。爲嘉興縣地。五代晉以後。爲崇德縣地。明析置桐鄉縣。屬浙江嘉興府。清因之。

元 鍾繼元字仁卿。桐鄉人。嘉靖壬戌進士。任安福令。著有易窾。易準。易考。易占。易

原。子史雜著。道德要覽。羣書選要。京房康節啓蒙。畫前錄。渾象析觀等書。

光緒浙江
通志儒林

清 徐念祖。桐鄉人。通壬遁術。乾隆乙丑二月。錢嶼沙方伯。問以得與春闈分校否。

徐曰魁，罷並到，喜氣非凡。意元卷出公房乎。會元蔣元益，狀元錢維城，果皆出其門。後徐宰蒙陰，有犯越獄逸，課之謂當在治東三十里外。水草之交，乃率役追捕。行經小村，令役具餐，自憩柳下。遙見一池中有叢草，回顧有老嫗立簷間。注日向池，若意喻者，飭役投入池覓之，果獲。蓋犯在池中，手擎衆草覆其頂也。清碑類鈔方技

清

潘樾章，字聖木，一字力田。年十五，補桐鄉弟子員。亂後棄去，隱居非溪，肆力於學。綜貫百家，天文、地理、皇極、太乙之學，無不通曉。已乃專精史事，與友人吳炎共撰明史記未成。適烏程莊氏史獄起，參閱有樾章名，遂及於難。所著自史藁外，有松陵文獻、杜詩博議、星名考、壬林非溪集，凡者千卷。碑傳集補逸民

清

張宿之，濮鎮人，精於卜筮，多奇中。所著有河洛圖書纂記，當時名士咸贈以詩。

光緒桐鄉縣志

清

朱蕁，蕁音純，蕁類植物，號小鶴，諸生，精堪輿家言。嘉慶庚午，著地理辨正補行世。姚銘三，嘉慶壬申，亦著有地理辨正合編。光緒嘉興府志藝術合編自序

烏程縣

秦置烏程縣。宋析其東南爲歸安縣。明時並爲浙江湖州府治。民國廢府並二縣。爲吳興縣。縣產繭綢及紗。繭絲之盛。冠於蘇浙二省。又善製筆。世有湖筆之稱。

唐

陸羽。字鴻漸。一名疾。字季疵。復州竟陵人。不知所生。或言有僧得諸水濱。畜之。

既長。以易自筮。得蹇之漸。曰。鴻漸於陸。其羽可用爲儀。乃以陸爲氏。名而字之。土

元初。隱苕溪。自稱桑苧翁。闔門著書。或獨行野中。誦詩擊木。徘徊不得意。時謂今

接輿也。貞元末卒。羽嗜茶。著經三篇。言茶之原之法之具尤備。鬻茶者至陶羽形

置煬突間。祀爲茶神。

光緒浙江通志寓賢

明

溫體仁。字祥卿。大同人。精通陰術。數之學。元末避兵。家於長興。耿炳文初下

湖州。民心未附。祥卿杖策以布衣進謁。炳文與語奇之。遂留贊軍事。爲炳文畫策。

據要害。設戰具。爲守禦計。未幾。吳平。以畫贊功。累官兵部尚書。

光緒浙江通志寓賢

明

朱行恕。字化凡。幼失明。天資敏慧。明萬歷中。浙士張星元最有名。行恕從之學。

卜筮。及李虛中術。盡得其傳。推占多奇中。鄰郡縣大姓。嘗越境來問。家以大饒。乃

徙居蘇州。日來決疑者盈門。每晨起。至日昃不得食。自是朱行恕之名聞天下。行

恕好學問。精神強固。日酬答來問者。夜則精思易理。有所疑。必窮夜思索。得其解。乃已。天明。屬人書之。所著有天機會集。星學刪正。及參訂星元。所撰易林補遺。行於世。清宜興吳德旋初月樓閱見錄

明

葉廣彬。字大宜。號月窗。湖上人。少聰慧。日記萬言。爲舉子業甚精。以親老。兄爲諸生。遂輟業。治田園雜事。然誦讀自如。經史百家。下及陰陽算術。無不淹貫。貌甚謹樸。若無能者。見人疾言遽色。應之益恭。或有詈者。卽走匿帷中。戒家人急閉戶。毋外窺。俟其人去。乃聽出。家大小皆笑其怯。恬然安之。父賈閩。清邑有謝生。貸百金。計息當倍。而謝生亡。父憐其孤。獨予之。後次子往徵。盡得其數。分半歸公。廣彬曰。父獨之子受之耶。違親獲利。其失多矣。堅不受。事父母甚孝。妻沒。尙未艾。竟不再娶。有鄭士者。嘗貸金不償。更貸其子。復不償。往徵。有謾語。心不能無少望。欲訟之官。己思曰。彼貧故負金。急徵鬻田宅。是禍之也。檢券還之。鄭與妻子泣且拜曰。我無以謝公。聞公未孫。此鄉有九天一炁真人祠。其神靈甚。我夫婦湖望爲公禱。

以此謝公。逾年生孫。名臺山。大貴顯。廣彬晚年結社談詩。自題月窗曰。天光清淺。夜如練。桂影高低。月下明。坐向中宵。猶白晝。却疑月窟在靈扁。喜熟寢。一日其子桂山問曰。寢安乎。曰安。殆將還造化矣。又曰。世人謂將死有鬼物。甚妄。我但覺氣盡。如五穀黃熟自歸。因自誦曰。八十年來識更真。深知言行切脩身。謹言慎行無些過。細數吾鄉有幾人。已復泣下。子曰。怛化乎。祖晉但。驚愕也。曰。非也。吾今安坐待往。思

吾父母沒時苦。故悲耳。遂起拜天地祖先。復臥。忽曰。吾逝矣。遂終。年八十二。居家儉素。課僕力耕。躬自飯牛。至老猶然。一日爲牛觸僵仆。子奎謂大人何不自愛。作此細事。廣彬曰。百里奚飯牛而牛肥。此細事耶。汝試使僕往。牛必饑。牛饑則無以耕。是廢農也。可不慎歟。明湖上朱國禎榜禮小品

清

沈重華。字亮功。吳興人。爲其先大父卜兆。遂究心於堪輿。選擇諸書。凡藏書家善本。靡不借觀。顧地之臧否。按圖覆舊。前人之遺跡猶存。學者潛心考驗。師資係焉。獨選擇一途。假捏之神煞。載在通書。不啻什居五六。後世鮮不爲其所惑。乾隆

辛卯。爰遵協紀辨方書。詳查考訂。輯通德類情。十三卷。行世。通德類情序

清

嚴可均。字景文。號鐵橋。烏程人。嘉慶庚申舉人。官建德縣教諭。引疾歸。可均博

聞強識。嘉慶戊辰。詔開全唐文館。可均以越在草茅。無能爲役。慨然曰。唐之文。盛矣哉。唐以前。要當有總集。乃輯上古三代秦漢三國六朝人文。使與全唐文相接。多至三千餘人。成書若干卷。有子初。墮地。可均自卜六齡當孤。命曰六孤。六孤者。博。可均卒。圖書金石率償博進。亂後不知所終。清史稿儒林傳碑傳集儒學

82

歸安縣

宋析烏程東南境置。與烏程俱。卅州郭下。明清爲浙江湖州府治。民國廢。并爲吳興縣。

明

施侃。字邦直。歸安人。肆力於學。經史之餘。凡陰陽律呂。兵卜奇祕。無不鉤勘。有

得。輯書於冊。爲古文雄渾深懋。詩先氣格。意興清遠。與山人孫太初游。其詩才亦

相當。嘉靖丙戌。成進士。有菁山集。光緒浙江通志文苑

清

姚文田。字秋農。歸安人。乾隆己酉舉於鄉。甲寅高宗幸天津。召試第一。授內閣

中書。嘉慶己未。一甲一名進士。授修撰。迭典廣東。福建。山東。順天鄉試。提督廣東。

河南江蘇學政。癸酉入直南書房。丁丑充會試總裁。歷戶兵工三部侍郎。道光丁亥七月擢禮部尚書。十月卒於官。年七十。依尚書例賜卹。謚文僖。文田裕學識。負人倫鑒。屢典文衡。皆得士。以學行受知兩朝。特達之知。持己方嚴。蒞官勤慎。學者盛談考據。往往尊漢儒。詆宋儒。文田特持正議。謂五代後。人道不致陵夷者。皆宋儒之力。至箸述小差。先儒皆有未足爲詬病。作宋儒論。以詔學者。雖宗法宋儒。然漢學未嘗不究心。所著易原。春秋日月表。說文聲系。說文攷異。四聲易知錄。邃雅堂文集諸書。皆入許鄭之室。同時言漢學者。未能或之先焉。旁及天文五行雜占。醫經。著內經脈法一卷。疑龍撼龍經注二卷。相宅一卷。嘉慶癸酉。林清之變未起。彗橫入紫微垣。道光辛巳。彗見南斗下。主外夷兵事。皆先事言之。人服其精識。

清史

稿本傳。穆茶孫。續碑傳集。道光朝
部院大臣葉恭綽。清代學者象傳。

清

仰思忠。歸安人。精堪輿家術。閩故方伯何公。先爲湖州守。其婦六合尹林克正。

知思忠。乃延之人。閩爲方伯擇葬地。而其姻某。亦欲葬父。因聘仰爲得一地甚佳。

方點穴而雨至。約天晴再往。是夜思忠夢一老者問曰。今日之地佳否。曰佳。曰切勿與之。此人爲考官鬻三舉子。當有陰禍。若葬此地。法當榮其子孫。非天意矣。遂覺。明日思忠問克正曰。昨大尹公先爲何官。宦業如何。曰。先爲某縣教諭。轉此官不久。遽卒。聞爲考官時。通關節。得賄甚多。鄉評以此少之。思忠惕然。遂托故辭歸。越三年。遇其鄉人。問某大尹葬何所。人曰。因與勢家爭地。官事牽連。至今未葬。家業亦凋落矣。思忠益歎異之。清緒人種
堅氣祕集

清

卞斌。字叔均。號雅堂。歸安人。弱冠以古學受知阮文達公。補弟子員。嘉慶戊午

舉於鄉。辛酉成進士。改主事。出爲江蘇常州知府。轉廣西左江道。擢光祿寺少卿。所至有聲績。斌治經之餘。復兼及天文五行。壬遁醫筮。堪輿。著易經通解。尙書集解。緝雅。詩文賦若干卷。續碑傳集
內閣九卿

清

凌莖。字厚堂。歸安人。道光辛卯舉人。大挑。選授金華教諭。工古文。兼奇門醫卜。星相。無所不能。一望卽能決人貴賤壽夭。何宮保桂清。辛卯同年也。撫浙時。凌以

教職考驗。一見懽然握手。曰：君昔相我當封疆。今封疆矣。請再視我異日何若。對曰：昔觀公相甚善。今所留下部髯甚惡矣。於法當斬首。何大怒。揮之出。越六年。何果以失守罪伏法。此外相雖間有不中者。然後來應驗者居多。嘗謂先大夫曰：大劫將臨。浙江無一片乾淨土。吾所相人多橫死者。獨公祖孫父子相皆善。不遭此劫。當是公厚德所致。又嘗昌言年屆庚申。京城有急。兵入而杭州亦破。數俱前定。莫可挽回。至己未歲。遂棄官歸。時余即陳其元爲富陽教諭。舟遇城下。不入。貽書先大夫決別。語甚慘。而猶以子孫無害之說。慰先大夫焉。次年庚申。夷人果入京師。而杭城於二月間。爲粵匪所陷。皆如其言。自是余奔走兵間。無從得其消息。至乙丑歲。在盛澤。過其鄉。人問之。乃知其歸後。居晟舍鎮。杜門不出。湖州陷之月。自卜賊匪當於某日到鎮。若過巳時。則無害。屆日。開門延友飲酒以待。至巳時。賊果至。執之以歸。僞王聞其名。將以爲軍師。大罵不肯。命之跪不肯。有賊帥爲之緩頰。曰：一揖。卽縱汝出矣。亦不肯。僞王怒。揮去殺之。延顛受刃。顏色不變而死。噫。厚堂亦可。

謂非常人矣。

海昌陳其元
唐開齋筆記

清姚承輿字正甫。應舉京師。肆其餘力。兼精衆技。著有陽宅正宗。以氣爲綱。以宅水路空嶠形門向爲目。言簡法備。文淺義深。人人可曉。而前人未發之祕。卽具於是。知相宅者。樂其平易。大都驚爲創獲。道光己酉刊行。陽宅正宗
季芝昌序

83

長興縣

晉分烏程縣地。置長城縣。五代吳越。避梁諱。改曰長興。宋升爲長興州。明改曰長安州。尋復爲長興縣。屬浙江湖州府。清因之。

晉戴洋字國流。吳興長城人。妙解占候卜數。吳末爲臺吏。知吳將亡。託病不仕。人問洋曰。或言江南當有貴人。顧彥先。周宣珮。當是否。洋曰。顧不及臘。周不見來年八月。顧果以是年十二月十七日卒。十九日臘。周以明年七月晦日亡。時司馬鬣爲烏程令。坐吏免官。洋曰。卿雖免官。更十一月當作郡。加將軍。至期爲太山太守。振武將。鬣賣宅將行。洋止之曰。君不得至當還。不可無宅。鬣果爲徐龕所逼。不得之郡。其它占驗甚多。年八十餘卒。具見本傳。今止取周顧之死。司馬之遷。以見一死一生。一官一職。一行一止。莫不先有定數。人力區區。皆無益也。使奔競進者觀。

此而稍安義命。不亦善乎。晉書藝文志光緒浙江通志方按古今類事卜兆門

明

吳琬字汝琇。世居呂山。宅傍有井泉甚甘。因自號甘泉。琬所出微。少孤。穎異絕倫。而不習舉子業。藏書數屋。建環山樓於董鵬。鍵戶冥搜。積十年不下。遂精皇極經世之學。挾邵子闢奧。郡守劉太和。北面受業。劉之夫人亦妙解推測。親執弟子禮。析義質疑。若柳惔之於道蘊也。宸濠以幣交。峻卻之。嘗遊白門。塗遇輿柳蠶。蠶占有異。啓邏者發之。則逆瑾所實兵器也。瑾謀自是折焉。其知幾如神類此。武宗詔徵。至中途遘歸卒。所著有元元集。皇極經世鈴解。太乙統宗。太乙陶金。六壬金鎖匙。天文要義等書。又三才廣志。三百卷。史類六百卷。環山集六卷。光緒浙江通志文苑

清

吳慶奎字聚之。道光丙午舉人。少承家學。通十三經。及天官河渠。六壬奇遁諸書。而尤達於易。嘗取漢唐諸家說。概言鈔義。概。晉規。鈔。音。謂。概。鈔。義也。演暢妙旨。爲李鼎祚周易集解正。若干卷。已燬。燬於兵。又著若谿權歌百首。其書尙存。光緒長興縣志人物

84 德清縣

晉武康縣地。唐析置武源縣。尋改臨溪。又改德清。明清皆屬浙江湖州府。

清 陳雲鳳字苞雯。德清人。康熙乙酉舉人。以何國宗薦。召至。蒙養齋。纂修六壬書。又修周易兌宮卦。凡三百八十四篇。復被旨纂修命書。子廷炎。甥李賡臣。皆精算。

法。同治湖州府志藝術

清

范時行。縣志作自行

蘇州人。善文章。隱於相字。

乾隆間寓於邑之紫陽觀。所言不多。而

義理明徹。吉凶禍福指示若神。每日以得錢六百爲率。過此則垂簾謝客。頗有君平謝石氣度。一營兵拈棋字。問終身休咎。范曰。凡圍棋之子。愈著愈多。象棋之子。愈著愈少。今所拈是棋字。非碁字。從木不從石。則是象棋子。非圍碁子也。恐家中人口日益凋零矣。其人曰。是也。然此非所問。問日後何如耳。范曰。觀爾服裝。是行伍中人。乃象棋中之卒也。卒在本界止行一步。若過河。縱橫皆可行。以是言之。爾外出方可得志。然卒過河亦止行一步。亦不能大得志也。又有拈義字以問者。范問年若干。告之。范曰。然則生年屬羊也。義字從羊從我。是只一屬羊之我耳。終身孤隻。不能有妻子也。妻子且不能有。他何望焉。又有一人以風字問妻所孕。爲男

爲女。范曰：移中間虫字於右旁，則似虺字。詩曰：惟虺惟蛇。女子之祥。所孕必女矣。又有一業理髮者，盛冠服而往，拈村字問之。范曰：木以長材爲貴，一寸之木，亦何所用。其人以爲道其剃刀之柄也，驚而失色。范曰：凡事若能努力，則方寸之木，可使高於岑樓。君何必自墮其志乎。後其人果發迹致富。

德清俞樾右台山館筆
記民國德清縣志藝術

清

徐端，字肇之，一字心如，德清人。乾隆間以通判官東河河工。嘉慶間累官江南

河道總督。明習河事，授吏程功，贏絀必如所計。民爲建立生祠。馨香俎豆以奉之。端姿性過人，弱冠下筆成文，著迴瀾紀要、安瀾紀要二書。生平篤嗜壬課之學，以數十年之研求探討，又著六壬直指八卷。大學士彭公蘊章序其謂洵發古人之秘，而爲後學心傳之師也。

直指
彭序

清

俞樾，字蔭甫，號曲園，德清人。道光庚戌進士，咸豐壬子授編修。乙卯簡散河南

學政。丁巳罷官歸，僑居蘇州。著述不倦，主講杭州詁經精舍。至三十一年爲一時樸學之宗。光緒丙午卒，年八十有六。著有春在堂全集，凡五百卷，而游藝錄一書。

言簡法備。尤爲治星命六壬及奇門相宅家所必讀。

清史稿儒林春在堂集○春在堂隨筆云。金石文字。例不書初一初二。而書甲子。

乙丑。余案頭每置萬年書。以便檢尋。惟坊間所行小木萬年書。率多錯誤。余偶觀論命之法。以生氣天醫福德爲上婚。絕命游魂歸魂爲中婚。五鬼絕命爲下婚。託之宮才。未知然否。但以一三三一。二七。七二。四九。九四。六八。八六。爲福德。則誤以天醫爲福德。以一七。七一。二三。三三。四六。六四。八九。九八。爲五鬼。則誤以絕體爲五鬼。此於吉凶尙未懸殊。至一八。八一。二四。四二。三六。六三。七九。九七。爲天醫。則誤以五鬼爲天醫。以一九。九一。二六。六二。三四。四三。七八。八七。爲絕體。則誤以福德爲絕體。吉凶不亦謬乎。聽之。此數即八卦九宮之數。坎一。坤二。震三。巽四。坤五。乾六。兌七。艮八。離九。是也。而八卦以坎離震巽爲東四宮。乾坤艮兌爲西四宮。凡兩數同宮者吉。生氣福德大吉。天醫歸魂次吉。游魂異宮者凶。絕命五鬼大凶。絕體游魂次凶。今以坎一艮八等爲天醫。則異宮者反吉矣。以坎一離九等爲絕體。則同宮者反凶矣。特此校正之。其理易見。余恐淺人爲小本萬年書所誤。故書之於此。其詳見余所撰游藝鏡相宅篇。

85

鄞縣春秋越。東界鄞邑。陸。秦置鄞縣。晉又徙置句章縣。隋平陳。并鄞鄞二縣入句章。唐於句章縣置鄞州。宋廢。復改置鄞縣。五代梁改置鄞縣曰鄞。宋爲慶元府治。元爲慶元路治。明清皆爲浙江寧波府治。清時

浙江提督駐此。越杭甬鐵路南段暨於此。城外甬江之岸。清道光二十三年。開作商埠。南京條約。訂開沿海五口之一也。與日本葡萄牙頭商最早。唐時日本使人於此登陸。

宋 任炳。鄞縣人。精陰陽五行之學。言多中肯。真文忠公德秀。爲文贈之。有云。以理

論氣者。濂溪先生之學也。以理論數者。安樂先生之學也。鄞山江寧。晉茂山在浙東三十里。任見

炳。推演五行。必本於理。其殆有聞於二先生之學乎。識者毋以陰陽者流例目之。

真文忠公文集 附五行任君炳

宋

王應麟字伯厚慶元府人

慶元府節
今之鄞縣

自署浚儀蓋其祖籍也淳祐辛丑進士寶祐

丙辰復中博學鴻詞科官至禮部尙書撰有六經天文編二卷是編裒六經之言天文者以易書詩所載爲上卷周禮禮記春秋所載爲下卷雖以天文爲名而不專主於星象凡陰陽五行風雨以及卦義悉彙集之採錄先儒經說爲多義有未備則旁涉史志以明之亦推步家所當攷證也

四庫子部天
文算法類一

元

王昌世字昭甫尙書應麟子以恩補承務郎未及祿而宋亡尙書杜門不出取

經史諸書講解論辨昌世聽受無倦自是於名理經制治道之體統古今禮典之因革殊聞異見靡不究悉蓄書萬餘卷燬於火露鈔雪纂至忘寢食書以復完爲文一發於本實尤精於易筮占驗如前知云當世諸公薦章交上昌世力辭曰士之大節嗣守爲難敬身所以敬親得讀父書求己志以畢此生足矣不願外也性孝友與友人交重然諾亦不苟爲阿附卒年六十一

以上元緒浙
江通志儒林

明 袁珙字廷玉其先南昌人後家於鄞常游普陀洛伽山遇異僧別古崖授以相

人術。因令仰視赤日。待兩目盡眩。潛布黑赤豆於暗處。俾辨之。又夜懸五彩絨線。牕外映月。使別其色。皆無訛。然後相人。其法以夜中燃兩炬。視人形狀氣色。而參以所生年月。百無一謬。珙在元時。已有名。所相士大夫。數十百。其於死生禍福。遲速大小。並刻時日。無不奇中。在鄞南臺大夫。普化帖禾兒。由閩海道見珙。珙曰。公神氣嚴肅。舉動風生。大貴驗也。但印堂司空有赤氣。到官一百四十日。當奪印。然守正秉忠。名垂後世。願自勉。普署台事於越。果爲張士誠逼取印授。抗節而死。見江西憲副程徐曰。君帝座上黃紫氣見。千日內有二美除。但冷笑無情。非忠節相也。徐於二年後。拜兵部侍郎。權尙書。又二年。降於明。爲吏部侍郎。嘗相陶凱曰。君五嶽朝揖。而氣色未開。五星分明。而光澤未見。宜藏器待時。不十年以文進。爲異代臣。官二品。其在荆揚間乎。凱後爲禮部尙書。其精類如此。洪武中。遇姚廣孝於嵩山寺。謂之曰。公目有三角。形如病虎。性必嗜殺。劉秉忠之儔也。幸自愛。後廣孝薦於燕王。召至北平。令使者與飲於酒肆。王雜類己者九人。操弓矢入肆。珙一見

卽趨拜曰。殿下何輕身至此。九人笑其謬。珙言益切。王乃起去。召珙宮中諦視。曰。龍行虎步。日角插天。太平天子也。年四十。鬚過臍。卽登大寶矣。已見藩邸諸校卒。皆許以公侯將帥。王慮語洩。遣之還。及卽位。召拜太常寺丞。賜冠服鞍馬。文綺寶鈔。及居第。帝將建東宮。而意有所屬。故久不決。珙相仁宗曰。天子也。相宣宗曰。萬歲。天子儲位乃定。珙相人卽知其心術善。惡人不畏。義而畏禍。往往因其不善。導之於善。從而改行者甚多。爲人孝友。端厚。待族黨有恩。所居鄞城西。遶舍種柳。自號柳莊居士。有柳莊集。永樂八年庚寅卒。年七十有六。賜祭葬。贈太常少卿。

明史方
技光緒

浙江通
志方技

明

袁忠徹字靜思。柳莊子。能世其業。從父謁燕王。王宴北平諸文武。使忠徹相之。謂都督宋忠。面方耳大。身短氣浮。布政使張昺。面方五小。行步如蛇。都指揮謝貴。擁腫早肥而氣短。都督耿瓚。顴骨插鬢。色如飛火。僉都御史景清。身短聲雄。於法皆當刑死。王大喜。起兵意益決。及爲帝。卽召授鴻臚寺序班。賜賚甚厚。遷尙寶寺

丞。已改中書舍人。扈駕北巡。駕旋。仁宗監國。爲讒言所中。帝怒。榜午門。凡東宮所處分事。悉不行。太子憂懼成疾。帝命蹇義、金忠偕忠徹視之。還奏。東宮面色青藍。驚憂象也。收午門榜可愈。帝從之。太子疾果已。帝嘗屏左右。密問武臣朱福、朱能、張輔、李遠、文臣姚廣孝、夏元吉、蹇義、金忠等禍福。後皆驗。九載秩滿。復爲尙寶司丞。進少卿。禮部郎周訥。自福建還。言閩人祀南唐徐知誨。其神最靈。帝命往迎其像。遂建靈濟宮於都城祀之。帝每遭疾。輒遣使問神。廟祝詭爲仙方以進。藥性多熱。服之疾壅氣逆。多暴怒。至失音。中外不敢諫。忠徹一日入侍進諫。曰。此痰火虛逆之症。實靈濟宮符藥所致。帝怒曰。仙藥不服。服凡藥耶。忠徹叩首哭。內侍二人亦哭。帝益怒。命曳二內侍杖之。且曰。忠徹哭我。我遂死耶。忠徹惶懼。趨伏階下。良久始解。帝識忠徹於藩邸。故待之異於外臣。忠徹亦以帝遇己厚。敢進讜言。嘗諫外國取寶之非。武臣宜許行服。衍聖公誥。宜改賜玉軸。聞者躓之。宣德初。覩帝容色。曰。七日內。宗室當有謀叛者。漢王果反。嘗坐事下吏。罰贖。正統中。復坐事。

下吏休致二十餘年。卒年八十三。世所傳軼事甚多。其相王文謂面無人色。法曰
瀝血頭。相于謙謂目當上視。法曰望刀眼。後果如其言。忠徹著有古今識鑒四卷。
乃宣宗命採古來相人有驗者。裒爲一書。至景泰二年辛未始奏進。所錄上自三
皇下迄明代。又自作象人賦一首附之。又有人相大成。鳳池吟稿。符臺外集等書。

明史方技開中今古錄四庫子部術數類存目一。○明吳興陳鏗兩山叟談云。晉陳調相甘卓曰。頭低視仰。相名盼
刀。後爲王敦所殺。景泰中。袁忠徹嘗謂人曰。少保于公。何不早退。人詢其故。曰。于頭下而視上。在法名望刀
眼。未幾被戮。人咸神之。今觀調之相卓如此。知袁之本於舊法耳。諺云。父命推於子祿。夫壽可以妻延。永樂中。
順天尹王公驥。患傷寒。忠徹往視其疾。神色俱變。不可入目。亟請其妻出視之。云。疾雖云甚。大事無妨。夫人之
貌。直到一品命婦。已而疾果愈。後王公以征虜川功。封靖遠伯。是則一品命婦之言不爽。而夫壽而以妻延之。諺
不謬矣。○清南昌彭配堂間處光陰云。明永樂間。尚寶卿袁忠徹侍上。觀歷代帝王像。至宋太祖曰。果然面方耳
大。英武之主。其真宗而下。則曰諸像清瘦。如今時太醫樣一般。皆秀才皇帝。見元世祖像曰。北人南相。其他諸
帝。皆是吃綿羊肉郎主。末及昭帝。曰。此又如太醫樣。何也。忠徹不能對。乃備述於符臺外集。竊以順帝非明宗
子。文宗詔旨。已直言之。宋遺民錄所載。亦必備有見聞。是其語朝野相傳。由來已久。意明宗取帝於瀛國。年當
少壯。或不卽以爲嗣。故不深認其事。而帝乃利於羈縻。甘心背本。痛恨人言。詎知貌與心殊。清癯似祖。使之然
者。得非天耶。文宗后。忍舍己子而立帝。豈亦天假之耶。水東日記載余應詩曰。皇宋帝十六飛龍。元朝降封瀛國
公。元君召公尙公主。詩承賜文明光宮。酒醑伸手拜金柱。化爲龍爪驚天容。元君含笑語羣臣。鳳雛豈與凡鳥同。
侍臣獻謀將見除。公主泣淚深訴詢。幸脫虎口走方外。易名合尊沙漠中。是時明宗在沙漠。締又合尊情頗濃。合
尊之妻夜生子。明宗隔帳聞笙簧。乞歸行宮養爲嗣。皇考崩時年甫童。元君降詔移南海。五年乃歸居九重。憶昔
宋主受周禪。仁義綽有三代風。至今兒孫主沙漠。吁嗟趙氏何其隆。○海昌陳其元甫聞齋筆記云。夏考功彙仲。
鑑忠節。曾舉天下清官第一。子舍人完淳。誠節愍。年十六。遭國難。作大哀賦。論者謂不減東信之哀江南。先後

與公抗節死。公豹目虵髮。雙日上視。爲盼刀眼。與于忠肅同居。恆推鏡曰。此頭終當爲誰斫。於順治丁亥。遂得明夷。五月遂遇難。

明

倪光字應奎。少受易。時時沈玩先天。忽朗然內覺。若有神授。自知不良於功名。遂悉棄去。觀消息盈虛。輒能前知。遨遊二京。名動諸公。卿皆爭致說易。一日在楊公文懿所。忽中貴使至。光見一雀自庭樹集於地。已復還集樹。卽謂其使曰。汝來得非失馬乎。六日當復。使大驚。文懿問故。光曰。雀踴躍物也。去樹而集於地。舍所依也。已還集樹。復歸其所也。其集樹也。自北而南。水數六也。故曰馬失而六日復。因復問馬色。光曰。以北水剋南火。當赤。而近於黑。皆悉驗。人咸以小康節呼之。後閣老萬安欲薦官之。光遽辭歸。旅宿臨清。中夜聞叩戶聲。棘而辭哀。光厲聲曰。汝作歹。將勾生耶。其人吐實。光謾曰。南北東西。皆汝路也。旦起。市已獲盜。有產子者至。而傘裂。其人失色。光曰。傘裂而小人見。汝細君已育子可喜矣。年八十。生而舉殯。擬淵明自祭。杜牧志慕事。爲詩自挽。其達生委命如此。人皆稱爲味易先生。所

著有味易詩集。凡十二卷。

光緒浙江通志方技

明 楊少坡。忘其名。鄞人。善唐舉。衡。萬曆辛丑。張肆於京師。長安西街。爲人落拓。無

威儀。常衣敝衣。曳無跟履。躑躅造人家。故京師人稱爲楊風子。是年廷試過。尙未

殿唱。外譚傳太倉王辰玉衡狀元。雖王亦有所聞。自以爲狀元也。楊適過余邸。余

餘福 偶問狀元王公乎。楊曰否。那得兩狀元。狀元爲華亭張公以誠。王公父子榜

眼也。余熾之曰。莫風若無耳耶。不聞外人傳語耶。我今報汝。若見王公。莫作是言。

楊曰。我已與王公言之矣。渠贈我一扇。言驗後。持此索謝。余索扇展玩。乃題詩二

句云。楊君許我爲榜眼。未卜何人作狀元。余笑語之曰。此詩微示不足汝意。臚唱

後。何面目見之。次日放榜。張果狀元。王榜眼。獨楊在京不甚知名。何以奇中如此。

明徐福祥花
當開叢談

明 胡宏。字任之。寧波人。少時受術於日者張生。力學勤苦。不厭。正統初。遊杭。遇老

翁。自稱汴人。深於易理。宏從之遊。盡得其祕。由此以下。筮名。景泰初。從張都御使

楷。征閩寇鄧茂七。在軍中所言多奇中。後與蘇士大夫遊。多從問休咎。儒士杜瓊。

年暮數失子。筮得鼎初爻。云子爻逢旺。當有二男。趙御使忠。筮得坤之師。云當發策決科。司風憲。至某年月罷官。且生子。祝叅政灝。筮得比。二五爻動。云君臣慶會。必居黃門近侍。轉任大藩。後皆驗。楊尙書翥。筮得復之六二。言公至中年。方有奇遇。若官至三品。壽九十。官二品。則差減四五年。有子。亦沾祿。未幾。果以潛邸舊恩。累進大宗伯。卒年八十五。子亦以蔭授吳縣主簿。如此千百皆中。宏尤善相字。嘗有士人應試。書串字。宏云。君不惟中舉。兼中進士。串字者。二中也。別一士聞其語。亦書串字以問。宏云。君且勿言科名。當憂疾病。其後二人一聯捷。一得重疾。幾不起。或曰。所問者字同。而吉凶何以相反。宏曰。問者出於偶爾。從而效之。則有心矣。串下加心。故應得患也。常著筮書曰黃金尺。

明陸燦庚已編光緒浙江通志方技

明

樓楷。號南沙。鄞縣人。撰通書捷徑。是書成於嘉靖癸亥。以世行選擇通書。有彼此背馳。棄取違戾者。故作此以正之。其似吉而有犯。本凶而有解者。咸爲辨析。蓋

亦當時坊行之本。

四庫提要子部術數存目二

清 陳昌泗，字孔塘，鄞人。少卽有志洛閩之學。奮然思承其緒。與宗人裕齋、互相討

論。時時以正議扶末俗。家貧甚。教授所入泉粟。不足以給家人之衣食。乃以京房
易傳賣卜。巧發神中。其持論如蜀莊。必依於孝弟忠信。不徒以休咎禍福動人。兼
通方書。時亦應人之求。不謀利。藹衣藿食終其身。吳德旋初月樓續聞見錄

86

慈谿縣唐析鄞縣地。置慈溪縣。明改溪曰谿。屬浙江寧波府。清因之。滬杭甬鐵路經之。

明 陳茂禮，字履卿，慈谿人。博綜墳典。至太乙奇門。無不通曉。嘉靖進士。授工部主
事。倭蹂江南。改兵部郎。參謀軍務。以功擢江西兵備副使。改備兵瓊州。卒。光緒浙江通志武功

北齊書方技傳。易曰定天下之吉凶。成天下之亹亹。莫善於蓍龜。是故天
生神物。聖人則之。故太史公著龜策日者傳。所以廣其聞見。昭示後昆。

歷代卜人傳卷八終

周書藝術傳。仁義之於教大矣。術藝之於用博矣。徇於是者。不能無非。厚於利者。必有其害。詩書禮樂。所失也淺。故先王重其德。方術技巧。所失也深。故往哲輕其藝。夫能通方術。而不詭於俗。習技巧。而必蹈於禮者。豈非大雅君子乎。

史記日者傳。自古受命而王。王者之興。何嘗不以卜筮法於天命哉。其於周尤甚。及秦可見。代王之入。任於卜者。太卜之起。由漢興而有。

又龜策傳。自古聖王將建國受命。興動事業。何嘗不寶卜筮以助善。唐虞以上。不可記已。自三代之興。各據禎祥。塗山之兆從。而夏啓世。飛燕之卜順。故殷興。百穀之筮吉。故周王。王者決定諸疑。參以卜筮。斷以著龜。不易之道也。

國家圖書館



005491534

